

新唐書

冊八



唐書卷五十四

宋 翰 林 學 士 歐 陽 修 撰

食貨志第四十四

唐有鹽池十八井六百四十皆隸度支蒲州安邑解縣有池五總曰兩池歲得鹽萬斛以供京師鹽州五原有烏池白池瓦池細項池靈州有溫泉池兩井池長尾池五泉池紅桃池回樂池弘靜池會州有河池三州皆輸米以代鹽安北都護府有胡落池歲得鹽萬四千斛以給振武天德黔州有井四十一成州舊州井各一果閩開通井百二十三山南西院領之邛眉嘉有井十三劍南西川院領之梓遂緜合昌渝瀘資榮陵簡有井四百六十劍南東川院領之皆隨月督課幽州大同橫野軍有鹽屯每屯有丁有兵歲得鹽二千八百斛下者千五百斛負海州歲免租爲鹽二萬斛以輸司農青楚海滄棣杭蘇等州以鹽價市輕貨亦輸司農天寶至德間鹽每斗十錢乾元元年鹽鐵鑄錢使第五琦初變鹽法就山海井竈近利之地置監院游民業鹽者爲亭戶免雜徭盜鬻者論以

法及琦爲諸州榷鹽鐵使盡權天下鹽斗加時價百錢而出之爲錢一百一十自兵起流庸未復稅賦不足供費鹽鐵使劉晏以爲因民所急而稅之則國足用於是上鹽法輕重之宜以鹽吏多則州縣擾出鹽鄉因舊監置吏亭戶糶商人縱其所之江嶺去鹽遠者有常平鹽每商人不至則減價以糶民官收厚利而人不知貴晏又以鹽生霖潦則鹵薄曠旱則土溜墳乃隨時爲令遣吏曉導倍於勸農吳越揚楚鹽廩至數千積鹽二萬餘石有漣水湖州越州杭州四場嘉興海陵鹽城新亭臨平蘭亭永嘉太昌候官富都十監歲得錢百餘萬緡以當百餘州之賦自淮北置巡院十三曰揚州陳許汴州廬壽白沙淮西甬橋浙西宋州泗州嶺南兗鄆鄭滑捕私鹽者姦盜爲之衰息然諸道加權鹽錢商人舟所過有稅晏奏罷州縣率稅禁堰埭邀以利者晏之始至也鹽利歲纔四十萬緡至大曆末六百餘萬緡天下之賦鹽利居半宮闈服御軍饗百官祿俸皆仰給焉明年而晏罷貞元四年淮西節度使陳少游奏加民賦自此江淮鹽每斗亦增二百爲錢三百一十其後復增六十河中兩池鹽每斗爲錢三百七十

江淮豪賈射利或時倍之官收不能過半民始怨矣劉晏鹽法旣成商人納絹以代鹽利者每緡加錢二百以備將士春服包估爲汴東水陸運兩稅鹽鐵使許以漆器瑋瑁綾綺代鹽價雖不可用者亦高估而售之廣虛數以罔上亭戶冒法私鬻不絕巡捕之卒遍于州縣鹽估益貴商人乘時射利遠鄉貧民困高估至有淡食者巡吏旣多官冗傷財當時病之其後軍費日增鹽價寔貴有以穀數斗易鹽一升私糴犯法未嘗少息順宗時始減江淮鹽價每斗爲錢二百五十河中兩池鹽斗錢三百增雲安渙陽塗澮三監其後鹽鐵使李錡奏江淮鹽斗減錢十以便民未幾復舊方是時錡感貢獻以固寵朝廷大臣皆餌以厚貨鹽鐵之利積于私室而國用耗屈榷鹽法大壞多爲虛估率千錢不滿百三十而已兵部侍郎李巽爲使以鹽利皆歸度支物無虛估天下糶鹽稅茶其贏六百六十五萬緡初歲之利如劉晏之季年其後則三倍晏時矣兩池鹽利歲收百五十餘萬緡四方豪商猾賈雜處解縣主以郎官其佐貳皆御史鹽民田園籍於縣而令不得以縣民治之憲宗之討淮西也度支使皇甫鏞加劍南東

西兩川山南西道鹽估以供軍貞元中盜鬻兩池鹽一石者死至元和中減死
流天德五城縛奏論死如初一斗以上杖背沒其車驢能捕斗鹽者賞千錢節
度觀察使以判官州以司錄錄事參軍察私鹽漏一石以上罰課料鬻兩池鹽
者坊市居邸主人市僧皆論坐盜刮嫌土一斗比鹽一升州縣團保相察比於
貞元加酷矣自兵興河北鹽法羈縻而已至皇甫縛又奏置權鹽使如江淮權
法犯禁歲多及田弘正舉魏博歸朝廷穆宗命河北罷權鹽戶部侍郎張平叔
議權鹽法弊請糶鹽可以富國詔公卿議其可否中書舍人韋處厚兵部侍郎
韓愈條詰之以爲不可平叔屈服是時奉天鹵池生水柏以灰一斛得鹽十二
斤利倍嫌鹵文宗時采灰一斗比鹽一斤論罪開成末詔私鹽月再犯者易縣
令罰刺史俸十犯則罰觀察判官課料宣宗卽位茶鹽之法益密糶鹽少私盜
多者謫觀察判官不計十犯戶部侍郎判度支盧弘止以兩池鹽法敝遣巡院
官司空輿更立新法其課倍入遷權鹽使以壕籬者鹽池之隄禁有盜壞與鬻
嫌皆死鹽盜持弓矢者亦皆死刑兵部侍郎判度支周墀又言兩池鹽盜販者

迹其居處保社按罪鬻五石市二石亭戶盜糶二石皆死是時江吳羣盜以所
剽物易茶鹽不受者焚其室廬吏不敢枝梧鎮戍場鋪堰埭以關通致富宣宗
乃擇嘗更兩畿輔望縣令者爲監院官戶部侍郎裴休爲鹽鐵使上鹽法八事
其法皆施行兩池權課大增其後兵遍天下諸鎮擅利兩池爲河中節度使王
重榮所有歲貢鹽三千車中官田令攷募新軍五十四都鐔轉不足乃倡議兩
池復歸鹽鐵使而重榮不奉詔至舉兵反僖宗爲再出然而卒不能奪唐初無
酒禁乾元元年京師酒貴肅宗以稟食方屈乃禁京城酤酒期以麥熟如初二
年飢復禁酤非光祿祭祀燕蕃客不御酒廣德二年定天下酤戶以月收稅建
中元年罷之三年復禁民酤以佐軍費置肆釀酒斛收直三千州縣總領醱薄
私釀者論其罪尋以京師四方所湊罷權貞元二年復禁京城畿縣酒天下置
肆以酤者斗錢百五十免其徭役獨淮南忠武宣武河東權麴而已元和六年
罷京師酤肆以榷酒錢隨兩稅青苗斂之太和八年遂罷京師權酤凡天下權
酒爲錢百五十六萬餘緡而釀費居三之一貧戶逃酤不在焉昭宗世以用度

不足易京畿近鎮麴法復榷酒以贍軍鳳翔節度使李茂貞方顯其利按兵請入奏利害天子遽罷之初德宗納戶部侍郎趙贊議稅天下茶漆竹木十取一以爲常平本錢及出奉天乃悼悔下詔亟罷之及朱泚平佞臣希意與利者益進貞元八年以水災減稅明年諸道鹽鐵使張滂奏出茶州縣若山及商人要路以三等定估十稅其一自是歲得錢四十萬緡然水旱亦未嘗拯之也穆宗卽位兩鎮用兵帑藏空虚禁中起百尺樓費不可勝計鹽鐵使王播圖寵以自幸乃增天下茶稅率百錢增五十江淮浙東西嶺南福建荆襄茶播自領之兩川以戶部領之天下茶加斤至二十兩播又奏加取焉又拾遺李珣上疏諫曰榷率起於養兵今邊境無虞而厚斂傷民不可一也茗飲人之所資重稅則價必增貧弱益困不可二也山澤之饒其出不訾論稅以售多爲利價騰踊則市者稀不可三也其後王涯判二使置榷茶使徙民茶樹於官場焚其舊積者天下大怨令狐楚代爲鹽鐵使兼榷茶使復令納榷加價而已李石爲相以茶稅皆歸鹽鐵復貞元之制武宗卽位鹽鐵轉運使崔珙又增江淮茶稅是時茶商

所過州縣有重稅或掠奪舟車露積雨中諸道置邸以收稅謂之撮地錢故私販益起大中初鹽鐵轉運使裴休著條約私鬻三犯皆三百斤乃論死長行羣旅茶雖少皆死雇載三犯至五百斤居舍僧保四犯至千斤者皆死園戶私鬻百斤以上杖背三犯加重徭伐園失業者刺史縣令以縱私鹽論廬壽淮南皆加半稅私商給自首之帖天下稅茶增倍貞元江淮茶爲大摸一斤至五十兩諸道鹽鐵使于悰每斤增稅錢五謂之剩茶錢自是斤兩復舊凡銀銅鐵錫之冶一百六十八陝宣潤饒衢信五州銀冶五十八銅冶九十六鐵山五錫山二鉛山四汾州礬山七麟德二年廢陝州銅冶四十八開元十五年初稅伊陽五重山銀錫德宗時戶部侍郎韓洄建議山澤之利宜歸王者自是皆隸鹽鐵使元和初天下銀冶廢者四十歲采銀萬二千兩銅二十六萬六千斤鐵二百七萬斤錫五萬斤鉛無常數開成元年復以山澤之利歸州縣刺史選吏主之其後諸州牟利以自殖舉天下不過七萬餘緡不能當一縣之茶稅及宣宗增河湟戍兵衣絹五十二萬餘疋鹽鐵轉運使裴休請復歸鹽鐵使以供國用增銀

冶二鐵山七十一廢銅冶二十七鉛山一天下歲率銀一萬五千兩銅六十五萬五千斤鉛十一萬四千斤錫萬七千斤鐵五十三萬二千斤隋末行五銖白錢天下盜起私鑄錢行千錢初重二斤其後愈輕不及一斤鐵葉皮紙皆以爲錢高祖入長安民間行綫環錢其製輕小凡八九萬纔滿半斛武德四年鑄開元通寶徑八分重二銖四參積十錢重一兩得輕重大小之中其文以八分篆隸三體洛并幽益桂等州皆置監賜秦王齊王三鑪右僕射裴寂一鑪以鑄盜鑄者論死沒其家屬其後盜鑄漸起顯慶五年以惡錢多官爲市之以一善錢售五惡錢民間藏惡錢以待禁弛乾封元年改鑄乾封泉寶錢徑寸重二銖六分以一當舊錢之十踰年而舊錢多廢明年以商賈不通米帛踊貴復行開元通寶錢天下皆鑄之然私錢犯法日蕃有以舟筏鑄江中者詔所在納惡錢而姦亦不息儀鳳中瀕江民多私鑄錢爲業詔巡江官督捕載銅錫鐵過百斤者沒官四年命東都糶米粟斗別納惡錢百少府司農毀之是時鑄多錢賤米粟踊貴乃罷少府鑄尋復舊永淳元年私鑄者抵死隣保里坊村正皆從坐武后

時錢非穿穴及鐵錫銅液皆得用之熟銅排斗沙澀之錢皆售自是盜鑄蜂起江淮游民依大山陂海以鑄吏莫能捕先天之際兩京錢益濫郴衡錢纔有輪郭鐵錫五銖之屬皆可用之或鎔錫摸錢須臾百十開元初宰相宋璟請禁惡錢行二銖四參錢毀舊錢不可用者江淮有官鑪錢偏鑪錢稜錢時錢遣監察御史蕭隱之使江淮率戶出惡錢捕責甚峻上青錢皆輸官小惡者沈江湖市并不通物價益貴隱之坐貶官宋璟又請出米十萬斛收惡錢少府毀之十一年詔所在加鑄禁賣銅錫及造銅器者二十年千錢以重六斤四兩爲率每錢重二銖四參禁缺頓沙澀盪染白彊黑彊之錢首者官爲市之銅一斤爲錢八千二十二年宰相張九齡建議古者以布帛菽粟不可尺寸抄勺而均乃爲錢以通貿易官鑄所入無幾而工費多宜縱民鑄議下百官宰相裴耀卿黃門侍郎李林甫河南少尹蕭炅祕書監崔沔皆以爲嚴斷惡錢則人知禁稅銅折役則官冶可成計估度庸則私錢以利薄而自息若許私鑄則下皆棄農而競利矣左監門衛錄事參軍事劉秩曰今之錢古之下幣也若捨之任人則上無以

御下下無以事上不可一也物賤傷農錢輕傷買物重則錢輕錢輕由乎物多
多則作法收之使少物少則作法布之使輕奈何假人不可二也鑄錢不雜鉛
鐵則無利雜則錢惡今塞私鑄之路人猶冒死况設陷弄誘之不可三也鑄錢
無利則人不鑄有利則去南畝者衆不可四也人富則不可以賞勸貧則不可
以威禁法不行人不理絲貧富不齊若得鑄錢貧者服役於富室富室乘而益
恣不可五也夫錢重絲人日滋於前而鑪不加舊公錢與銅價頗等故破重錢
爲輕錢銅之不贍在採用者衆也銅之爲兵不如錢爲器不如漆禁銅則人無
所用盜鑄者少公錢不破人不犯死錢又日增是一舉而四美兼也是時公卿
皆以縱民鑄爲不便於是下詔禁惡錢而已信安郡王禕復言國用不足請縱
私鑄議者皆畏禕帝弟之貴莫敢與抗獨倉部郎中韋伯陽以爲不可禕議亦
格二十六年宣潤等州初置錢監兩京用錢稍善米粟價益下其後錢又漸惡
詔出銅所在置監鑄開元通寶錢京師庫藏皆滿天下盜鑄益起廣陵丹陽宣
城尤甚京師權豪歲歲取之舟車相屬江淮偏鑪錢數十種雜以鐵錫輕漫無

復錢形公鑄者號官鑪錢一以當偏鑪錢七八富商往往藏之以易江淮私鑄者兩京錢有鵝眼古文綫環之別每貫重不過三四斤至翦鐵而緡之宰相李林甫請出絹布三百萬匹平估收錢物價踊貴訴者日萬人兵部侍郎楊國忠欲招權以市恩揚鞭市門曰行當復之明日詔復行舊錢天寶十一載又出錢三十萬緡易兩市惡錢出左藏庫排斗錢許民易之國忠又言錢非鐵錫銅沙穿穴古文皆得用之是時增調農人鑄錢既非所習皆不聊生內作判官韋倫請厚價募工繇是役用減而鼓鑄多天下鑪九十九絳州三十揚潤宣鄂蔚皆十益榔皆五洋州三定州一每鑪歲鑄錢三千三百緡役丁匠三十費銅二萬一千二百斤鐵三千七百斤錫五百斤每千錢費錢七百五十天下歲鑄三十萬七千緡肅宗乾元元年經費不給鑄錢使第五琦鑄乾元重寶錢徑一寸每緡重十斤與開元通寶參用以一當十亦號乾元十當錢先是諸鑪鑄錢窳薄鎔破錢及佛像謂之盤陀皆鑄爲私錢犯者杖死第五琦爲相復命絳州諸鑪鑄重輪乾元錢徑一寸二分其文亦曰乾元重寶背之外郭爲重輪每緡重

十二斤與開元通寶錢並行以一當五十是時民間行三錢大而重稜者亦號重稜錢法既屢易物價騰踊米斗錢至七千餓死者滿道初有虛錢京師人人私鑄併小錢壞鍾像犯禁者愈衆鄭叔清爲京兆尹數月榜死者八百餘人肅宗以新錢不便命百官集議不能改上元元年減重輪錢以一當三十開元舊錢與乾元十當錢皆以一當十碾磴鬻受得爲實錢虛錢交易皆用十當錢由是錢有虛實之名史思明據東都亦鑄得一元寶錢徑一寸四分以一當開元通寶之百旣而惡得一非長祚之兆改其文曰順天元寶代宗卽位乾元重寶錢以一當二重輪錢以一當三凡三日而大小錢皆以一當一自第五琦更鑄犯法者日數百州縣不能禁止至是人甚便之其後民間乾元重稜二錢鑄爲器不復出矣當時議者以爲自天寶至今戶九百餘萬王制上農夫食九人中農夫七人以中農夫計之爲六千三百萬人少壯相均人食米二升日費米百二十六萬斛歲費四萬五千三百六十萬斛而衣倍之吉凶之禮再倍餘三年之儲以備水旱凶災當米十三萬六千八十萬斛以貴賤豐儉相當則米之直

與錢均也田以高下肥瘠豐耗爲率一頃出米五十餘斛當田二千七百二十
一萬六千頃而錢亦歲毀於棺瓶埋藏焚溺其間銅貴錢賤有鑄以爲器者不
出十年錢幾盡不足周當世之用諸道鹽鐵轉運使劉晏以江嶺諸州任土所
出皆重麤賤弱之貨輸京師不足以供道路之直於是積之江淮易銅鉛薪炭
廣鑄錢歲得十餘萬緡輸京師及荆揚二州自是錢日增矣大曆七年禁天下
鑄銅器建中初戶部侍郎韓洄以商州紅崖冶銅多請復洛源廢監起十鑪歲
鑄錢七萬二千緡每千錢費九百德宗從之江淮多鉛錫錢以銅盪外不盈斤
兩帛價益貴銷千錢爲銅六斤鑄器則斤得錢六百故銷鑄者多而錢益耗判
度支趙贊採連州白銅鑄大錢一當十以權輕重貞元初駱谷散關禁行人以
一錢出者諸道鹽鐵使張滂奏禁江淮鑄銅爲器惟鑄鑑而已十年詔天下鑄
銅器每器一斤其直不得過百六十銷錢者以盜鑄論然而民間錢益少緡帛
價輕州縣禁錢不出境商賈皆絕浙西觀察使李若初請通錢往來而京師商
賈齎錢四方貿易者不可勝計詔復禁之二十年命市井交易以綾羅絹布雜

貨與錢兼用憲宗以錢少復禁用銅器時商賈至京師委錢諸道進奏院及諸軍諸使富家以輕裝趨四方合券乃取之號飛錢京兆尹裴武請禁與商賈飛錢者度索諸坊十人爲保鹽鐵使李巽以郴州平陽銅坑二百八十餘復置桂陽監以兩鑪日鑄錢二十萬天下歲鑄錢十三萬五千緡命商賈蓄錢者皆出以市貨天下有銀之山必有銅唯銀無益於人五嶺以北採銀一兩者流它州官吏論罪元和四年京師用錢緡少二十及有鉛錫錢者捕之非交易而錢行衢路者不問復詔采五嶺銀坑禁錢出嶺六年貿易錢十緡以上者參用布帛蔚州三河冶距飛狐故監二十里而近河東節度使王鐔置鑪疏拒馬河水鑄錢工費尤省以刺史李聽爲使以五鑪鑄每鑪月鑄錢三十萬自是河東錫錢皆廢自京師禁飛錢家有滯藏物價寢輕判度支盧坦兵部尚書判戶部事王紹鹽鐵使王播請許商人於戶部度支鹽鐵三司飛錢每千錢增給百錢然商人無至者復許與商人敵貫而易之然錢重帛輕如故憲宗爲之出內庫錢五十萬緡市布帛每疋加舊估十之一會吳元濟王承宗連衡拒命以七道兵討

之經費屈竭皇甫縛建議內外用錢每緡墊二十外復抽五十送度支以贍軍十二年復給京兆府錢五十萬緡市布帛而富家錢過五千貫者死王公重貶沒入於官以五之一賞告者京師區肆所積皆方鎮錢少亦五十萬緡乃爭市第宅然富賈倚左右神策軍官錢爲名府縣不敢劾問民間墊陌有至七十者鉛錫錢益多吏捕犯者多屬諸軍諸使諱集市人彊奪毆傷吏卒京兆尹崔元略請犯者本軍本使洩決帝不能用詔送本軍本使而京兆府遣人洩決穆宗卽位京師鬻金銀十兩亦墊一兩糴米鹽百錢墊七入京兆尹柳公綽以嚴法禁止之尋以所在用錢墊陌不一詔從俗所宜內外給用每緡墊八十寶曆初河南尹王起請銷錢爲佛像者以盜鑄錢論太和三年詔佛像以鉛錫土木爲之飾帶以金銀鍮石烏油藍鐵唯鑑磬釘鑲鈕得用銅餘皆禁之盜鑄者死是時峻鉛錫錢之禁告千錢者賞以五千四年詔積錢以七千緡爲率十萬緡者期以一年出之二十萬以二年凡交易百緡以上者匹帛米粟居半河南府揚州江陵府以都會之劇約束如京師未幾皆罷八年河東錫錢復起鹽鐵使王

涯置飛狐鑄錢院於蔚州天下歲鑄錢不及十萬緡文宗病幣輕錢重詔方鎮縱錢穀交易時雖禁銅爲器而江淮嶺南列肆鬻之鑄千錢爲器售利數倍宰相李珣請加鑪鑄錢於是禁銅器官一切爲市之天下銅坑五十歲采銅二十六萬六千斤及武宗廢浮屠法永平監官李郁彥請以銅像鍾磬鑪鐸皆歸巡院州縣銅益多矣鹽鐵使以工有常力不足以加鑄許諸道觀察使皆得置錢坊淮南節度使李紳請天下以州名鑄錢京師爲京錢大小徑寸如開元通寶交易禁用舊錢會宣宗卽位盡黜會昌之政新錢以字可辨復鑄爲像昭宗末京師用錢八百五十爲貫每百纔八十五河南府以八十爲百云

唐書卷五十四考證

食貨志四每緡重十二斤○舊書作二十斤

唐書卷五十四考證

蘇香卷五十四卷第

全覽卷四第卷五十二卷○蘇香卷五十二

蘇香卷五十四卷第

唐書卷五十五

宋 翰 林 學 士 歐 陽 修 撰

食貨志第四十五

武德元年文武官給祿頗減隋制一品七百石從一品六百石二品五百石從二品四百六十石三品四百石從三品三百六十石四品三百石從四品二百六十石五品二百石從五品百六十石六品百石從六品九十石七品八十石從七品七十石八品六十石從八品五十石九品四十石從九品三十石皆以歲給之外官則否一品有職分田十二頃二品十頃三品九頃四品七頃五品六頃六品四頃七品三頃五十畝八品二頃五十畝九品二頃皆給百里內之地諸州都督都護親王府官二品十二頃三品十頃四品八頃五品七頃六品五頃七品四頃八品三頃九品二頃五十畝鎮戍關津岳瀆官五品五頃六品三頃五十畝七品三頃八品二頃九品一頃五十畝三衛中郎將上府折衝都尉六頃中府五頃五十畝下府及郎將五頃上府果毅都尉四頃中府三頃五

十畝下府三頃上府長史別將三頃中府下府二頃五十畝親王府典軍五頃
五十畝副典軍四頃千牛備身左右太子千牛備身三頃折衝上府兵曹二頃
中府下府一頃五十畝外軍校尉一頃二十畝旅帥一頃隊正副八十畝親王
以下又有永業田百頃職事官一品六十頃郡王職事官從一品五十頃國公
職事官從二品三十五頃縣公職事官三品二十五頃職事官從三品二十頃
侯職事官四品十二頃子職事官五品八頃男職事官從五品五頃六品七品
二頃五十畝八品九品二頃二品上柱國三十頃柱國二十五頃上護軍二十
頃護軍十五頃上輕車都尉十頃輕車都尉七頃上騎都尉六頃騎都尉四頃
驍騎飛騎尉八十畝雲騎武騎尉六十畝散官五品以上給同職事官五品以
上受田寬鄉六品以下受於本鄉解免者追田除名者受口分之田襲爵者不
別給流內九品以上口分田終其身六十以上停私乃收凡給田而無地者畝
給粟二斗京師及州縣皆有公廩田供公私之費其後以用度不足京官有俸
賜而已諸司置公廩本錢以番官貿易取息計員多少爲月料貞觀初百官得

上考者給祿一季未幾又詔得上下考給祿一年出使者稟其家新至官者計日給糧中書舍人高季輔言外官卑品貧匱宜給祿養親自後以地租春秋給京官歲凡五十萬一千五百餘斛外官降京官一等一品以五十石爲一等二品三品以三十石爲一等四品五品以二十石爲一等六品七品以五石爲一等八品九品以二石五斗爲一等無粟則以鹽爲祿十一年以職田侵漁百姓詔給逃還貧戶視職田多少每畝給粟二升謂之地子是歲以水旱復罷之十二年罷諸司公廩本錢以天下上戶七千人爲胥士視防閤制而收其課計官多少而給之十五年復置公廩本錢以諸司令史主之號捉錢令史每司九人補於吏部所主纔五萬錢以下市肆販易月納息錢四千歲滿受官諫議大夫褚遂良上疏京七十餘司更一二歲促錢令史六百餘人受職太學高第諸州進士拔十取五猶有犯禁罹法者况塵肆之人苟得無恥不可使其居職太宗乃罷捉錢令史復詔給百官俸十八年以京兆府岐同華邠坊州際地陂澤可墾者復給京官職田二十二年置京諸司公廩本錢捉以令史府史胥士永徽

元年廢之以天下租脚直爲京官俸料其後又薄斂一歲稅以高戶主之月收
息給俸尋顛以稅錢給之歲總十五萬二千七百三十緡一品月俸八千食料
一千八百雜用一千二百二品月俸六千五百食料一千五百雜用一千三品
月俸五千一百雜用九百四品月俸三千五百食料雜用七百五品月俸三千
食料雜用六百六品月俸二千食料雜用四百七品月俸一千七百五十食料
雜用三百五十八品月俸一千三百食料三百雜用二百五十九品月俸一千
五十食料二百五十雜用二百行署月俸一百四十食料三十職事官又有防
閣庶僕一品防閣九十六人二品七十二人三品四十八人四品三十二人五
品二十四人六品庶僕十五人七品四人八品三人九品二人公主有邑士八
十人郡主六十人縣主四十人外官以州府縣上下中爲差少尹長史司馬及
丞減長官之半參軍博士減判司三之二主簿縣尉減丞三之二錄事市令以
參軍職田爲輕重京縣錄事以縣尉職田爲輕重羈縻州官給以土物關監官
給以年支輕貨折衝府官則有仗身上府折衝都尉六人果毅四人長史別將

三人兵曹二人中下府各減一人皆十五日而代開府儀同三司特進光祿大夫同職事官公廨雜用不給員外官檢校判試知給祿料食糧之半散官勳官衛官減四之一致仕五品以上給半祿解官充侍亦如之四夷宿衛同京官天下置公廨本錢以典史主之收贏十之七以供佐史以下不賦粟者常食餘爲百官俸料京兆河南府錢三百八十萬太原及四大都督府二百七十五萬中都督府上州二百四十二萬下都督中州一百五十四萬下州八十八萬京北河南府京縣一百四十三萬太原府京縣九十一萬三千京北河南府畿縣八十二萬五千太原府畿縣諸州上縣七十七萬中縣五十五萬中下縣下縣二十八萬五千折衝上府二十萬中府減四之一下府十萬麟德二年給文官五品以上仗身以掌閑幕士爲之咸亨元年與職事官皆罷乾封元年京文武官視職事品給防閣庶僕百官俸出於租調運送之費甚廣公廨出舉典史有徹垣墉鬻田宅以免責者又以雜職供薪炭納直倍於正丁儀鳳三年王公以下率口出錢以充百官俸食防閣庶僕邑士仗身封戶調露元年職事五品以上

復給仗身光宅元年以京官八品九品俸薄詔八品歲給庶僕三人九品二人文武職事三品以上給親事帳內以六品七品子爲親事以八品九品子爲帳內歲納錢千五百謂之品子課錢三師三公開府儀同三司百三十人嗣王郡王百八人上柱國領二品以上職事九十五人領三品職事六十九人柱國領二品以上職事七十三人領三品職事五十五人護軍領二品以上職事六十二人領三品職事三十六人二品以下又有白直執衣二品白直四十人三品三十二人四品二十四人五品十六人六品十人七品七人八品五人九品四人二品執衣十八人三品十五人四品十三人五品九人六品七品各六人八品九品各三人皆中男爲之防閣庶僕皆滿歲而代外官五品以上亦有執衣都護府不治州事亦有仗身都護四人副都護長史司馬三人諸曹參軍士二人上鎮將四人中下鎮將上鎮副三人中下鎮副各二人鎮倉曹關令丞戍主副各一人皆取於防人衛士十五日而代宿衛官三品以上仗身三人五品以上二人六品以下及散官五品以上各一人取於番上衛士役而不收課親王

出藩者府佐史典軍副典軍有事力人數如白直諸司諸使有守當及廳子以兵及勳官爲之白直執衣以下分三番周歲而代供役不踰境後皆納課仗身錢六百四十防閣庶僕白直錢二千五百執衣錢一千其後親事帳內亦納課如品子之數州縣典史捉公廨本錢者收利十之七富戶幸免徭役貧者破產甚衆祕書少監崔沔請計戶均出每丁加升尺所增蓋少流亡漸復倉庫充實然後取於正賦罷新加者開元十年中書舍人張嘉貞又陳其不便遂罷天下公廨本錢復稅戶以給百官籍內外職田賦逃還戶及貧民罷職事五品以上仗身十八年復給京官職田州縣籍一歲稅錢爲本以高戶捉之月收贏以給外官復置天下公廨本錢收贏十之六十九年初置職田頃畝簿租價無過六斗地不毛者畝給二斗二十四年令百官防閣庶僕俸食雜用以月給之總稱月俸一品錢三萬一千二品二萬四千三品萬七千四品萬一千五百六十七五品九千二百六品五千三百七品四千一百八品二千四百七十五九品千九百一十七祿米則歲再給之一品七百斛從一品六百斛二品五百斛從二

品四百六十斛三品四百斛從三品三百六十斛四品三百斛從四品二百五十斛五品二百斛從五品百六十斛六品百斛自此十斛爲率至從七品七十斛八品六十七斛自此五斛爲率至從九品五十二斛外官降一等先是州縣無防人者籍十八以上中男及殘疾以守城門及倉庫門謂之門夫番上不至者間月督課爲錢百七十忙月二百至是以門夫資課給州縣官二十九年以京畿地狹計丁給田猶不足於是分諸司官在都者給職田於都畿以京師地給貧民是時河南北職田兼稅桑有詔公廨職田有桑者毋督絲課天寶初給員外郎料天下白直歲役丁十萬有詔罷之計數加稅以供用人皆以爲便自開元後置使甚衆每使各給雜錢宰相楊國忠身兼數官堂封外月給錢百萬幽州平盧節度使安祿山隴右節度使哥舒翰兼使所給亦不下百萬十二載國忠以兩京百官職田送租勞民請五十里外輸于縣倉斗納直二錢百十里外納直三錢使百官就請于縣然縣吏欺盜蓋多而閑司有不能自直者十四載兩京九品以上月給俸加十之二同正員加十之一兵興權臣增領諸使月給

厚俸比開元制祿數倍至德初以用物不足內外官不給料錢郡府縣官給半祿及白直品子課乾元元年亦給外官半料及職田京官給手力課而已上元元年復令京官職田以時輸送受加耗者在法賦論其後籍以爲軍糧矣永泰末取州縣官及折衝府官職田苗子三之一市輕貨以賑京官大曆元年斂天下青苗錢得錢四百九十萬緡輸大盈庫封太府左右藏鑄而不發者累歲二年復給京兆府及畿縣官職田以三之一供軍饟增稅青苗錢一畝至三十權臣月俸有至九十萬者刺史亦至十萬楊綰常袞爲相增京官正員官及諸道觀察使都團練使副使以下料錢初檢校官同中書門下平章事者月給錢十二萬至是戶部侍郎判度支韓滂請同正官從高而給之文官一千八百五十四員武官九百四十二員月俸二十六萬緡而增給者居三之一先是州縣職田公廨田每歲六月以白簿上尚書省覆實至十月輸送則有黃籍歲一易之後不復簿上唯授租清望要官而職卑者稽留不付黃籍亦不復更矣德宗卽位詔黃籍與白簿皆上有司建中三年復減百官料錢以助軍李泌爲相又

增百官及畿內官月俸復置手力資課歲給錢六十一萬六千餘緡文官千八百九十二員武官八百九十六員左右衛上將軍以下又有六雜給一曰糧米二曰鹽三曰私馬四曰手力五曰隨身六曰春冬服私馬則有芻豆手力則有資錢隨身則有糧米鹽春冬服則有布絹絁紬綿射生神策軍大將軍以下增以鞋比大曆制祿又厚矣州縣官有手力雜給錢然俸最薄者也李泌以度支有兩稅錢鹽鐵使有筦榷錢可以擬經費中外給用每貫墊二十號戶部除陌錢復有闕官俸料職田錢積戶部號戶部別貯錢御史中丞專掌之皆以給京官歲費不及五十五萬緡京兆和糴度支給諸軍冬衣亦往往取之減王公以下永業田郡王職事官從一品田五十頃國公職事官正二品田四十頃郡公職事官從二品田三十頃縣公職事官正四品田十四頃職事官從四品田十一頃尚郡主檢校四品京官者月給料錢三十萬祿百二十石尚縣主檢校五品京官者料錢二十萬祿百石者自李泌增百官俸當時以爲不可朘削矣然有名存而職廢額去而俸在者宰相李吉甫建議減之遂爲常法于時祠祭蕃

夷賜宴別設皆長安萬年人吏主辦二縣置本錢配納質積戶收息以供費諸使捉錢者給牒免徭役有罪府縣不敢劾治民間有不取本錢立虛契子孫相承爲之嘗有毆人破首詣閉廡使納利錢受牒貸罪御史中丞柳公綽奏諸使捉錢戶府縣得捕役給牒者毀之自是不得錢者不納利矣議者以兩省尙書自御史臺總樞機正百寮而倍稱息利非馭官之體元和九年戶部除陌錢每緡增墊五錢四時給諸司諸使之餐置驅使官督之御史一人覈其侵漁起明年正月收息五之一號元和十年新收置公廩本錢初捉錢者私增公廩本以防耗失而富人乘以爲姦可督者私之外以逋官錢迫蹙閭里民不堪其擾御史中丞崔從奏增錢者不得踰官本其後兩省捉錢官給牒逐利江淮之民鬻茶鹽以撓法十三年以職田多少不均每司收草粟以多少爲差其後宰相李珣楊嗣復奏堂廚食利錢擾民煩碎於是罷堂廚捉錢官置庫量入計費唐世百官俸錢會昌後不復增減令著其數太師太傅太保錢二百萬太尉司徒司空百六十萬侍中百五十萬中書令門下中書侍郎左右僕射太子太師太保

太傅百四十萬尙書御史大夫太子少師少保少傅百萬節度使三十萬都防禦使副使監軍十五萬觀察使十萬左右丞侍郎散騎常侍諫議大夫給事中中書舍人祕書殿中內侍監御史中丞太常宗正大理司農太府鴻臚太僕光祿衛尉卿國子祭酒將作少府監太子賓客詹事諸府尹大都督府長史都團練使副使上州刺史八萬太常宗正少卿太子左右庶子節度副使刺史知軍事七萬六軍統軍諸府少尹少監少卿國子司業少詹事六萬五千左右衛金吾衛上將軍六軍大將軍六萬左右驍衛武衛威衛領軍衛監門衛千牛衛上將軍上州別駕五萬五千郎中司天監太子左右諭德家令寺僕寺率更寺令親王傅別勅判宮觀察團練判官掌書記上州長史司馬五萬左右衛金吾衛大將軍懷化大將軍諸府大都督司錄參軍事鵠赤縣令四萬五千員外郎起居郎通事舍人起居舍人著作郎內常侍侍御史殿中侍御史太常宗正殿中祕書丞大理正國子博士京都宮苑總監監都水使者太子中舍中允王府長史歸德將軍節度推官支使防禦判官上州錄事參軍事畿縣上縣令四萬懷

化中郎將三萬七千左右驍衛武衛威衛領軍衛監門衛千牛衛殿前左右射
生軍神策軍大將軍左右衛金吾衛將軍三萬六千補闕殿中侍御史諸府大
都督府判官赤縣丞三萬五千懷化郎將三萬二千拾遺司天少監六局奉御
內常侍監察御史御史臺主簿太常博士陵署令大理司直中書主書門下錄
事太子贊善典內洗馬司議郎王府司馬驍衛武衛威衛領軍衛監門衛六軍
射生神策軍將軍歸德中郎將觀察防禦團練推官巡官鵠赤縣丞兩赤縣主
簿尉上州功曹參軍以下上縣丞三萬城門郎祕書郎著作佐郎六局直長十
六衛六軍諸府十率府長史懷化司階畿縣丞鵠赤縣主簿尉二萬五千歸德
司階二萬三千五官正太常寺協律郎陵署丞諸寺監主簿國子太學廣文助
教都水監丞詹事府司直太子通事舍人文學三寺丞五局郎王府諮議參軍
支畿縣上縣主簿尉二萬懷化中候萬八千十六衛六軍十率府率副率中郎
中郎將萬七千三百五十歸德中候萬七千四門助教十六衛佐祕書省崇文
弘文館校書郎正字太常寺奉禮郎太祝郊社太樂鼓吹署令四門助教京都

宮苑總監副監九成宮總監監主事十六衛六軍衛佐尙書省都事萬六千十
六衛六軍中候太子內率府千牛六千一百七十四內寺伯懷化司戈諸府大
都督府參軍事文學博士錄事上州參軍事博士萬五千歸德司戈萬四千十
六衛六軍十率府左右郎將親王府典軍副典軍萬三千八百司戈內率府備
身僕寺進馬三千七百一十二符寶郎內謁者監九寺諸監詹事府丞太醫署
令太學廣文四門博士中書門下主事太子文學侍醫諸府都督府醫博士法
直兩赤縣錄事上州錄事市令萬三千懷化執戟長上萬一千門下省典儀侍
御醫司天臺丞都水監主簿率府衛佐諸司主事御史臺主事萬二千司醫太
醫署丞歸德執戟長上一萬醫佐大理寺評事太常宗正寺詹事府主簿寺監
內侍省司天臺左右春坊詹事府錄事主事八千司階千牛備身左右七千九
百九十京都園苑四面監監兩京諸市中尙武庫武成王廟署令王府掾屬主
簿記室錄事參軍事七千司天臺主簿靈臺郎保章正上局署令七品陵廟令
京都宮苑總監丞司竹溫泉監監太子內坊丞王府功曹以下參軍事親王國

令公主邑司令六千奚官內僕內府局令司竹溫泉副監五千書算律學博士
內謁者中局署令上局署丞五官挈壺正京都園苑四面監九成宮總監副監
醫針博士醫監陵廟令司竹溫泉監丞太子藥藏局丞王府參軍事王國大農
公主邑司丞四千獄丞國子監直講掌客司儀中局署丞監膳監作監事食醫
尚輦進馬奉乘主乘典乘司庫司廩十六衛十率府錄事親勳翊府兵曹參軍
事司天臺司辰司曆監候內坊典直宮教博士樂正醫正卜正按摩呪禁卜博
士針醫卜書算助教陵廟太樂鼓吹署丞京都園苑四面監九成宮總監丞諸
總監主簿太子典膳內直典設宮門局丞三寺主簿親王國尉丞三千十六衛
六軍十率府執戟長上左右中郎將二千八百五十

唐書卷五十五

三書卷之十五

...

...

...

...

...

...

...

...

...

...

...

唐書卷五十五考證

食貨志五四門助教○此句已見前文疑重出

唐書卷五十五考證

系精卷五十五

金碧志五十四 ○ 卷五十四 見前文

卷五十四

唐書卷五十六

宋 翰 林 學 士 歐 陽 修 撰

刑法志第四十六

古之爲國者議事以制不爲刑辟懼民之知爭端也後世作爲刑書惟恐不備俾民之知所避也其爲法雖殊而用心則一蓋皆欲民之無犯也然未知夫導之以德齊之以禮而可使民遷善遠罪而不自知也唐之刑書有四曰律令格式令者尊卑貴賤之等數國家之制度也格者百官有司之所常行之事也式者其所常守之法也凡邦國之政必從事於此三者其有所違及人之爲惡而入于罪戾者一斷以律律之爲書因隋之舊爲十有二第一曰名例二曰衛禁三曰職制四曰戶婚五曰廡庫六曰擅興七曰賊盜八曰鬪訟九曰詐僞十曰雜律十一曰捕亡十二曰斷獄其用刑有五一日笞笞之爲言恥也凡過之小者捶撻以恥之漢用竹後世更以楚書曰扑作教刑是也二曰杖杖者持也可持以擊也書曰鞭作官刑是也三曰徒徒者奴也蓋奴辱之周禮曰其奴男子

入于罪隸任之以事實之園土而教之量其罪之輕重有年數而捨四曰流書云流宥五刑謂不忍刑殺宥之于遠也五曰死乃古大辟之刑也自隋以前死刑有五曰磔絞斬梟裂而流徒之刑鞭笞兼用數皆踰百至隋始定爲笞刑五自十至于五十杖刑五自六十至于百徒刑五自一年至于二年流刑三自一千里至于二千里死刑二絞斬除其鞭刑及梟首轆裂之酷又有議請減贖當免之法唐皆因之然隋文帝性刻深而煬帝昏亂民不勝其毒唐與高祖入京師約法十二條惟殺人劫盜背軍叛逆者死及受禪命納言劉文靜等損益律令武德二年頒新格五十三條唯吏受賕犯盜詐冒府庫物赦不原凡斷屠日及正月五月九月不行刑四年高祖躬錄囚徒以人因亂冒法者衆盜非劫傷其主及征人逃亡官吏枉法皆原之已而又詔僕射裴寂等十五人更撰律令凡律五百麗以五十三條流罪三皆加千里居作三歲至二歲半者悉爲一歲餘無改焉太宗卽位詔長孫无忌房玄齡等復定舊令議絞刑之屬五十皆免死而斷右趾既而又哀其斷毀支體謂侍臣曰肉刑前代除之久矣今復斷人

趾吾不忍也王珪蕭瑀陳叔達對曰受刑者當死而獲生豈憚去一趾去趾所以使見者知懼今以死刑爲斷趾蓋寬之也帝曰公等更思之其後蜀王法曹參軍裴弘獻駁律令四十餘事乃詔房玄齡與弘獻等重加刪定玄齡等以謂古者五刑剛居其一及肉刑旣廢今以笞杖徒流死爲五刑而又剛足是六刑也於是除斷趾法爲加役流三千里居作二年太宗嘗覽明堂針灸圖見人之五臟皆近背針灸失所則其害致死數曰夫筆者五刑之輕死者人之所重安得犯至輕之刑而或致死遂詔罪人無得鞭背五年河內人李好德坐妖言下獄大理丞張蘊古以爲好德病狂督法不當坐治書侍御史權萬紀劾蘊古相州人好德兄厚德方爲相州刺史故蘊古奏不以實太宗怒遽斬蘊古旣而大悔因詔死刑雖令卽決皆三覆奏久之謂羣臣曰死者不可復生昔王世充殺鄭頰而猶能悔近有府史取賕不多朕殺之是思之不審也決囚雖三覆奏而頃刻之間何暇思慮自今宜二日五覆奏決日尙食勿進酒肉教坊太常輟教習諸州死罪三覆奏其日亦蔬食務合禮撤樂減膳之意故時律兄弟分居蔭

不相及而連坐則俱死同州人房彊以弟謀反當從坐帝因錄囚爲之動容曰
反逆有二與師動衆一也惡言犯法二也輕重固異而鈞謂之反連坐皆死豈
定法耶玄齡等議曰禮孫爲父尸故祖有蔭孫令是祖孫重而兄弟輕於是令
反逆者祖孫與兄弟緣坐皆配沒惡言犯法者兄弟配流而已玄齡等遂與法
司增損隋律降大辟爲流者九十二流爲徒者七十一以爲律定令一千五百
四十六條以爲令又刪武德以來敕三千餘條爲七百條以爲格又取尙書省
列曹及諸寺監十六衛計帳以爲式凡州縣皆有獄而京北河南獄治京師其
諸司有罪及金吾捕者又有大理獄京師之囚刑部月一奏御史巡行之每歲
立春至秋及大祭祀致齊朔望上下弦二十四氣雨及夜未明假日斷屠月皆
停死刑京師決死洫以御史金吾在外則上佐餘皆判官洫之五品以上罪論
死乘車就刑大理正洫之或賜死于家凡囚已刑無親屬者將作給棺瘞于京
城七里外壙有甄銘上揭以榜家人得取以葬諸獄之長官五日一慮囚夏置
漿飲月一沐之疾病給醫藥重者釋械其家一人入侍職事散官三品以上婦

女子孫二人入侍天下疑獄讞大理寺不能決尚書省衆議之錄可爲法者送
祕書省奏報不馳驛經覆而決者刑部歲以正月遣使巡覆所至閱獄囚桎校
糧餉法不如法者桎校鉗鎖皆有長短廣狹之制量囚輕重用之囚二十日一
訊三訊而止數不過二百凡杖皆長三尺五寸削去節目訊杖大頭徑三分二
釐小頭二分二釐常行杖大頭二分七釐小頭一分七釐笞杖大頭二分小頭
一分有半死罪校而加桎官品勳階第七者鎖禁之輕罪及十歲以下至八十
以上者廢疾侏儒懷妊皆鎖繫以待斷居作者著鉗若校京師隸將作女子隸
少府縫作旬給假一日臘寒食二日毋出役院病者釋鉗校給假疾差陪役謀
反者男女奴婢沒爲官奴婢隸司農七十者免之凡役男子入于蔬圃女子入
于廚鑪流移人在道疾病婦人免乳祖父母父母喪男女奴婢死皆給假授程
糧非反逆緣坐六歲縱之特流者三歲縱之有官者得復仕初太宗以古者斷
獄訊於三槐九棘乃詔死罪中書門下五品以上及尚書等平議之三品以上
犯公罪流私罪徒皆不追身凡所以纖悉條目心本於仁恕然自張蘊古之死

也法官以失出爲誠有失入者又不加罪自是吏法稍密帝以問大理卿劉德威對曰律失入減三等失出減五等今失入無辜而失出爲大罪故吏皆深文帝矍然遂命失出入者皆如律自此吏亦持平十四年詔流罪無遠近皆徙邊要州後犯者寢少十六年又徙死罪以實西州流者戍之以罪輕重爲更限廣州都督党仁弘嘗率鄉兵二千助高祖起封長沙郡公仁弘交通豪酋納金寶沒降獠爲奴婢又擅賦夷人既還有舟七十或告其贓法當死帝哀其老且有功因貸爲庶人乃召五品以上謂曰賞罰所以代天行法今朕寬仁弘死是自弄法以負天也人臣有過請罪於君君有過宜請罪於天其令有司設藁席于南郊三日朕將請罪房玄齡等曰寬仁弘不以私而以功何罪之請百僚頓首三請乃止太宗以英武定天下然其天姿仁恕初卽位有勸以威刑肅天下者魏徵以爲不可因爲上言王政本於仁恩所以愛民厚俗之意太宗欣然納之遂以寬仁治天下而於刑法尤慎四年天下斷死罪二十九人六年親錄囚徒閔死罪者二百九十人縱之還家期以明年秋卽刑及期囚皆詣朝堂無後者

太宗嘉其誠信悉原之然嘗謂羣臣曰吾聞語曰一歲再赦好人喑啞吾有天下未嘗數赦者不欲誘民於幸免也自房玄齡等更定律令格式訖太宗世用之無所變改高宗初卽位詔律學之士撰律疏又詔長孫无忌等增損格敕其曹司常務曰留司格頒之天下曰散頒格龍朔儀鳳中司刑太常伯李敬玄左僕射劉仁軌相繼又加刊正武后時內史裴居道鳳閣侍郎韋方質等又刪武德以後至于垂拱詔敕爲新格藏於有司曰垂拱留司格神龍元年中書令韋安石又續其後至於神龍爲散頒格睿宗卽位戶部尙書岑羲等又著太極格玄宗開元三年黃門監盧懷慎等又著開元格至二十五年中書令李林甫又著新格凡所損益數千條明年吏部尙書宋璟又著後格皆以開元名書天寶四載又詔刑部尙書蕭炅稍復增損之肅宗代宗無所改造至德宗時詔中書門下選律學之士取至德以來制敕奏讞掇其可爲法者藏之而不名書憲宗時刑部侍郎許孟容等刪天寶以後敕爲開元格後敕文宗命尙書省郎官各刪本司敕而丞與侍郎覆視中書門下參其可否而奏之爲太和格後敕開成

三年刑部侍郎狄兼暮探開元二十六年以後至于開成制敕刪其繁者爲開成詳定格宣宗時左衛率府倉曹參軍張戣以刑律分類爲門而附以格敕爲大中刑律統類詔刑部頒行之此其當世所施行而著見者其餘有其書而不常行者不足紀也書曰慎乃出令蓋法令在簡簡則明行之在久久則信而中材之主庸愚之吏常莫克守之而喜爲變革至其繁積則雖有精明之士不能徧習而吏得上下以爲姦此刑書之弊也蓋自高宗以來其大節鮮可紀而格令之書不勝其繁也高宗旣昏懦而繼以武氏之亂毒流天下幾至於亡自永徽以後武氏已得志而刑濫矣當時大獄以尙書刑部御史臺大理寺雜按謂之三司而法吏以慘酷爲能至不釋枷而笞箠以死者皆不禁律有杖百凡五十九條犯者或至死而杖未畢乃詔除其四十九條然無益也武后已稱制懼天下不服欲制以威乃脩後周告密之法詔官司受訊有言密事者馳驛奏之自徐敬業越王貞瓊邢王冲等起兵討亂武氏益恐乃引酷吏周興來俊臣輩典大獄與侯思止王弘義郭弘霸李敬仁康暉衛遂忠等集告事數百人共爲

羅織構陷無辜自唐之宗室與朝廷之士曰被告捕不可勝數天下之人爲之
及足如狄仁傑魏元忠等皆幾不免左臺御史周矩上疏曰比姦儉告訐習以
爲常推劾之吏以深刻爲功鑿空爭能相矜以虐泥耳囊頭摺脅籤爪懸髮燻
耳臥隣穢溺刻害支體糜爛獄中號曰獄持閉絕食飲晝夜使不得眠號曰宿
囚殘賊威暴取快目前被誣者苟求得死何所不至爲國者以仁爲宗以刑爲
助周用仁而昌秦用刑而亡願陛下緩刑用仁天下幸甚武后不納麟臺正字
陳子昂亦上書切諫不省及周興來俊臣等誅死后亦老其意少衰而狄仁傑
姚崇宋璟王及善相與論垂拱以來酷濫之寃太后感寤由是不復殺戮然其
毒虐所被自古未之有也大足元年乃詔法司及推事使敢多作辯狀而加語
者以故入論中宗韋后繼以亂敗玄宗自初卽位勵精政事常自選太守縣令
告戒以言而良吏布州縣民獲安樂二十年間號稱治平衣食富足人罕犯法
是歲刑部所斷天下死罪五十八人往時大理獄相傳烏雀不栖至是有鵲巢
其庭樹羣臣稱賀以爲幾致刑錯然而李林甫用事矣自來俊臣誅後至此始

復起大獄以誣陷所殺數十百人如韋堅李邕等皆一時名臣天下寃之而天子亦自喜邊功遣將分出以擊蠻夷兵數大敗士卒死傷以萬計國用耗乏而轉漕輸送遠近煩費民力既弊盜賊起而獄訟繁矣天子方惻然詔曰徒非重刑而役者寒暑不釋械繫杖古以代肉刑也或犯非巨蠹而捶以至死其皆免以配諸軍自效民年八十以上及重疾有罪皆勿坐侍丁犯法原之俾終養以此施德其民然巨盜起天下被其毒民莫蒙其賜也安史之亂僞官陸大鈞等背賊來歸及慶緒奔河北脅從者相率待罪闕下自大臣陳希烈等合數百人以御史大夫李峴中丞崔器等爲三司使而肅宗方喜刑名器亦刻深乃以河南尹達奚珣等三十九人爲重罪斬于獨柳樹者十一人珣及韋恆腰斬陳希烈等賜自盡於獄中者七人其餘決重杖死者二十一人以歲除日行刑集百官臨視家屬流竄初史思明高秀巖等自拔歸命聞珣等被誅懼不自安乃復叛而三司用刑連年流貶相繼及王璵爲相請詔三司推覈未已者一切免之然河北叛人畏誅不降兵連不解朝廷屢起大獄肅宗後亦悔歎曰朕爲三司

所懷臨崩詔天下流人皆釋之代宗性仁恕常以至德以來用刑爲戒及河洛平下詔河北河南吏民任僞官者一切不問得史朝義將士妻子四百餘人皆赦之僕固懷恩反免其家不緣坐劇賊高玉聚徒南山啗人數千後擒獲會赦代宗將貸其死公卿議請爲菹醢帝不從卒杖殺之諫者常諷帝政寬故朝廷不肅帝笑曰艱難時無以逮下顧刑法峻急有威無恩朕不忍也卽位五年府縣寺獄無重囚故時別勅決人捶無數寶應元年詔曰凡制敕與一頓杖者其數止四十至到與一頓及重杖一頓痛杖一頓者皆止六十德宗性猜忌少恩然用刑無大濫刑部侍郎班宏言謀反大逆及叛惡逆四者十惡之大也犯者宜如律其餘當斬絞刑者決重杖一頓處死以代極法故時死罪皆先決杖其數或百或六十於是悉罷之憲宗英果明斷自卽位數誅方鎮欲治僭叛一以法度然於用刑喜寬仁是時李吉甫李絳爲相吉甫言治天下必任賞罰陛下頻降赦令蠲逋負賑飢民恩德至矣然典刑未舉中外有懈怠心絳曰今天下雖未大治亦未甚亂乃古平國用中典之時自古欲治之君必先德化至暴亂

之世始專任刑法吉甫之言過矣憲宗以爲然司空于頔亦諷帝用刑以收威柄帝謂宰相曰頔懷姦謀欲朕失人心也元和八年詔兩京關內河東河北淮南山南東西道死罪十惡殺人鑄錢造印若彊盜持杖劫京兆界中及宅盜賊踰三匹者論如故其餘死罪皆流天德五城父祖子孫欲隨者勿禁蓋刑者政之輔也政得其道仁義興行而禮讓成俗然猶不敢廢刑所以爲民防也寬之而已今不隆其本顧風俗謂何而廢常刑是弛民之禁啓其姦由積水而決其防故自玄宗廢徒杖刑至是又廢死刑民未知德而徒以爲幸也穆宗童昏然頗知慎刑法每有司斷大獄令中書舍人一人參酌而輕重之號參酌院大理少卿崔杞奏曰國家法度高祖太宗制二百餘年矣周禮正月布刑張之門閭及都鄙邦國所以屢丁寧使四方謹行之大理寺陛下守法之司也今別設參酌之官有司定罪乃議其出入是與奪繫於人情而法官不得守其職昔子路問政孔子曰必也正名乎臣以爲參酌之名不正宜廢乃罷之太和六年興平縣民上官興以醉殺人而逃聞械其父乃自歸京兆尹杜棕御史中丞宇文鼎

以其就刑免父請減死詔兩省議以爲殺人者死百王所守若許以生是誘之
殺人也諫官亦以爲言文宗以興免父囚近於義杖流靈州君子以爲失刑文
宗好治躬自謹畏然閹宦肆孽不能制至誅殺大臣夷滅其族濫及者不可勝
數心知其寃爲之飲恨流涕而莫能救止蓋仁者制亂而弱者縱之然則剛彊
非不仁而柔弱者仁之賊也武宗用李德裕誅劉稹等大刑舉矣而性嚴刻故
時竊盜無死所以原民情迫於飢寒也至是賊滿千錢者死至宣宗乃罷之而
宣宗亦自喜刑名常曰犯我法雖子弟不宥也然少仁恩唐德自是衰矣蓋自
高祖太宗除隋虐亂治以寬平民樂其安重於犯法致治之美幾乎三代之盛
時考其推心惻物其可謂仁矣自高宗武后以來毒流邦家唐祚絕而復續玄
宗初勵精爲政二十年間刑獄減省歲斷死罪纔五十八人以此見致治雖難
勉之則易未有爲而不至者自此以後兵革遂興國家多故而人主規規無復
太宗之志其雖有心於治者亦不能講考大法而性有寬猛凡所更革一切臨
時苟且或重或輕徒爲繁文不足以示後世而高祖太宗之法僅守而存故自

肅宗以來所可書者幾希矣懿宗以後無所稱焉

唐書卷五十六

（以下為極淡的正文內容，因字跡模糊難以辨認）

唐書卷五十六考證

刑法志定令一千五百四十六條○舊書作一千五百九十條

明年吏部尚書宋璟又著後格○臣西按上文云二十五年則此明年爲二十

六年宋璟卒于二十五年安得至此始著後格耶舊書作六年似得其實

唐書卷五十六考證

圖書卷五十六

六字宋體平字二十三字文藝區段故華若華深香香六心動動不實
五支海海香宋體又香委委○五區 詩上文三二十五字海海深香錄二十
試試改改中一千三百四十六篇○香香詩一千五百六十篇

書卷五十六

唐書卷五十七

宋 翰 林 學 士 歐 陽 修 撰

藝文志第四十七

自六經焚於秦而復出於漢其師傳之道中絕而簡編脫亂訛闕學者莫得其本真於是諸儒章句之學興焉其後傳注箋解義疏之流轉相講述而聖道麤明然其爲說固已不勝其繁矣至於上古三皇五帝以來世次國家興滅終始僭竊爲亂史官備矣而傳記小說外暨方言地理職官氏族皆出於史官之流也自孔子在時方修明聖經以紕繆異而老子著書論道德接乎周衰戰國遊談放蕩之士田駢慎到列莊之徒各極其辯而孟軻荀卿始專修孔子以折異端然諸子之論各成一家自前世皆存而不絕也夫王迹熄而詩亡離騷作而文辭之士興歷代盛衰文章與時高下然其變態百出不可窮極何其多也自漢以來史官列其名氏篇第以爲六藝九種七略至唐始分爲四類曰經史子集而藏書之盛莫盛於開元其著錄者五萬三千九百一十五卷而唐之學者

自爲之書者又二萬八千四百六十九卷嗚呼可謂盛矣六經之道簡嚴易直而天人備故其愈久而益明其餘作者衆矣質之聖人或離或合然其精深閎博各盡其術而怪奇偉麗往往震發於其間此所以使好奇博愛者不能忘也然凋零磨滅亦不可勝數豈其華文少實不足以行遠歟而俚言俗說猥有存者亦其有幸不幸者歟今著于篇有其名而亡其書者十蓋五六也可不惜哉初隋嘉則殿書三十七萬卷至武德初有書八萬卷重複相糅王世充平得隋舊書八千餘卷太府卿宋遵貴監運東都浮舟泝河西致京師經砥柱舟覆盡亡其書貞觀中魏徵虞世南顏師古繼爲祕書監請購天下書選五品以上子孫工書者爲書手繕寫藏於內庫以宮人掌之文宗命左散騎常侍昭文館學士馬懷素爲修圖書使與右散騎常侍崇文館學士褚无量整比會幸東都乃就乾元殿東序檢校无量建議御書以宰相宋璟蘇頲同署如貞觀故事又借民間異本傳錄及還京師遷書東宮麗正殿置修書院於著作院其後大明宮光順門外東都明福門外皆創集賢書院學士通籍出入旣而太府月給蜀郡

麻紙五千番季給上谷墨三百三十六丸歲給河間景城清河博平四郡兔千五百皮爲筆材兩都各聚書四部以甲乙丙丁爲次列經史子集四庫其本有正有副軸帶帙籤皆異色以別之安祿山之亂尺簡不藏元載爲宰相奏以千錢購書一卷又命拾遺苗發等使江淮括訪至文宗時鄭覃侍講進言經籍未備因詔祕閣搜採於是四庫之書復完分藏于十二庫黃巢之亂存者蓋尠昭宗播遷京城制置使孫惟晟斂書本軍寓教坊於祕閣有詔還其書命監察御史韋昌範等諸道求購及徙洛陽蕩然無遺矣

甲部經錄其類十一一曰易類二曰書類三曰詩類四曰禮類五曰樂類六曰春秋類七曰孝經類八曰論語類九曰讖緯類十曰經解類十一曰小學類凡著錄四百四十家五百九十七部六千一百四十五卷不著錄一百一十七家三千三百六十卷

連山十卷司馬膺注歸藏十三卷周易卜商傳二卷孟喜章句十卷京房章句十卷費直章句四卷馬融章句十卷荀爽章句十卷鄭玄注周易十卷劉表注

五卷董遇注十卷宋忠注十卷王肅注十卷王弼注七卷又大衍論三卷虞翻
注九卷陸績注十三卷姚信注十卷荀輝注十卷蜀才注十卷王真注十卷干
寶注十卷又爻義一卷黃穎注十卷崔浩注十卷崔覲注十三卷何胤注十卷
盧氏注十卷傅氏注十四卷王又玄注十卷王凱沖注十卷荀氏九家集解十
卷馬鄭二王集解十卷王弼韓康伯注十卷二王集解十卷張璠集解十卷又
略論一卷謝萬注繫辭二卷桓玄注繫辭二卷荀詒注繫辭二卷荀柔之注繫
辭二卷宋襄注繫辭二卷宋明帝注義疏二十卷張該等羣臣講易疏二十卷
梁武帝大義二十卷又大義疑問二十卷蕭偉發義一卷又幾義一卷蕭子政
義疏十四卷又繫辭義二卷張譏講疏三十卷何妥講疏十三卷褚仲都講疏
十六卷梁蕃文句義疏二十卷又開題論序疏十卷釋序義三卷劉瓛繫辭義
疏二卷又乾坤義疏一卷鍾會周易論四卷范氏周易論四卷應吉甫明易論
一卷鄒湛統略論三卷阮長成阮仲容難答論二卷宋處宗通易論一卷宣聘
通易象論一卷欒肇通易象論一卷袁宏略譜一卷楊又卦序論一卷沈熊周

易譜一卷雜音三卷任希古注周易十卷周易正義十六卷國子祭酒孔穎達

王恭太學博士馬嘉運太學助教趙乾叶王談于志寧等奉詔撰四門博士蘇德融趙弘智覆審陸德明周易文句義疏二十

四卷文外大義二卷陰弘道周易新傳疏十卷穎子臨薛仁貴周易新注本義

十四卷王勃周易發揮五卷玄宗周易大衍論三卷李鼎祚集注周易十七卷

東鄉助周易物象釋疑一卷僧一行周易論亡又大衍玄圖一卷義決一卷大

衍論二十卷崔良佐易忘象亡元載集注周易一百卷李吉甫注一行易亡衛

元嵩元包十卷蘇源明傳高定周易外傳二十二卷郢子京北裴通易書一百

五十卷字又玄士澆子文宗訪盧行超易義五卷字孟起大陸希聲周易傳二

卷以易義令進所撰書

右易類七十六家八十八部六百六十五卷失姓名一家李鼎祚以下不

古文尚書孔安國傳十三卷謝沈注十三卷王肅注十卷又釋駁五卷范甯注

十卷李顥集注十卷又新釋二卷要略二卷姜道威集注十卷徐邈注逸篇三

卷伏勝注大傳三卷又暢訓一卷劉向洪範五行傳論十一卷馬融傳十卷王

肅孔安國問答三卷鄭玄注古文尚書九卷又注釋問四卷王粲問田呂文優

義注三卷伊說釋義四卷顧歡百問一卷巢猗百釋三卷又義疏十卷費彪義

疏十卷任孝恭古文大義二十卷蔡大寶義疏三十卷劉焯義疏二十卷顧彪

古文音義五卷又文外義五卷劉炫述義二十卷王儉音義四卷王玄度注尚

書十三卷今文尚書十三卷開元十四年玄宗以洪範無偏無頗聲不協詔改

文從今文尚書正義二十卷國子祭酒孔穎達太學博士朱長才蘇德融四門助教李雲

四門助教王士雄趙弘智覆審太尉揚州都督長孫無忌司空李勣左僕射于

志寧右僕射張行成吏部尚書侍中高季輔吏部尚書褚遂良中書令柳爽弘

文館學士谷那律劉伯莊太學博士賈公彥范義顧齊威太常博士柳士宣孔

志約四門博士趙君贊右內率府長史弘文館直學士薛伯珍國子助教史士

弘太學助教鄭祖玄周文達四門助教李王元感尚書糾繆十卷穆元休洪範

外注十卷陳正卿續尚書纂漢至唐十二代詔策章疏歌頌崔良佐尚書演範

卷七

右書類二十五家三十三部三百六卷王元感以下不著錄四家二十卷

韓詩卜商序韓嬰注二十二卷又外傳十卷卜商集序二卷又翼要十卷毛萇

傳十卷鄭玄箋毛詩詁訓二十卷又譜三卷王肅注二十卷又雜義駁八卷問

難二卷葉遵注二十卷號葉詩崔靈恩集注二十四卷義注五卷劉楨義問十卷

王基毛詩駁五卷毛詩雜答問五卷雜義難十卷孫毓異同評十卷楊又毛詩

辯三卷陳統難孫氏詩評四卷又表隱二卷元延明誼府三卷張氏義疏五卷

陸璣草木鳥獸魚蟲疏二卷謝沈釋義十卷劉氏序義一卷劉炫述義三十卷

魯世達音義二卷鄭玄等諸家音十五卷王玄度注毛詩二十卷毛詩正義四

十卷孔穎達王德韶齊威等奉詔撰趙乾叶四門助教賈普曜趙弘智等覆正許叔牙毛詩纂義十卷成伯璵毛詩

指說一卷又斷章二卷毛詩草木蟲魚圖二十卷開成中文宗命集賢院修撰并繪圖象大學士楊嗣復學

士張次宗上之

右詩類二十五家三十一部三百二十二卷失姓載名三家許叔牙以下不著錄三家三十三卷

大戴德禮記十三卷又喪服變除一卷鄭玄注小戴聖禮記二十卷又禮議二

十卷禮記音三卷曹耽解三禮目錄一卷注周官十三卷音三卷注儀禮十七卷

喪服變除一卷注喪服紀一卷盧植注小戴禮記二十卷馬融周官傳十二卷

又注喪服記一卷王肅注小戴禮記三十卷又注周官十二卷注儀禮十七卷

音二卷喪服要記一卷注喪服紀一卷鄭小同禮記義記四卷袁準注儀禮一

卷孔倫注一卷陳銓注一卷蔡超宗注二卷田僧紹注二卷傅玄周官論評十

二卷陳邵杜預喪服要集議三卷賀循喪服譜一卷又喪服要記五卷謝微干

寶注周官十二卷又答周官駁難五卷孫略李軌小戴禮記音二卷尹毅音二

卷徐邈音三卷徐爰音二卷司馬伯周官寧朔新書八卷又禮記寧朔新書二

十卷並王懋戴顓月令章句十二卷又中庸傳二卷緱氏要鈔六卷王遂之注

喪服五代行要記十卷徐廣禮論問答九卷范甯禮問九卷又禮論答問九卷

射慈小戴禮記音二卷又喪服天子諸侯圖一卷崔游喪服圖一卷蔡謨喪服

譜一卷喪服要難一卷趙成問伊說注周官十卷孫炎注禮記三十卷葉遵注

十二卷董勛問禮俗十卷劉雋禮記評十卷吳商雜禮義十一卷何承天禮論

三百七卷顏延之禮逆降議三卷任預禮論條牒十卷又禮論帖三卷禮論鈔

六十六卷庾蔚之禮記略解十卷又注喪服要記五卷禮論鈔二十卷王儉禮

儀答問十卷又禮雜答問十卷喪服古今集記三卷荀萬秋禮雜鈔略二卷傳

隆禮議一卷梁武帝禮大義十卷周捨禮疑義五十卷何休之禮記義十卷又

禮答問十卷戚壽雜禮義問答四卷賀瑒禮論要鈔一百卷賀述禮統十二卷

崔靈恩周官集注二十卷又三禮義宗三十卷元延明三禮宗略二十卷皇侃

禮記講疏一百卷又義疏五十卷喪服文句義十卷沈重周禮義疏四十卷又

禮記義疏四十卷熊安生義疏四十卷劉芳義證十卷沈文阿喪服經傳義疏

四卷又喪服發題二卷夏侯伏朗三禮圖十二卷禮記隱二十六卷禮類聚十

卷禮儀雜記故事十一卷禮統郊祀六卷禮論要鈔十三卷區分十卷禮論鈔

略十三卷禮記正義七十卷孔穎達國子司業朱子奢國子助教李善信賈公

周玄達趙君贊王士雄趙弘智覆審賈公彥禮記正義八十卷又周禮疏五十卷儀禮疏五十卷

魏徵次禮記二十卷亦曰類禮王文度周禮義決三卷又注禮記二十卷元行沖類

禮義疏五十卷御刊定禮記月令一卷集賢院學士李林甫陳希烈徐安貞直

玄晏待制官梁令瓚等成伯璵禮記外傳四卷王元感禮記繩愆三十卷王方

注解自第五易為第一

慶禮經正義十卷禮雜問答十卷李敬玄禮論六十卷張鎰二禮圖九卷陸質

類禮二十卷韋彤五禮精義十卷丁公著禮志十卷禮記字例異同一卷元和十二

年詔丘敬伯五禮異同十卷孫玉汝五禮名義十卷杜肅禮略十卷張頰禮粹

二十卷

右禮類六十九家九十六部一千八百二十七卷失姓名七家元行冲以下不著錄十六家二百九十

卷五

桓譚樂元起二卷又琴操二卷孔衍琴操一卷荀勗太樂雜歌辭三卷又太樂

歌辭二卷樂府歌詩十卷謝靈運新錄樂府集十一卷信都芳刪注樂書九卷

留進管絃記十二卷凌秀管絃志十卷公孫崇鐘磬志二卷梁武帝樂社大義

十卷又樂論三卷沈重鐘律五卷釋智匠古今樂錄十三卷鄭譯樂府歌辭八

卷又樂府聲調六卷蘇夔樂府志十卷李玄楚樂經三十卷元愨樂略四卷又

聲律指歸一卷翟子樂府歌詩十卷又三調相和歌辭五卷劉氏周氏琴譜四

卷陳懷琴譜二十一卷漢魏吳晉鼓吹曲四卷琴集歷頭拍簿一卷外國伎曲

三卷又一卷論樂事二卷歷代曲名一卷推七音一卷十二律譜義一卷鼓吹

樂章一卷李守真古今樂記八卷蕭吉樂譜集解二十卷武后樂書要錄十卷

趙邪利琴敘譜九卷張文收新樂書十二卷劉貺太學令壁記三卷徐景安歷

代樂儀三十卷崔令欽教坊記一卷吳兢樂府古題要解一卷郗昂樂府古今

題解三卷一作王昌齡段安節樂府雜錄一卷文昌孫寶璣正聲樂調一卷玄宗金風

樂一卷蕭祐無射商九調譜一卷趙惟暎琴書三卷陳拙大唐正聲新址琴譜

十卷呂渭廣陵止息譜一卷李良輔廣陵止息譜一卷李約東杓引譜一卷勉子

兵部員外郎齊嵩琴雅略一卷王大力量聲律圖一卷陳康士琴譜十三卷字安道僖宗時

人又琴調四卷琴譜一卷離騷譜一卷趙邪利琴手勢譜一卷南卓羯鼓錄一

卷

右樂類三十一家三十八部二百五十七卷失姓名九家張文收以下不著錄二十家九十三卷

左丘明春秋外傳國語二十卷董仲舒春秋繁露十七卷春秋穀梁傳十五卷

尹更始注春秋公羊傳五卷嚴彭祖述賈逵春秋左氏長經章句二十卷又解詁三十卷

春秋三家訓詁十二卷董遇左氏經傳章句三十卷王肅注三十卷又國語章

句二十二卷王朗注左氏十卷士燮注春秋經十一卷杜預左氏經傳集解三

十卷又釋例十五卷音三卷鄭衆牒例章句九卷穎容釋例七卷劉寔條例十

卷方範經例六卷何休左氏膏肓十卷鄭玄又公羊解詁十三卷春秋漢議十

卷麋信注公羊條傳一卷墨守一卷鄭玄穀梁廢疾三卷鄭玄釋服虔左氏解

詁三十卷又膏肓釋病五卷春秋成長說七卷塞難三卷音隱一卷駁何氏春

秋漢議十一卷王玠達長義一卷孫毓左氏傳義注三十卷又賈服異同略五

卷梁簡文帝左氏傳例苑十八卷干寶春秋函傳十六卷序論一卷殷興左氏

釋滯十卷何始真春秋左氏區別十二卷張冲春秋左氏義略三十卷嚴彭祖

春秋圖七卷吳略春秋經傳詭例疑隱一卷京相璠春秋土地名三卷王延之

旨通十卷顧啟期大夫譜十一卷李謚叢林十二卷崔靈恩立義十卷申先儒

傳例十卷沈宏經傳解六卷又文苑六卷嘉語六卷沈文阿義略二十七卷劉

炫攻昧十二卷又規過三卷述議三十七卷高貴鄉公左氏音三卷曹耽荀訥

音四卷李軌音三卷孫邈音二卷王元規音三卷孔氏公羊集解十四卷王愆

期注公羊十二卷又難答論一卷庚翼高襲傳記十二卷荀爽徐欽答問五卷

劉寔左氏牒例二十卷又公羊違義三卷劉晏王儉音二卷春秋穀梁傳段肅

注十三卷唐固注穀梁十二卷又注國語二十一卷糜信注穀梁十二卷又左

氏傳說要十卷張靖集解十一卷程闡經傳集注十六卷孔衍訓注十三卷范

甯集注十二卷徐乾注十三卷徐邈注十二卷又傳義十卷音一卷沈仲義集

解十卷蕭邕問傳義三卷劉兆三家集解十一卷韓益三傳論十卷胡訥集撰

三傳經解十一卷又三傳評十卷潘叔度春秋成集十卷又合三傳通論十卷

江熙公羊穀梁二傳評三卷李鉉春秋二傳異同十二卷虞翻注國語二十一

卷韋昭注二十一卷孔鼂解二十一卷春秋辨證明經論六卷左氏音十二卷

左氏鈔十卷春秋辭苑五卷雜義難五卷左氏杜預評二卷春秋正義三十六

卷孔穎達楊士勳朱長才奉詔撰馮嘉楊士勳穀梁疏十二卷王玄度注春秋

左氏傳亡卷盧藏用春秋後語十卷高重春秋纂要四十卷字文明士廉五代孫

唐

書

卷五十七

藝文志

七

中華書局聚

珍傲宋版印

士帝好左氏春秋命重分諸國各許康佐等集左氏傳三十卷一作文宗御集徐文遠為書別名經傳要略歷國子祭酒

左傳義疏六十卷又左傳音三卷陰弘道春秋左氏傳序一卷李氏三傳異同

例十三卷開元中右威衛錄事參軍失名馮伉三傳異同三卷劉軻三傳指要十五卷韋表微

春秋三傳總例二十卷王元感春秋振滯二十卷韓滉春秋通一卷陸質集注

春秋二十卷又集傳春秋纂例十卷春秋微旨二卷春秋辨疑七卷樊宗師春

秋集傳十五卷春秋加減一卷元和十二年國子監修定李瑾春秋指掌十五卷張傑春秋

圖五卷又春秋指元十卷裴安時左氏釋疑七卷字適之大中江陵少尹第五泰左傳事

類二十卷字伯通青州益都人咸通鄂州文學成玄奘梁總例十卷字又玄咸通山陽令陸希聲春秋通例

三卷陳岳折衷春秋三十卷唐末鍾傳江西從事郭翔春秋義鑑三十卷柳宗元非國語

二卷

右春秋類六十六家一百部一千一百六十三卷失姓名五家王玄度以下不著錄二十二家四百三

卷

古文孝經孔安國傳一卷劉邵注一卷孝經王肅注一卷鄭玄注一卷韋昭注

一卷孫熙注一卷蘇林注一卷謝萬注一卷虞盤佐注一卷孔光注一卷殷仲文注一卷殷叔道注一卷徐整默注二卷車胤講孝經義四卷荀勗講孝經集解一卷皇侃義疏三卷何約之大明中皇太子講義疏一卷梁武帝疏十八卷太史叔明發題四卷劉炫述義五卷張士儒演孝經十二卷應瑞圖一卷賈公彥孝經疏五卷魏克己注孝經一卷任希古越王孝經新義十卷今上孝經制旨一卷宗元行冲御注孝經疏二卷尹知章注孝經一卷孔穎達孝經義疏卷亡

卷浩稱四明山人乾元二年上授校書郎

右孝經類二十七家三十六部八十二卷失姓名一家尹知章以下不著錄六家一十三卷

論語鄭玄注十卷又注論語釋義一卷論語篇目弟子一卷王弼釋疑二卷王

肅注論語十卷又注孔子家語十卷李充注論語十卷梁顛注十卷孟釐注九

卷袁喬注十卷尹毅注十卷張氏注十卷何晏集解十卷孫綽集解十卷盈氏

集義十卷江熙集解十卷徐氏古論語義注譜一卷虞喜贊鄭玄論語注十卷

暢惠明義注十卷宋明帝補衛瓘論語注十卷樂肇論語釋十卷又駁二卷崔豹大義解十卷繆播旨序二卷郭象體略二卷戴詵述議二十卷劉炫章句二十卷皇侃疏十卷褚仲都講疏十卷義注隱三卷雜義十三卷別義十卷徐邈音二卷孔叢七卷王勃次論語十卷賈公彥論語疏十五卷韓愈注論語十卷張籍論語注辨二卷

右論語類三十家三十七部三百二十七卷

失姓名三家韓愈以下不著錄二家十二卷

宋均注易緯九卷注詩緯十卷注禮緯三卷注樂緯三卷注春秋緯三十八卷注論語緯十卷注孝經緯五卷鄭玄注書緯三卷注詩緯三卷

右讖緯類二家九部八十四卷

劉向五經雜義七卷又五經通義九卷五經要義五卷許慎五經異義十卷

鄭玄

駁譙周五經然否論五卷楊方五經鉤沈十卷楊思五經咨疑八卷元延明五

經宗略四十卷劉炫五經正名十二卷沈文阿經典玄儒大義序錄十卷班固等白虎通義六卷鄭玄六藝論一卷鄭志九卷鄭記六卷王肅聖證論十一卷

梁武帝孔子正言二十卷簡文帝長春義記一百卷樊文深七經義網略論三

十卷又質疑五卷張譏游玄桂林二十卷諡法三卷荀顛演沈約諡例十卷賀

琛諡法三卷集天名稱三卷陸德明經典釋文三十卷顏師古匡謬正俗八卷

趙英五經對訣四卷英龍朔中汲令劉迅六說五卷劉貺六經外傳三十七卷張謚五

經微旨十四卷韋表微九經師授譜一卷裴僑卿微言注集二卷開元中鄭縣尉高重

經傳要略十卷王彥威續古今諡法十四卷慕容宗本五經類語十卷字泰初幽州人

大中時劉氏經典集音三十卷鎔字正範絳州長史人咸通晉州長史

右經解類十九家二十六部三百八十一卷失姓名二家趙英以下不著錄十家一百二十七卷

爾雅李巡注三卷樊光注六卷孫炎注六卷沈璇集注十卷郭璞注一卷又圖

一卷音義一卷江灌圖贊一卷又音六卷李軌解小爾雅一卷楊雄別國方言

十三卷劉熙釋名八卷韋昭辨釋名一卷李斯等三蒼三卷郭璞杜林蒼頡訓

詁二卷張揖廣雅四卷又埤蒼三卷三蒼訓詁三卷雜字一卷古文字訓二卷

樊恭廣蒼一卷史游急就章一卷曹壽顏之推注一卷司馬相如凡將篇一卷

班固在昔篇一卷太甲篇一卷蔡邕聖草章一卷又勸學篇一卷今字石經論語二卷崔瑗飛龍篇篆草勢合三卷許慎說文解字十五卷呂忱字林七卷楊承慶字統二十卷馮幹括字苑十三卷賈魴字屬篇一卷葛洪要用字苑一卷戴規辨字一卷僧寶誌文字釋訓三十卷周成解文字七卷王延雜文字音七卷王氏文字要說一卷阮孝緒文字集略一卷彭立文字辨嫌一卷王惜文字志三卷顧野王玉篇三十卷李登聲類十卷呂靜韻集五卷陽休之韻略一卷又辨嫌音二卷夏侯詠四聲韻略十三卷張諒四聲部三十卷趙氏韻篇十二卷陸慈切韻五卷郭訓字旨篇一卷古文奇字二卷衛宏詔定古文字書一卷虞蘇法書目錄六卷衛恆四體書勢一卷蕭子雲五十二體書一卷庾肩吾書品一卷顏之推筆墨法一卷僧正度雜字書八卷何承天纂文三卷顏延之纂要六卷又詰幼文三卷張推證俗音二卷顏愍楚證俗音略一卷李虔續通俗文二卷李少通俗語難字一卷諸葛穎桂苑珠叢一百卷朱嗣卿幼學篇一卷項峻始學篇十二卷王羲之小學篇一卷楊方少學集十卷顧凱之啓疑三卷

蕭子範千字文一卷周興嗣次韻千字文一卷演千字文五卷黃初篇一卷吳

章篇一卷音隱四卷難要字三卷覽字知源三卷字書十卷敘同音二卷桂苑

珠叢略要二十卷古今八體六文書法一卷古來篆隸詁訓名錄一卷筆墨法

一卷鹿紙筆墨疏一卷篆書千字文一卷今字石經易篆三卷今字石經尚書

本五卷今字石經鄭玄尚書八卷三字石經尚書古篆三卷今字石經毛詩三

卷今字石經儀禮四卷三字石經左傳古篆書十二卷今字石經左傳經十卷

今字石經公羊傳九卷蔡邕今字石經論語二卷曹憲爾雅音義二卷又博雅

十卷文字指歸四卷劉伯莊續爾雅一卷顏師古注急就章一卷武后字海一

百卷凡武后所著書皆元方頃范履冰李嗣真書後品一卷徐浩書譜一卷古

跡記一卷張懷瓘書斷三卷開元中翰又評書藥石論一卷張敬玄書則一卷

貞元中褚長文書指論一卷張彥遠法書要錄十卷弘靖孫乾符裴行儉草書

雜體卷亡荆浩筆法記一卷浩稱洪二王張芝張昶等書一千五百一十卷太宗

府金帛購天下古本命魏徵虞世南褚遂良定真偽凡得羲之真行二百九十

唐

書

卷五十七

藝文志

十一

中華書局聚

之其古本多梁隋官書梁則滿騫徐僧權沈熾文朱异隋總姚察署記帝令魏
褚卷尾各署名開元五年敕陸玄悌魏哲劉懷信檢校分益卷秩玄宗自書開
元自王方慶寶章集十卷又王氏八體書範四卷王氏工書狀十五卷玄宗開
為印

元文字晉義三十卷張參五經文字三卷唐玄慶九經字樣一卷文宗時待詔顏元

孫干祿字書一卷歐陽融經典分毫正字一卷李騰說文字源一卷陽冰從子僧慧

力像文玉篇三十卷蕭鈞韻音二十卷孫恂唐韻五卷武元之韻銓十五卷玄

宗韻英五卷天寶十四載撰詔集賢院寫付諸道採訪使傳布天下顏真卿韻海鏡源三百六十卷李舟

切韻十卷僧猷智辨體補修加字切韻五卷

右小學類六十九家一百三部七百二十一卷失姓名二十三家徐浩以下不著錄二十三家二千四十

卷五

唐書卷五十七

唐書卷五十七考證

藝文志一甲部經錄其類十一○舊書作十二

右禮類注二百九十五卷○沈炳震曰按上止二百六十五卷作九十五卷誤

唐書卷五十七考證

(Faint, illegible vertical text lines)

唐書卷五十八

宋 翰 林 學 士 歐 陽 修 撰

藝文志第四十八

乙部史錄其類十三一曰正史類二曰編年類三曰偽史類四曰雜史類五曰起居注類六曰故事類七曰職官類八曰雜傳記類九曰儀注類十曰刑法類十一曰目錄類十二曰譜牒類十三曰地理類凡著錄五百七十一家八百五十七部一萬六千八百七十四卷不著錄三百五十八家一萬二千二百二十七卷

司馬遷史記一百三十卷裴駙集解史記八十卷徐廣史記音義十三卷鄒誕生史記音三卷班固漢書一百一十五卷服虔漢書音訓一卷應邵漢書集解音義二十四卷諸葛亮論前漢事一卷又音一卷孟康漢書音義九卷晉灼漢書集注十四卷又音義十七卷章昭漢書音義七卷崔浩漢書音義二卷孔氏

漢書音義鈔二卷孔文劉嗣等漢書音義二十六卷夏侯詠漢書音二卷包愷

漢書音十二卷蕭該漢書音十二卷陰景倫漢書律曆志音義一卷項岱漢書
敘傳八卷劉寶漢書駁義二卷陸澄漢書新注一卷韋稜漢書續訓二卷姚察
漢書訓纂三十卷顏游秦漢書決疑十二卷僧務靜漢書正義三十卷李喜漢
書辨惑二十卷漢書正名氏義十二卷漢書英華八卷劉珍等東觀漢記一百
二十六卷又錄一卷謝承後漢書一百三十三卷又錄一卷薛瑩後漢記一百
卷司馬彪續漢書八十三卷又錄一卷劉義慶後漢書五十八卷華嶠後漢書
三十一卷謝沈後漢書一百二卷又外傳十卷袁崧後漢書一百一卷又錄一
卷范曄後漢書九十二卷又論贊五卷劉昭補注後漢書五十八卷張瑩漢南
紀五十八卷劉熙注范曄後漢書一百二十二卷蕭該後漢書音三卷劉芳後
漢書音一卷臧兢後漢書音三卷王沈魏書四十七卷陳壽魏國志三十卷蜀
國志十五卷吳國志二十一卷並裴松之注 韋昭吳書五十五卷王隱晉書八十九
卷虞預晉書五十八卷朱鳳晉書十四卷謝靈運晉書三十五卷又錄一卷臧
榮緒晉書一百一十卷干寶晉書二十二卷蕭子雲晉書九卷何法盛晉中興

書八十卷徐爰宋書四十二卷孫嚴宋書五十八卷沈約宋書一百卷王智深

宋書三十卷魏收後魏書一百三十卷魏澹後魏書一百七卷李德林北齊末

修書二十四卷王劭齊志十七卷又隋書八十卷蕭子顯齊書六十卷劉陟齊

書十三卷謝昊姚察梁書三十四卷顧野王陳書三卷傅縡陳書三卷許子儒

注史記一百三十卷又音三卷字文舉叔牙子也證聖天官侍郎潁川縣男劉伯莊史記音義二十

卷御銓定漢書八十七卷高宗與郝處俊等撰顧胤漢書古今集義二十卷顏師古注漢

書一百二十卷章懷太子賢注後漢書一百卷賢命劉訥言格希玄等注韋機後漢書音義

二十七卷晉書一百二十卷房玄齡褚遂良許敬宗來濟陸元仕劉子翼令狐德棻李義府薛元超上官儀崔行功李淳風辛丘

馭劉引之陽仁卿李延壽張文恭敬播李安期李懷儼趙弘智等修而名爲御撰姚思廉梁書五十六卷陳書三十六

卷皆魏徵等撰張大素後魏書一百卷又北齊書二十卷隋書三十二卷李百藥北

齊書五十卷令狐德棻後周書五十卷隋書八十五卷志三十卷顏師古孔穎達于志寧李

淳風韋安化李延壽與德棻敬播趙弘智魏徵等撰王元感注史記一百三十卷徐堅注史記一百三十

卷李鎮注史記一百三十卷開元十七年上授門下典儀又義林二十卷陳伯宣注史記一

百三十卷

貞元中

韓琬續史記一百三十卷司馬貞史記索隱三十卷

開元潤州別駕劉

伯莊又撰史記地名二十卷漢書音義二十卷張守節史記正義三十卷竇羣

史記名臣疏三十四卷敬播注漢書四十卷又漢書音義十二卷元懷景漢書

議苑

卷亡開元右庶子武陵縣男諡曰文

姚庭漢書紹訓四十卷沈遵漢書問答五卷李善漢書

辨惑一十卷徐堅晉書一百一十卷高希嶠注晉書一百三十卷

開元一十年上授清池主簿

何超晉書音義三卷

處士

武德貞觀兩朝史八十卷

長孫无忌令狐德棻顧胤等撰

吳兢又齊

史十卷梁史十卷陳史五卷周史十卷隋史二十卷唐書一百卷又一百三十

卷

魏韋述柳芳令狐峘于休烈等撰

國史一百六卷又一百一十三卷裴安時史記纂訓二十

卷又元魏書三十卷

字適之大中江陵小尹

凡集史五家六部一千二百二十二卷

高峻以下不著錄三家四百四十卷

梁武帝通史六百二卷李延壽南史八十卷又北史一百卷高氏小史一百二

十卷

高峻初六十卷其子迴釐益之峻元和中人

劉氏洞史二十卷

劉權忠州刺史晏曾孫

姚康復統史二百

卷

大中太詹事

右正史類七十家九十部四千八十五卷失姓名二家王元感以下不著錄二十三家一千七百九十卷總

七十三家六十九部

紀年十四卷汲冢書荀悅漢紀三十卷應劭等注荀悅漢紀三十卷崔浩漢紀音

義三卷侯瑾漢皇德紀三十卷張璠後漢紀三十卷袁宏後漢紀三十卷張緬

後漢略二十七卷劉艾漢靈獻二帝紀六卷袁曄漢獻帝春秋十卷樂資山陽

公載記十卷習鑿齒漢晉春秋五十四卷魏武本紀四卷孫盛魏武春秋二十

卷又晉陽秋二十二卷魏澹魏記十二卷梁祚魏書國紀十卷環濟吳紀十卷

陸機晉帝紀四卷干寶晉紀二十二卷劉協注干寶晉紀六十卷劉謙之晉紀

二十卷曹嘉之晉紀十卷徐廣晉紀四十五卷鄧粲晉紀十一卷又晉陽秋三

十二卷檀道鸞晉春秋二十卷蕭景暢晉史草三十卷郭季產晉續紀五卷晉

錄五卷王智深宋紀三十卷裴子野宋略二十卷鮑衡卿宋春秋二十卷王琰

宋春秋二十卷沈約齊紀二十卷吳均齊春秋三十卷謝昊梁典三十九卷劉

璠梁典三十卷何之元梁典三十卷蕭韶梁太清紀十卷皇帝紀七卷梁末代

紀一卷臧嚴棲鳳春秋五卷姚最梁昭後略十卷北齊紀二十卷王劭北齊志

十七卷趙毅隋大業略紀二卷杜延業晉春秋略二十卷張大素隋後略十卷

柳芳唐曆四十卷續唐曆二十二卷韋澳蔣偕李荀張彥遠
崔瑄譔崔龜從監修吳兢唐春秋三十

卷韋述唐春秋三十卷陸長源唐春秋六十卷陳嶽唐統紀一百卷焦璐唐朝

年代紀十卷徐州從事龐勳亂遇害李仁實通曆七卷馬總通曆十卷王氏五位圖十卷

王起廣五運圖卷亡苗台符古今通要四卷宣懿時人賈欽文古今年代曆一卷大中時人曹

圭五通錄十二卷張敦素建元曆二卷劉軻帝王曆數譜一卷字希仁元和末進士第洛州刺

史封演古今年號錄一卷天寶末進士第韋美嘉號錄一卷中和中進士柳璨正閏位曆三

卷李匡文兩漢至唐年紀一卷昭宗時宗正少卿

右編年類四十一家四十八部九百四十七卷失姓名四家柳芳以下不著錄十九家三百五十五卷

常璩華陽國志十三卷又漢之書十卷蜀李書九卷和包漢趙紀十四卷田融

趙石紀二十卷又二石紀二十卷符朝雜記一卷王度隨翽二石偽事六卷二

石書十卷范亨燕書二十卷王景暉南燕錄六卷張銓南燕書十卷高閭燕志

十卷段龜龍涼記十卷西河記二卷張諮涼記十卷劉昞涼書十卷又燉煌實錄二十卷裴景仁秦記十一卷杜惠明注拓拔涼錄十卷桓玄僞事二卷鄴洛鼎峙記十卷守節先生天啓紀十卷崔鴻十六國春秋一百二十卷蕭方三十國春秋三十卷李概戰國春秋二十卷蔡允恭後梁春秋十卷武敏之三十國春秋一百卷

右僞史類一十七家二十七部五百四十二卷

失姓名三家

古文鎖語四卷汲冢周書十卷子貢越絕書十六卷孔晁注周書八卷何承天春秋前傳十卷又春秋前傳雜語十卷樂資春秋後傳三十卷孟儀注周載三十卷趙曄吳越春秋十二卷楊方吳越春秋削煩五卷吳越記六卷劉向戰國策三十二卷高誘注戰國策三十二卷延篤戰國策論一卷陸賈楚漢春秋九卷衛颯史記要傳十卷張瑩史記正傳九卷譙周古史考二十五卷王粲漢書英雄記十卷葛洪史記鈔十四卷又漢書鈔三十卷後漢書鈔三十卷張緬後漢書略二十五卷又晉書鈔二十卷范曄後漢書續十三卷孔衍春秋時國語

十卷又春秋後國語十卷漢尙書十卷漢春秋十卷後漢尙書六卷後漢春秋
六卷後魏尙書十四卷後魏春秋九卷王越客後漢文武釋論二十卷袁希之
漢表十卷張溫三史要略三十卷阮孝緒正史削繁十四卷王廷秀史要二十
八卷蕭肅合史二十卷又錄一卷王蔑史漢要集二卷司馬彪九州春秋九卷
後漢雜事十卷魚豢魏略五十卷孫壽魏陽秋異同八卷魏武本紀年曆五卷
王隱刪補蜀記七卷張勃吳錄三十卷李概左史六卷胡沖吳朝人士品秩狀
八卷又吳曆六卷虞禹吳士人行狀名品二卷虞溥江表傳五卷徐衆三國評
三卷王濤三國志序評三卷傅暢晉諸公讚二十二卷晉曆二卷荀綽晉後略
五卷賈匪之漢魏晉帝要紀三卷郭頌魏晉代說十卷謝綽宋拾遺錄十卷孔
思尙宋齊語錄十卷陰僧仁梁撮要三十卷宋孝王關東風俗傳六十三卷來
奧帝王本紀十卷環濟帝王略要十二卷劉滔先聖本紀十卷楊擘華夷帝王
紀三十七卷張愔等帝系譜二卷韋昭洞紀四卷皇甫謐帝王代紀十卷又年
曆六卷何茂林續帝王代紀十卷帝王代紀十六卷曆紀十卷姚恭年曆帝紀

二十六卷吉文甫十五代略十卷代譜四十八卷周武帝勅撰諸葛耽帝錄十卷庾

和之歷代紀三十卷熊襄十代紀十卷盧元福帝王編年錄五十一卷又共和

以來甲乙紀年二卷趙弘禮王業曆二卷周樹洞曆紀九卷徐整三五曆紀二

卷又通曆二卷雜曆五卷孔衍國志曆五卷長曆十四卷千年曆二卷許氏千

歲曆三卷陶弘景帝王年曆五卷羊瑗分王年曆五卷王嘉拾遺錄三卷又拾

遺記十卷蕭綺錄周祇崇安記二卷王韶之崇安記十卷鮑衡卿乘輿飛龍記二

卷蕭大圓淮海亂離志四卷李仁實通曆七卷裴矩隋開業平陳記十二卷褚

无量帝王紀錄三卷皇甫遵吳越春秋傳十卷盧彥卿後魏紀三十三卷劉允

濟魯後春秋二十卷丘悅三國典略三十卷元行沖魏典三十卷員半千三國

春秋二十卷李筌間外春秋十卷李吉甫六代略三十卷張絢古五代新記二

卷許嵩建康實錄二十卷柳氏自備三十卷柳仲鄭曄史雋十卷呂才隋記二

十卷丘啓期隋記十卷開元管城尉杜寶大業雜記十卷杜儒童隋季革命記五卷

武后時人劉氏行年記二十卷劉仁軌崔良佐三國春秋卷亡良佐深州安平人日用從子居於白鹿山門人謚曰

貞文 孝父 裴遵度王政記楊岑皇王寶運錄並卷亡岑憲宗時人功臣錄三十卷唐穎稽典一

百三十卷開元中穎罷臨汾尉上之張說王彥威唐典七十卷吳兢唐書備闕

記十卷續皇王寶運錄十卷韋昭度楊涉撰韓祐續古今人表十卷開元十七年上授太常寺太祝張

薦宰輔傳略卷亡蔣乂大唐宰輔錄七十卷又凌煙功臣秦府十八學士史臣等

傳四十卷凌璿唐錄政要十二卷昭宗時江都尉南卓唐朝綱領圖一卷字昭嗣大中

薛璿唐聖運圖一卷劉肅大唐新語十三卷元和江都主簿李肇國史補三卷翰林

坐薦柏耆自中書舍人左遷將作少監林恩補國史十卷僖宗時進士傳載一卷史遺一卷温大雅今

上王業記六卷李延壽太宗政典三十卷吳兢太宗勳史一卷又貞觀政要十

卷李康明皇政錄十卷鄭處誨明皇雜錄二卷鄭棨開天傳信記一卷温奮天

寶亂離西幸記一卷宋巨明皇幸蜀記一卷姚汝能安祿山事迹三卷華陰尉包

譚河洛春秋二卷安祿山史思明事徐岱奉天記一卷德宗西狩事崔光庭德宗幸奉天錄

一卷趙元一奉天錄四卷張讀建中西狩錄十卷字聖用僖宗時吏部侍郎袁皓與元聖功

錄三卷谷况燕南記三卷張孝忠事路隋平淮西記一卷杜信史略三十卷又閑居

錄三十卷鄭澥涼國公平蔡錄一卷字蘊士李愬山南東道掌書記開州刺史薛圖存河南記一卷

李師道事李潛用乙卯記一卷李訓鄭太和太和摧凶記一卷野史甘露記二卷開成紀

事二卷李石開成承詔錄二卷李德裕次柳氏舊聞一卷又文武兩朝獻替記

三卷會昌伐叛記一卷上黨紀叛一卷劉從諫事韓昱壺關錄三卷裴庭裕東觀奏

記三卷大順中詔修宣懿僖實錄以日曆注記亡闕因撫宣宗政事奏記於監修國史杜讓能庭裕字膺餘昭宗時翰林學士左散騎常侍貶湖南卒

令狐澄貞陵遺事二卷綸子也乾符中書舍人柳玘續貞陵遺事一卷鄭言平剡錄一卷

裴甫事言字垂之浙西觀察使王式從事咸通翰林學士戶部侍郎張雲咸通解圍錄一卷字景之一字瑞鄭樵

彭門紀亂三卷龐勛事王坤驚聽錄一卷黃巢事郭廷誨廣陵妖亂志二卷高駢事乾

寧會稽錄一卷董昌事韓偓金鑿密記五卷王振汴水滔天錄一卷昭宗時拾遺公沙

仲穆太和野史十卷起太和盛龍紀

右雜史類八十八家一百七部一千八百二十八卷失姓名八家元行沖以下不著錄六十八家八

百六十卷

郭璞穆天子傳六卷漢獻帝起居注五卷李軌晉泰始起居注二十卷又晉咸

寧起居注二十二卷晉太康起居注二十二卷晉永平起居注八卷晉咸和起居注十八卷晉咸康起居注二十二卷劉道蒼晉起居注三百二十卷晉建武大興永昌起居注二十二卷晉建元起居注四卷晉永和起居注二十四卷晉升平起居注十卷晉隆和興寧起居注五卷晉太和起居注六卷晉咸安起居注三卷晉寧康起居注六卷晉太元起居注五十二卷晉崇寧起居注十卷晉元興起居注九卷晉義熙起居注三十四卷晉元熙起居注二卷何始真晉起居鈔五十一卷晉起居注鈔二十四卷宋永初起居注六卷宋景平起居注三卷宋元嘉起居注七十一卷宋孝建起居注十七卷宋大明起居注十五卷後魏起居注二百七十六卷齊永明起居注二十五卷梁大同七年起居注十卷陳起居注四十一卷隋開皇元年起居注六卷王濂之二代起居注鈔十五卷流別起居注四十七卷溫大雅大唐創業起居注三卷開元起居注二千六百八十二卷

失譌人名

姚疇修時政記四十卷

凡實錄二十八部三百四十五卷

劉知幾以下不著錄四百五十七卷

周興嗣梁皇帝實錄二卷謝昊梁皇帝實錄五卷梁太清實錄十卷高祖實錄

二十卷敬播撰房玄齡監今上實錄二十卷敬播撰房玄齡監長孫无忌貞觀實錄

四十卷許敬宗皇帝實錄三十卷高宗後修實錄三十卷初令狐德棻撰魏元忠

韋述高宗實錄三十卷武后高宗實錄一百卷則天皇后實錄二十卷魏元忠

祝欽明徐彥伯柳冲韋承慶崔融宗秦客聖母神皇實錄十八卷吳兢中宗實

錄二十卷劉知幾太上皇實錄十卷吳兢睿宗實錄五卷張說今上實錄二十

卷說與唐類撰次開元實錄四十七卷失撰玄宗實錄一百卷今狐垣撰肅宗

實錄三十卷元載監修令狐垣代宗實錄四十卷沈既濟建中實錄十卷德宗實錄

五十卷蔣又樊紳林寶韋處厚順宗實錄五卷韓愈沈傳師宇文憲宗實錄四

十卷沈傳師鄭澣字文籍蔣係李漢陳夷行蘇景胤撰穆宗實錄二十卷蘇景

彥威楊漢公蘇滌裴休諱路隋監修景胤子也中書舍人敬宗實錄十卷陳商鄭亞撰李讓夷監

字玄獻冕子也荆南節度使吏部尚書敬宗實錄十卷修商字述聖禮部侍郎

秘書文宗實錄四十卷盧耽蔣偕王溥盧告牛叢撰魏暮監修武宗實錄三十卷韋保衡

東都留守告字子有弘武宗實錄三十卷監修

凡詔令一家一十一部三百五卷

失姓名十家温彦博以下不著錄十一家二百二十二卷

晉雜詔書一百卷又二十八卷又六十六卷晉詔書黄素制五卷晉定品雜制

八卷晉太元副詔二十一卷晉崇安元興大亨副詔八卷晉義熙詔二十二卷

宋永初詔六卷宋元嘉詔二十一卷宋幹詔集區別二十七卷温彦博古今詔

集三十卷李義府古今詔集一百卷薛克構聖朝詔集三十卷唐德音錄三十

卷太平內制五卷明皇制詔錄十卷元和制集十卷王起寫宣十卷馬文敏王

言會最五卷唐舊制編錄六卷費氏集擬狀注制十卷

右起居注類六家三十八部一千二百七十二卷

失姓名二十六家開元起居注以下不著錄三家三

千七百二十五卷總七家七十七部

秦漢以來舊事八卷漢武帝故事二卷韋氏三輔舊事一卷葛洪西京雜記二

卷建武故事三卷永平故事二卷應劭漢朝駁三十卷漢諸王奏事十卷漢魏

吳蜀舊事八卷魏名臣奏事三十卷魏臺訪議三卷魏廷尉決事十卷南臺奏

事九卷晉太始太康故事八卷孔愉晉建武咸和咸康故事四卷晉建武以來

故事三卷晉氏故事三卷晉朝雜事二卷晉故事四十三卷晉諸雜故事二十
二卷晉雜議十卷晉要事三卷晉宋舊事一百三十卷車灌晉修復山陵故事
五卷盧緝晉八王故事十二卷又晉四王起事四卷張敞晉東宮舊事十卷范
汪尚書大事二十一卷華林故事各一卷劉道蒼先朝故事二十卷交州雜故
事九卷中興伐逆事二卷温子昇魏永安故事三卷蕭大圓梁魏舊事三十卷
僧亡名天正舊事三卷應詹江南故事三卷大司馬陶公故事三卷郗太尉爲
尚書令故事三卷王愨期救襄陽上都府事一卷春坊舊事三卷武后述聖紀
一卷杜正倫春坊要錄四卷王方慶南宮故事十二卷裴矩鄴都故事十卷馬
總唐年小錄八卷張齊賢孝和中興故事三卷盧若虛南宮故事三十卷令狐
德棻凌煙閣功臣故事四卷敬播文貞公傳事四卷劉禕之文貞公故事六卷
張大業魏文貞故事八卷王方慶文貞公事錄一卷李仁實衛公平突厥故事
二卷謝偃英公故事四卷劉禕之英國貞武公故事四卷陳諫等彭城公故事
一卷劉晏張九齡事迹一卷李渤事迹一卷杜悰事迹一卷吳湘事迹一卷丘據

相國涼公錄一卷 李抱玉事據諫議大夫

右故事類十七家四十三部四百九十六卷 失姓名二十三家裴矩以下不著錄十六家九十卷

王隆漢官解詁三卷 胡廣注 應劭漢官五卷漢官儀十卷蔡質漢官典儀一卷丁

孚漢官儀式選用一卷荀攸等魏官儀一卷傅暢晉公卿禮秩故事九卷百官

名十四卷于寶司徒儀注五卷陸機晉惠帝百官名三卷晉官屬名四卷晉過

江人士目一卷衛禹晉永嘉流士二卷登城三戰簿三卷范曄百官階次一卷

荀欽明宋百官階次三卷宋百官春秋六卷魏官品令一卷王珪之齊職官儀

五十卷徐勉梁選簿三卷沈約梁新定官品十六卷梁百官人名十五卷陳將

軍簿一卷太建十一年百官簿狀二卷郎楚之隋官序錄十二卷王道秀百官

春秋十三卷郭演職令古今百官注十卷陶彥藻職官要錄三十六卷職員舊

事三十卷王方慶宮卿舊事一卷六典三十卷 開元十年起居舍人陸堅被詔集賢院修六典玄宗手寫六條

曰理典教典禮典政典刑典事典張說知院委徐堅經歲無規制乃命母斐余欽咸廩業孫季良韋述參議始以令式象周禮六官為制蕭嵩知院加劉鄭蘭

蕭晟盧若虛張九齡知院加陸善經李林甫代九齡加苑咸二十六年書成 王方慶又撰尚書考功簿五卷又尚書

考功狀績簿十卷尚書科配簿五卷五省遷除二十卷裴行儉選譜十卷唐循

資格一卷天寶中定沈既濟選舉志十卷梁戴言具員故事十卷又具員事迹十卷

杜英師職該二卷任戩官品纂要十卷温大雅大丞相唐王官屬記二卷杜易

簡御史臺雜注五卷韓琬御史臺記十二卷韋述御史臺記十卷又集賢注記

三卷李構御史臺故事三卷劉貺天官舊事一卷柳芳大唐宰相表三卷馬宇

鳳池錄五十卷賀蘭正元輔佐記十卷又舉選衡鑑三卷昭義判官貞元十三年上韋瑄國

相事狀七卷憲宗時人張之緒文昌損益二卷德宗時人李肇翰林志一卷李吉甫元和

國計簿十卷又元和百司舉要一卷王涯唐循資格五卷韋處厚太和國計二

十卷王彥威占額圖一卷孫結大唐國照圖一卷文宗時人大唐國要圖五卷左僕射賈

耽纂監察御史褚璆重修翰林內誌一卷楊鉅翰林學士院舊規一卷字文碩收子也昭宗時翰林學士吏部侍

郎右職官類十九家二十六部二百六十二卷失姓名十家六典以下不著錄二十九家二百八十卷

趙岐三輔決錄十卷擊虞注魏文帝海內四品錄三卷海內先賢傳五卷魏明帝時撰

李氏海內先賢行狀三卷韋氏四海耆舊傳一卷諸國先賢傳一卷圈稱陳留風俗傳三卷蘇林陳留耆舊傳三卷劉昞燉煌寶錄二十卷陳英宗陳留先賢傳像讚一卷江敞陳留人物志十五卷周斐汝南先賢傳五卷陸胤志廣州先賢傳一卷劉芳廣州先賢傳七卷徐整豫章舊志八卷又豫章烈士傳三卷華隔廣陵烈士傳一卷張勝桂陽先賢畫讚五卷朱育會稽記四卷虞預會稽典錄二十四卷謝承會稽先賢傳七卷賀氏會稽先賢傳像讚四卷鍾離岫會稽後賢傳三卷賀氏會稽太守像讚二卷陸凱吳國先賢傳五卷吳國先賢像讚三卷陳壽益部耆舊傳十四卷益州耆舊雜傳記二卷白襄魯國先賢傳十四卷張方楚國先賢傳十二卷高範荊州先賢傳一卷仲長統山陽先賢傳一卷范瑗交州先賢傳四卷習鑿齒襄陽耆舊傳五卷又逸人高士傳八卷王基東萊耆舊傳一卷王羲度徐州先賢傳九卷又一卷劉義慶徐州先賢傳讚八卷劉彧長沙舊邦傳讚四卷郭緣生武昌先賢傳三卷虞溥江表傳三卷崔蔚祖海岱志十卷吳均吳郡錢塘先賢傳五卷陽休之幽州古今人物志三十卷劉

叔先東陽朝堂書讚一卷濟北先賢傳一卷廬江七賢傳一卷零陵先賢傳一
 卷蕭廣濟孝子傳十五卷師覺授孝子傳八卷王韶之孝子傳十五卷又讚三
 卷宗躬孝子傳二十卷又止足傳十卷虞盤佐孝子傳一卷又高士傳二卷徐
 廣孝子傳三卷梁武帝孝子傳三十卷雜孝子傳二卷鄭緝之孝子傳讚十卷
 申秀孝友傳八卷元懌顯忠錄二十卷嵇康聖賢高士傳八卷皇甫謐高士傳
 十卷又逸士傳一卷公晏春秋二卷韋氏家傳三卷周續之上古以來聖賢高
 士傳讚三卷劉晝高才不遇傳四卷周弘讓續高士傳八卷張顯逸人傳三卷
 鍾離儒逸人傳十卷袁宏名士傳三卷袁淑真隱傳二卷阮孝緒高隱傳十卷
 劉向列士傳二卷范晏陰德傳二卷齊竟陵文宣王子良止足傳十卷鍾岢良
 吏傳十卷先儒傳五卷殷系英藩可錄事三卷一云張萬賢譟鄭忱文林館記十卷張
 鷟文士傳五十卷梁元帝孝德傳三十卷又忠臣傳三十卷全德志一卷丹揚
 尹傳十卷同姓名錄一卷懷舊志九卷裴懷貴兄弟傳三卷悼善列傳四卷劉
 昭幼童傳十卷盧思道知己傳一卷孫敏春秋列國名臣傳九卷孔子弟子傳

唐

書

卷五十八

藝文志

十一中華書局聚

五卷東方朔傳八卷李固別傳七卷梁冀傳二卷郭冲諸葛亮隱沒五事一卷

何顛傳一卷曹瞞傳一卷毋丘儉記三卷管辰管輅傳二卷戴逵竹林七賢論

二卷孟仲暉七賢傳七卷桓玄傳二卷雜傳六十九卷又四十卷又九卷任昉

雜傳一百二十卷荆楊二州遷代記四卷元暉等秘錄二百七十卷王孝恭集

記一百卷漢明帝書讚五十卷姚澹四科傳讚四卷七國敘讚十卷益州文翁

學堂圖一卷荀伯子荀氏家傳十卷又薛常侍傳二卷明氏世錄六卷明漢南

庚氏家傳三卷庚守業褚氏家傳一卷褚結讓殷氏家傳三卷殷敬崔氏世傳七卷

崔邵氏家傳十卷王氏家傳二十一卷江氏家傳七卷江暨氏家傳一卷虞氏

家傳五卷虞覽裴氏家記三卷裴松之諸葛傳五卷曹氏家傳一卷曹毗諸王傳一卷

陸史十五卷陸煦王劭尔朱氏家傳二卷何妥家傳二卷裴若弼家傳一卷令狐

德棻令狐家傳一卷張大素燉煌張氏家傳二十卷魏徵自古諸侯王善惡錄

二卷章懷太子列藩正論三十卷鄭世翼交游傳二卷李襲譽忠孝圖傳讚二

十卷許敬宗文館詞林文人傳一百卷崔玄暉友義傳十卷又義士傳十五卷

傳奕高識傳十卷郎餘令孝子後傳三十卷平貞育養德傳卷亡徐堅大隱傳三

卷裴肫續文士傳十卷開元中懷州司馬李襲譽又撰江東記三十卷李義府宦遊記

七十卷王方慶友悌錄十五卷又王氏訓誡五卷王氏列傳十五卷王氏尚書

傳五卷魏文貞故書十卷唐臨冥報記二卷李筌中台志十卷盧誥四公記一

卷一作梁載言王瓘廣軒轅本紀三卷李渤六賢圖讚一卷陸龜蒙小名錄五卷張

昌宗古文紀年新傳三卷昌宗冀州南宮人太子舍人王緒永寧公輔梁記十卷緒開元人僧辨兄孫

也永寧即僧辨所封賈閔甫李密傳三卷閔甫密舊屬顏師古安興貴家傳卷亡陸氏英賢徵記

三卷陸師儒李邕狄仁傑傳三卷郭湜高氏外傳一卷力士湜大曆大理司直李翰張巡姚

闡傳二卷陳翊郭公家傳八卷子儀翊嘗為其寮屬後又從事渾瑊河中幕殷亮顏氏家傳一卷吳

殷仲容顏氏行狀一卷真馬字段公別傳二卷少監史館修撰李繁相國鄴

侯家傳十卷王起李趙公行狀一卷李吉甫張茂樞河東張氏家傳三卷弘靖孫崔

氏唐顯慶登科記五卷失名姚康科第錄十六卷字汝諧南仲孫也兵部郎中金吾將軍李奕唐登

科記二卷文場盛事一卷張鷟朝野僉載二十卷自號浮休子封氏聞見記五卷封演

劉鍊國朝傳記三卷國朝舊事四十卷蘇特唐代衣冠盛事錄一卷李緯尚書

故實一卷尚書即張廷賞柳氏訓序一卷柳武平一景龍文館記十卷蕭叔和天祚永

歸記一卷睿宗事韋機西征記卷亡韓琬南征記十卷凌準邠志二卷陸贄遣使錄

一卷裴肅平戎記五卷休父房千里投荒雜錄一卷字鵠舉太和初進士第高州刺史杜佑賓佐

記一卷文宗朝備問一卷黃璞閩川名士傳一卷字紹山大順中進士第魏徵祥瑞錄十

卷徐景玉璽正錄一卷國寶傳一卷許康佐九鼎記四卷顏師古王會圖卷亡李

德裕異域歸忠傳二卷西蕃會盟記三卷西戎記二卷英雄錄一卷趙琬孝行

志二十卷字盈之晉州岳陽人會昌中武誼自古忠臣傳二十卷字子思楚州盱眙人咸通中州從事

凡女訓十七家二十四部三百八十三卷失姓名一家王方慶以下不著錄五家八十三卷

劉向列女傳十五卷曹大家注皇甫謐列女傳六卷綦母邃列女傳七卷劉熙列女

傳八卷趙母列女傳七卷項宗列女後傳十卷曹植列女傳頌一卷孫夫人列

女傳序讚一卷杜預列女記十卷虞通之后妃記四卷又妬記二卷諸葛亮貞

潔記一卷曹大家女誠一卷辛德源王劭等內訓二十卷徐湛之婦人訓解集

十卷女訓集六卷長孫皇后女則要錄十卷魏徵列女傳略七卷武后列女傳
一百卷又孝女傳二十卷古今內範一百卷內範要略十卷保傅乳母傳七卷
鳳樓新誠二十卷王方慶王氏女記十卷又王氏王嬪傳五卷續妬記五卷尙
宮朱氏女論語十篇薛蒙妻韋氏續曹大家女訓十二章韋溫女蒙字仲明
開成中進士第王
搏妻楊氏女誠一卷

右雜傳記類一百二十五家一百四十六部一千六百五十六卷

失姓名十
四家崔玄

疇以下不著錄五十一
家二千五百七十四卷總一百四十七家一百五十一部

衛宏漢舊儀四卷董巴大漢輿服志一卷徐廣車服雜注一卷又晉尙書儀曹
新定儀注四十一卷晉儀注三十九卷傅瑗晉新定儀注四十卷晉尙書儀曹
吉禮儀注三卷晉尙書儀曹事九卷晉雜儀注二十一卷宋尙書儀注三十六
卷宋儀注二卷張鏡宋東宮儀記二十三卷嚴植之南齊儀注二十八卷又梁
皇帝崩凶儀十一卷梁皇太子喪禮五卷梁王侯以下凶禮九卷士喪禮儀注
十四卷沈約梁儀注十卷又梁祭地祇陰陽儀注二卷鮑泉新儀三十卷明山

賓等梁吉禮十八卷梁吉禮儀注四卷又十卷梁尚書儀曹儀注十八卷又二

十卷梁天子喪禮七卷又五卷梁大行皇帝皇后崩儀注一卷梁太子妃薨凶

儀注九卷梁諸侯世子卒凶儀注九卷梁陳大行皇帝崩儀注八卷賀瑒等梁

賓禮一卷梁賓禮儀注十三卷陸璣梁軍禮四卷司馬襲梁嘉禮三十五卷又

嘉禮儀注四十五卷陳吉禮儀注五十卷陳雜吉儀注三十卷陳雜儀注六卷

陳諸帝后崩儀注五卷陳雜儀注凶儀十三卷陳皇太后崩儀注四卷儀曹陳

皇太子妃薨儀注五卷儀曹張彥陳賓禮儀注六卷常景後魏儀注五十卷趙

彥深北齊吉禮七十二卷北齊皇太后喪禮十卷高頴隋吉禮五十四卷牛弘

潘徽隋江都集禮一百二十卷大駕鹵簿一卷周遷古今輿服雜事十卷蕭子

雲古今輿服雜事二十卷甲辰儀注五卷摯虞決疑要注一卷崔豹古今注一

卷諸王國雜儀注十卷雜儀注一百卷范注雜府州郡儀十卷又祭典三卷何

胤喪服治禮儀注九卷何點理禮儀注九卷冠婚儀四卷崔皓婚儀祭儀二卷

何晏魏明帝謚議二卷魏氏郊丘二卷高堂隆魏臺雜訪議三卷晉謚議八卷

晉簡文謚議四卷孔晃等晉明堂郊社議三卷蔡謨晉七廟議三卷于寶雜議

五卷荀顛等晉雜議十卷王景之要典三十九卷王逸齊典四卷丘仲孚皇典

五卷盧謚雜祭注六卷盧辨祀典五卷徐爰家儀一卷王儉吉儀二卷又弔答

書儀十卷皇室書儀七卷鮑衡卿皇室書儀十三卷謝朓書筆儀二十卷謝允

書儀二卷唐瑾婦人書儀八卷童悟十三卷紀僧真玉璽譜一卷姚察傳國璽

十卷徐令言玉璽正錄一卷張大頤明堂儀一卷姚璠等明堂儀注三卷皇太

子方岳亞獻儀二卷蕭子雲東宮雜事二十卷陸開明宇文愷東宮典記七十

卷令狐德棻皇帝封禪儀六卷孟利貞封禪錄十卷裴守真神岳封禪儀注十

卷郭山暉大享明堂儀注二卷親享太廟儀注三卷裴矩虞世南大唐書儀十

卷寶維鑿吉凶禮要二十卷韋叔夏五禮要記三十卷王愨中禮儀注八卷楊

炯家禮十卷大唐儀禮一百卷長孫无忌房玄齡魏徵李百藥顏師古令狐德棻孔穎達于志寧等撰

軍禮二十篇嘉禮四十二篇凶禮六篇國禮五篇總一百三十篇貞觀十一年上永徽五禮一百三十卷長孫无忌侍

中書令李義府黃門侍郎劉祥道許國師太常卿韋琨博士蕭楚材孔志約等撰削國恤以為豫凶事非臣子所宜論次定著二百九十九篇顯慶三年上

唐

書

卷五十八

藝文志

十三

中華書局聚

武后紫宸禮要十卷開元禮一百五十卷開元中通事舍人王岳請改禮記附唐制度張說引岳就集賢書院詳議

說奏禮記漢代舊文不可更請修貞觀永徽五禮為開元禮命蕭嵩開元禮義賈登張烜施敬本李銳王仲丘陸魯經洪孝昌撰緝蕭嵩總之

鏡一百卷開元禮京兆義羅十卷開元禮類釋二十卷開元禮百問二卷顏真

卿禮樂集十卷禮儀使韋渠牟貞元新集開元後禮二十卷柳逞唐禮纂要六

卷韋公肅禮閣新儀二十卷元和王彥威元和曲臺禮三十卷又續曲臺禮三

十卷李弘澤直禮一卷林甫孫開成太府卿韋述東封記一卷李襲譽明堂序一卷員半

千明堂新禮三卷李嗣真明堂新禮十卷王涇大唐郊祀錄十卷貞元九年上時為太常禮

院修裴瑾崇豐二陵集禮卷上瑾字封叔光庭曾孫元和吉州刺史王方慶三品官祔廟禮二卷又

古今儀集五十卷孟詵家祭禮一卷徐閨家祭儀一卷范傳式寢堂時饗儀一

卷鄭正則祠享儀一卷周元陽祭錄一卷賈頊家薦儀一卷盧弘宣家祭儀卷

孫氏仲享儀一卷孫日用劉孝孫二儀實錄一卷袁郊二儀實錄衣服各義圖一

卷又服飾變古元錄一卷字之儀滋子也昭宗時翰林學士王晉使範一卷戴至德喪服變服

一卷張戢喪儀纂要九卷孟詵喪服正要二卷商价喪禮極議一卷張薦五服

圖亡仲子陵五服圖十卷貞元九年裴莖內外親族五服儀二卷又書儀三卷朱

注莖元和太常少卿葬王播儀一卷鄭氏書儀二卷鄭餘慶裴度書儀二卷杜有晉書儀二

卷

右儀注類六十一家一百部一千四百六十七卷失姓名三十二家寶維鑿以下不著錄四十九家八

百九十
三卷

漢建武律令故事三卷漢名臣奏二十九卷廷尉決事二十卷廷尉駁事十一

卷廷尉雜詔書二十六卷南臺奏事二十二卷應劭漢朝議駁三十卷陳壽漢

名臣奏事三十卷晉駁事四卷晉彈事九卷賈充杜預刑法律本二十一卷又

晉令四十卷宗躬齊永明律八卷蔡法度梁律二十卷又梁令三十卷梁科二

卷條鈔晉宋齊梁律二十卷范泉等陳律九卷又陳令三十卷陳科三十卷趙

郡王叡北齊律二十卷令八卷麟趾格四卷文襄帝時撰趙肅等周律二十五卷蘇

綽大統式三卷張斐律解二十卷劉邵律略論五卷高頴等隋律十二卷牛弘

等隋開皇令三十卷隋大業律十八卷武德律十二卷又式十四卷令三十一

卷尙書左僕射裴寂右僕射蕭瑀大理卿崔善為給事中王敬業中書舍人劉

將府參軍李桐客太常博士徐上機等奉詔撰貞觀律十二卷又令二十七卷

格十八卷留司格一卷式三十三卷中書令房玄齡右僕射長孫无忌蜀王府

條令一千五百四十六條格七百條以尙書永徽律十二卷又式十四卷式本

四卷令三十卷散頒天下格七卷留本司行格十八卷太尉无忌司空李勣左

行成侍中高季輔黃門侍郎宇文節柳奭尙書右丞段寶玄太常少卿令狐德

丞張行實大府丞王文瑞大理丞元紹刑部郎中賈敏行等奉詔撰定分格為

刑太常伯源直心少常伯李敬玄司刑大夫李文禮復刪定唯改官曹律疏三

十卷无忌李勣于志寧刑局尙書唐臨大理卿段寶玄尙書永徽留本司格後

十一卷左僕射劉仁軌右僕射戴至得侍中張文瓘中書令李敬玄右庶子郝

馬載兵部侍郎蕭德昭裴炎工部侍郎李義琛吏部侍郎裴行儉

悌法例二卷垂拱式二十卷又格十卷新格二卷散頒格三卷留司格六卷

尙書裴居道夏官尙書同鳳閣鸞臺三品岑長倩鳳閣侍郎同鳳閣鸞臺平章

事章方質刪定官袁智弘咸陽尉王守慎奉詔撰加計帳勾帳二式垂拱元年

上新格武 刪垂拱式二十卷又散頒格七卷 中書令章安石禮部尚書同中書

兵部郎中秋光嗣等 太極格十卷 戶部尚書同中書門下三品陸象先右散騎常侍徐堅

右司郎中唐紹刑部員外郎邵知新大理寺丞陳義海評事張名播右衛長史

張處斌左衛率府倉曹參軍羅思貞刑部主事閻義顯等 刪定太極元年上

開元前格十卷 兵部尚書兼紫微令姚崇黃門監盧懷慎紫微侍郎兼刑部尚

高智靜韓城縣丞侯鄧瀛州司法參 開元後格十卷又三十卷式二十卷 吏

軍閣義顯等奉詔刪定開元三年上 裴灌慕容珣戶

侍郎兼侍中宋璟中書舍人劉令植大理司直高智靜幽州司功參軍侯鄧璉等 刪

定開元格後長行敕六卷 侍中裴光庭中書令蕭嵩 開元新格十卷格式律令

事類四十卷 中書令李林甫侍中牛仙客御史中丞王敬從右武衛曹參軍

定開元二 度支長行旨五卷王行先律令手鑑二卷元泳式苑四卷裴光庭唐

開元格令科要一卷元和格敕三十卷 權德輿劉元和刪定制敕三十卷 許孟

賈之蔣又 太和格後敕四十卷格後敕五十卷 初前大理丞謝登纂凡六十卷

柳登等集 上狄兼蕃開成詳定格十卷大中刑法總要格後敕六十卷 刑部侍郎張戣大

中刑律統類十二卷盧紆刑法要錄十卷 裴向張區判格三卷李崇法鑑八卷

珍版宋版印

右刑法類二十八家六十一部一千四卷

失姓名九家自開元新格以下不著錄十三家三百二十三卷

劉向七略別錄二十卷劉歆七略七卷荀勗晉中經簿十四卷又新撰文章家

集敘五卷丘深之晉義熙以來新集目錄三卷王儉宋元徽元年四部書目錄

四卷令書七志七十卷

賀縱補注

阮孝緒七錄十二卷丘賓卿梁天監四年書目四

卷劉遵梁東宮四部書目四卷陳天嘉四部書目四卷牛弘隋開皇四年書目

四卷王劭隋開皇二十年書目四卷殷淳四部書目序錄三十九卷楊松珍史

目三卷摯虞文章志四卷宋明帝晉江左文章志二卷沈約宋世文章志二卷

傅亮續文章志二卷名手畫錄一卷虞龢法書目錄六卷羣書四錄二百卷

殷踐

獻王愜韋述余欽毋斐劉彥直王灣王仲丘撰元行冲上之

毋斐古今書錄四十卷韋述集賢書目一卷李

肇經史釋題二卷宗諫注十三代史目十卷常寶鼎文選著作人名目三卷尹

植文樞秘要目七卷

鈔文思博要藝文類聚為秘要

唐書敘例目錄一卷孫玉汝唐列聖賢錄

目二十五卷吳氏西齋書目一卷

吳兢

河南東齋史目三卷蔣或新集書目一卷

杜信東齋籍二十卷

字立言元和國子司業

右目錄類十九家二十二部四百六卷失姓名二家毋與以下不著錄十二家一百十四卷

宋衷世本四卷世本別錄一卷宋均注帝譜世本七卷王氏注世本譜二卷漢

氏帝王譜二卷齊永元中表簿六卷梁大同四年表簿三卷齊梁宗簿三卷梁

親表譜五卷後魏皇帝宗族譜四卷元暉業後魏辨宗錄二卷後魏譜二卷後

魏方司格一卷齊高氏譜六卷周宇文氏譜一卷賈冠國親皇太子親傳四卷

王儉百家集譜十卷王僧孺百家譜三十卷又十八州譜七百一十二卷徐勉

百官譜二十卷賈執百家譜五卷又姓氏英賢譜一百卷何承天姓苑十卷賈

希鏡氏族要狀十五卷官族傳十五卷冀州姓族譜七卷洪州諸姓譜九卷袁

州諸姓譜七卷司馬氏世家二卷楊氏譜一卷蘇氏譜一卷孫氏譜記十五卷

韋氏譜十卷韋鼎裴氏家牒二十卷裴守貞大唐氏族志一百卷高士廉韋挺岑文

姓氏譜二百卷許敬宗李義府孔志約柳沖大唐姓族系錄二百卷路敬淳衣

冠譜六十卷又著姓略記二十卷王元感姓氏實論十卷崔日用姓苑略一卷

岑義氏族錄卷亡王方慶王氏家牒十五卷又家譜二十卷王氏著錄十卷韋述

開元譜二十卷國朝宰相甲族一卷百家類例三卷唐新定諸家譜錄一卷李林

甫林寶元和姓纂十卷竇從一系纂七卷陳湘姓林五卷孔至姓氏雜錄一卷

李利涉唐官姓氏記五卷初十卷利涉貶南方亡其半又編古命氏三卷柳璨姓氏韻略六

卷蕭穎士梁蕭史譜二十卷柳芳永泰新譜二十卷一作皇室新譜柳璟續譜十卷皇

唐玉牒一百一十卷開成二年李衢林寶撰唐皇室維城錄一卷李匡文天潢源派譜一

卷又唐偕日譜一卷玉牒行樓一卷皇孫郡王譜一卷元和縣主譜一卷家譜

一卷李衢大唐皇室新譜一卷黃恭之孔子系葉傳二卷謝氏家譜一卷東萊

呂氏家譜一卷薛氏家譜一卷顏氏家譜一卷虞氏家譜一卷孫氏家譜一卷

吳郡陸氏宗系譜一卷陸景獻劉氏譜考三卷劉氏家史十五卷並劉子紀王慎家

譜一卷蔣王暉家譜一卷李用休家譜二卷紀王慎後徐氏譜一卷徐商徐義倫家

譜一卷劉晏家譜一卷劉輿家譜一卷周長球家譜一卷施氏家譜二卷萬氏

家譜一卷滎陽鄭氏家譜一卷竇氏家譜一卷懿宗時國子博士竇澄之鮮于氏家譜一卷

趙郡東祖李氏家譜二卷李氏房從譜一卷韋氏諸房略一卷韋綱諱行錄一卷

右譜牒類十七家三十九部一千六百一十七卷

王元感以下不著錄二
十二家三百三十三卷

三輔黃圖一卷三輔舊事三卷漢宮閣簿三卷洛陽宮殿簿三卷葛洪西京雜
記二卷薛冥西京記三卷潘岳關中記一卷陸機洛陽記一卷戴延之洛陽記
一卷後魏洛陽記五卷楊佺期洛城圖一卷鄧基陸澄地理志一百五十卷任
昉地記二百五十二卷虞茂區宇圖一百二十八卷郎蔚之隋圖經集記一百
卷周地圖一百三十卷雜記十二卷雜地志五卷地理志書鈔十卷地域方丈
圖一卷地城方尺圖一卷職方記十六卷晉太康土地記十卷太康州郡縣名
五卷後魏諸州記二十卷周處風土記十卷圈稱陳留風俗傳三卷揚雄蜀王
本記一卷譙周三巴記一卷李克益州記三卷郭仲產荊州記二卷鮑堅南雍
州記三卷阮敘之南兗州記一卷山謙之南徐州記二卷劉損之京口記二卷
孫處玄潤州圖注二十卷雷次宗豫章記一卷鄭緝之東陽記一卷張僧監潯
陽記二卷李叔布齊州記四卷張勃吳地記一卷晏模齊地記二卷陸翹鄴中
記二卷劉芳徐地錄一卷梁元帝職貢圖一卷又荆南地志二卷王範交廣二

州記一卷樊文深中岳潁州志五卷秣陵記二卷湘州記四卷湘州圖副記一

卷京邦記二卷分吳會丹陽三郡記二卷西河舊事一卷闕駟十三州志十四

卷顧野王輿地志三十卷又十國都城記十卷周明帝國都城記九卷郭璞注

山海經二十三卷又山海經圖讚二卷山海經音二卷桑欽水經三卷一作郭璞

酈道元注水經四十卷僧道安四海百川水源記一卷又一卷江圖二卷庾仲

雍江記五卷又漢水記五卷尋江源記五卷劉澄之永初山川古今記二十卷

李氏宜都山川記一卷沈瑩臨海水土異物志一卷楊孚交州異物志一卷陳

祈暢異物志一卷萬震南州異物志一卷朱應扶南異物志一卷京兆郡方物

志二十卷諸郡土俗物產記十九卷涼州異物志二卷廟記一卷薛泰輿駕東

幸記一卷諸葛穎巡總揚州記七卷戴祚西征記二卷郭緣生述征記二卷姚

最述行記二卷沈懷文隨王入沔記十卷魏聘使行記五卷李彤聖賢塚墓記

一卷宋雲魏國以西十一國事一卷沈懷遠南越志五卷程士章西域道里記

二卷常駿等赤土國記二卷王玄策中天竺國行記十卷僧智猛游行外國傳

一卷僧法威歷國傳二卷日南傳一卷林邑國記一卷真臘國事一卷交州以

來外國傳一卷奉使高麗記一卷西南蠻入朝首領記一卷裴矩高麗風俗一

卷鄧行儼東都記三十卷貞觀著括地志五百五十卷又序略五卷魏王泰命

德言秘書郎顧胤記室參軍蔣長安四年十道圖十三卷開元三年十道圖十

卷劍南地圖二卷李播方志圖卷西域圖志六十卷高宗遣使分往康國吐火

詔史官譔次許敬宗李吉甫元和郡縣圖誌五十四卷又十道圖十卷古今地

名三卷刪水經十卷梁載言十道志十六卷王方慶九巖山志十卷賈耽地圖

十卷又皇華四達記十卷古今郡國縣道四夷述四十卷關中隴右山南九州

別錄六卷貞元十道錄四卷吐蕃黃河錄四卷韋澳諸道山河地名要略九卷

一作處劉之推文括九州要略三卷郡國志十卷馬敬寔諸道行程血脉圖一

卷鄧世隆東都記三十卷韋機東都記二十卷韋述兩京新記五卷兩京道里

記三卷李仁實戎州記一卷盧儻嵩山記一卷天寶馬温鄴都故事二卷肅代

劉公銳鄴城新記三卷張周封華陽風俗錄一卷德裕從事試協律郎盧求

成都記五卷西川節度使白敏中從事鄭暉益州理亂記三卷李璋太原事迹記十四卷張

文規吳興雜錄七卷房千里南方異物志一卷孟瑄嶺南異物志一卷劉恂嶺

表錄異三卷余知古渚宮故事十卷文宗時人吳從政襄沔記三卷張比燕吳行役

記二卷宣宗時人失名韋宙零陵錄一卷張密廬山雜記一卷張容九江新舊錄三卷

咸通人莫休符桂林風土記三卷段公路北戶雜錄三卷文昌孫林譔閩中記十卷

裴矩又撰西域圖記三卷顧愔新羅國記一卷大曆中歸崇敬使張建章渤海

國記三卷戴斗諸蕃記一卷達奚通海南諸蕃行記一卷袁滋雲南記五卷李

繁北荒君長錄三卷高少逸四夷朝貢錄十卷呂述黠戛斯朝貢圖傳一卷字修

業會昌秘書少監商州刺史樊綽蠻書十卷咸通中嶺南西道節度使蔡襲從事竇滂雲南別錄一卷雲南行

記一卷徐雲虔南詔錄三卷乾符中人

右地理類六十三家一百六部一千二百九十二卷失姓名三十一家李播以下不著錄五十三家

九百八十九卷

唐書卷五十八

唐書卷五十八考證

藝文志二乙部李喜漢書辨惑三十卷○舊書作李善臣西按李善本傳著漢

書辨惑三十卷當從舊書又此志後復載李善漢書辨惑一十卷乃重出卷

數亦誤

右編年類注三百五十五卷○沈炳震曰按上止三百四十五卷作五十五誤
任昉雜傳一百二十卷○沈炳震曰按隋書經籍志作三十六卷注云本百四
十七卷亡此云一百二十卷既非原本又非缺本未詳何據

唐書卷五十八考證

卷之三
 卷之四
 卷之五
 卷之六
 卷之七
 卷之八
 卷之九
 卷之十
 卷之十一
 卷之十二
 卷之十三
 卷之十四
 卷之十五
 卷之十六
 卷之十七
 卷之十八
 卷之十九
 卷之二十
 卷之二十一
 卷之二十二
 卷之二十三
 卷之二十四
 卷之二十五
 卷之二十六
 卷之二十七
 卷之二十八
 卷之二十九
 卷之三十

唐書卷五十九

宋 翰 林 學 士 歐 陽 修 撰

藝文志第四十九

丙部子錄其類十七一曰儒家類二曰道家類三曰法家類四曰名家類五曰墨家類六曰縱橫家類七曰雜家類八曰農家類九曰小說類十曰天文類十一曰曆算類十二曰兵書類十三曰五行類十四曰雜藝術類十五曰類書類十六曰明堂經脈類十七曰醫術類凡著錄六百九家九百六十七部一萬七千一百五十二卷不著錄五百七家五千六百一十五卷

晏子春秋七卷晏嬰曾子二卷曾參子思子七卷孔伋公孫尼子一卷趙岐注孟子十

四卷孟軻劉熙注孟子七卷鄭玄注孟子七卷綦毋邃注孟子七卷荀卿子十二

卷荀况董子一卷董無心魯連子一卷魯仲連陸賈新語二卷賈誼新書十卷桓寬鹽

鐵論十卷劉向新序三十卷又說苑三十卷揚子法言六卷揚雄宋衷注法言十

卷李軌注法言三卷陸績注揚子太玄經十二卷虞翻注太玄經十四卷范望

注太玄經十二卷宋仲孚注太玄經十二卷蔡文邵注太玄經十卷桓子新論

十七卷桓譚王符潛夫論十卷仲長子昌言十卷仲長統荀悅申鑒五卷魏子三卷

魏朗魏文帝典論五卷徐氏中論六卷徐幹王粲去代論集三卷王肅政論十卷杜

氏體論四卷杜恕顧子新論五卷顧譚文禮通語十卷殷興續諸葛亮集誠二卷陸景

典訓十卷譙子法訓八卷又五教五卷周謙王嬰古今通論三卷周生烈子五卷

袁子正論二十卷又正書二十五卷袁準孫氏成敗志三卷孫敏夏侯湛新論十卷

楊泉物理論十六卷又太玄經十四卷劉編注華譚新論十卷虞喜志林新書二

十卷又後林新書十卷顧子義訓十卷顧夷蔡洪清化經十卷干寶正言十卷又

立言十卷蔡韶閔論二卷呂竦要覽五卷周捨正覽六卷劉徽魯史敬器圖一

卷綦毋氏誠林三卷顏氏家訓七卷顏之推李穆叔典言四卷王滂百里昌言二

卷崔子至言六卷崔靈童盧辯墳典三十卷王劭讀書記三十二卷王通中說五

卷辛德源正訓二十卷太宗序志一卷又帝範四卷賈行注高宗天訓四卷武后

紫樞要錄十卷又臣軌二卷百寮新誠五卷青宮紀要三十卷少陽正範三十

卷列藩正論三十卷章懷太子春秋要錄十卷又修身要覽十卷君臣相起發事三卷魏徵諫事五卷又自古諸侯王善惡錄二卷張太玄平臺百一寓言三

卷楊相如君臣政理論三卷陸善經注孟子七卷張鎰孟子音義三卷楊倞注

荀子二十卷汝士子大理評事王涯注太玄經六卷員俶太玄幽贊十卷開元四年京兆府童子進

書召試及第授散館柳宗元注揚子法言十三卷李襲譽五經妙言四十卷鄭澣

經史要錄二十卷劉貺續說苑十卷杜正倫百行章一卷憲宗前代君臣事跡

十四篇武后訓記雜載十卷采青宮紀要維城典訓古今內維城典訓二十卷

褚无量翼善記卷亡裴光庭搖山往則一卷又維城前軌一卷丁公著皇太子諸

王訓十卷六經法言二十卷韋處厚崔郾諸經纂要十卷子志寧諫苑二十卷

王方慶諫林二十卷楊浚聖典三卷校書郎開元中上張九齡千秋金鏡錄五卷唐次

辨謗略三卷元和辨謗略十卷令狐楚沈傳師杜元穎裴潏太和

實格論三卷趙冬曦王政三卷景龍二年馮中庸政錄十卷開元十九年賈子一

卷開元中藍田尉失名儲光羲正論十五卷兗州人開元進士第又詔中書試文牛希濟

理源二卷陸質君臣圖翼二十五卷李吉甫古今說苑十一卷李德裕御臣要

略卷亡丘光庭康教論一卷元子十卷又浪說七篇漫說七篇元結杜信元和子二

卷林慎思伸蒙子三卷咸通中人冀子五卷冀重字子泉定州容城人廣明修武令崔慤儒玄論三卷

字敬之後魏白馬侯浩七世孫中和光祿丞

右儒家類六十九家九十二部七百九十一卷陸善經以下不著錄三十九家三百七十一卷

鬻子一卷鬻熊老子道德經二卷李耳又三卷河上公注老子道德經二卷王弼注

新記玄言道德二卷又老子指例略二卷蜀才注老子二卷鍾會注二卷羊祜

注二卷又解釋四卷孫登注老子二卷王尚注二卷袁真注二卷張憑注二卷

劉仲融注二卷陶弘景注四卷樹鍾山注二卷李允愿注二卷陳嗣古注二卷

僧惠琳注二卷惠嚴注二卷鳩摩羅什注二卷義盈注二卷程韶集注二卷任

真子集解四卷張道相集注四卷盧景裕梁曠等注二卷安丘望之老子章句

二卷又道德經指趣三卷王肅玄言新記道德二卷梁曠道德經品四卷嚴遵

指歸十四卷何晏講疏四卷又道德問二卷梁武帝講疏四卷又講疏六卷顧

歡道德經義疏四卷又義疏治綱一卷孟智周義疏五卷戴詵義疏六卷葛洪

老子道德經序訣二卷韓莊玄旨八卷劉遺民玄譜一卷節解二卷章門一卷

李軌老子音一卷鷓冠子三卷張湛注列子八卷列禦寇郭象注莊子十卷莊周

秀注二十卷崔譔注十卷司馬彪注二十一卷又注音一卷李頤集解二十卷

王玄古集解二十卷李充釋莊子論二卷馮廓老子指歸十三卷又莊子古今

正義十卷梁簡文帝講疏三十卷王穆疏十卷又音一卷莊子疏七卷文子十

二卷廣成子十二卷商洛公譔張太衡注唐子十卷唐滂蘇子七卷蘇彥宣子二卷宣陸子十

卷陸雲抱朴子內篇十卷葛洪孫子十二卷孫綽符子三十卷符朗賀子十卷賀道養牟子

二卷牟融傅奕注老子二卷楊上善注老子道德經二卷又注莊子十卷老子指

略論二卷太子文學辟閭仁譔注老子二卷聖曆司禮博士賈大隱老子述義十卷陸德明

莊子文句義二十卷玄宗注道德經一卷又疏八卷天寶中加號玄通盧藏用

注老子二卷又注莊子內外篇十二卷邢南和注老子開元二十一年上馮朝隱注老

子白履忠注老子李播注老子尹知章注老子傅奕老子音義並卷陸德明老

子疏十五卷逢行珪注鬻子一卷鄭尉陳庭玉老子疏開元二十年上陸希聲

道德經傳四卷吳善經注道德經二卷貞元中人楊上善道德經三略論三卷道士

成玄英注老子道德經二卷又開題序訣義疏七卷注莊子三十卷疏十二卷

玄英字子實陝州人隱居東海貞觀五年召至京師永徽中流郁州書成道王元慶遣文學賈鼎就授大義嵩高山人李利涉為序唯老子注莊子疏著錄

張游朝南華象罔說十卷又冲虛白馬非馬證八卷張志和父孫思邈注老子卷又

注莊子柳縱注莊子開元二十年上授尹知章注莊子並卷甘暉魏包注莊子

卷亡開元末奉詔注元載南華通微十卷張志和太易十五卷又玄真子十二卷韋諳作內解

陳庭玉莊子疏卷亡道士李含光老子莊子周易學記三卷又義略三卷含光揚州江都

人本姓弘避孝敬皇帝諱改為天寶間人張隱居莊子指要三十三篇名九垓號渾淪子代德時人帥夜光三玄

異義三十卷幽州人開元二十年上徐靈府注文子十二卷李暹訓注文子十

二卷王士元亢倉子二卷天寶元年詔號莊子為南華真經列子為冲虛真經

之不獲襄陽處士王士元謂莊子作庚桑子太史公無能子三卷不著人名氏

間

凡神仙三十五家五十部三百四十一卷

失姓名十三家自道藏音義以下不著錄六十二家二百六十五卷

尹喜高士老君內傳三卷玄景先生老子道德簡要義五卷梁簡文帝老子私

記十卷戴詵老子西升經義一卷韋處玄集解老子西升經二卷老子黃庭經

一卷老子探真經一卷老君科律一卷老子宣時誠一卷老子入室經一卷老

子華蓋觀天訣一卷老子消水經一卷老子神策百二十條經一卷鬼谷先生

關令尹喜傳一卷

四皓注

清虛真人王君內傳一卷王萇三天法師張君內傳一

卷李遵茅君內傳一卷呂先生太極左仙公葛君內傳一卷華嶠紫陽真人周

君傳一卷趙昇等仙人馬君陰君內傳一卷鄭雲千清虛真人裴君內傳一卷

范邈紫虛元君南岳夫人內傳一卷項宗紫虛元君魏夫人內傳一卷王羲之

許先生傳一卷九華真妃內記一卷宋都能高高少室寇天師傳三卷王喬傳

一卷漢武帝傳二卷劉向列仙傳二卷葛洪神仙傳十卷見素子洞仙傳十卷

東方朔神異經二卷

張華注

又十洲記一卷周季通蘇君記一卷梁曠南華仙人

莊子論三十卷南華真人道德論三卷任子道論十卷任嘏顧道士論三卷

顧

炬威渾輿經一卷杜夷幽求子三十卷張譏玄書通義十卷陶弘景登真隱訣

一十五卷又真誥十卷張湛養生要集十卷養性傳二卷張太衡無名子一卷

劉道人老子玄譜一卷劉無待同光子八卷侯儼注靈人辛玄子自序一卷華陽

子自序一卷茅處玄無上祕要七十二卷道要三十卷馬樞學道傳十二卷郭憲

漢武帝別國洞冥記四卷道藏音義目錄一百一十三卷崔湜薛稷沈佺期道士史崇玄等撰集

注陰符經一卷太公范蠡鬼谷子張良諸葛亮李淳風李筌李治李鑒李銳楊晟李靖陰符機一卷道士李少

卿十異九迷論一卷道士劉進喜老子通諸論一卷又顯正論一卷張果陰符

經太無傳一卷又陰符經辨命論一卷氣訣一卷神仙得道靈藥經一卷罔象

成名圖一卷丹砂訣一卷開元二十二年上韋弘陰符經正卷一卷李筌驪山母傳陰

符玄義一卷筌號少室山達觀子於嵩山虎口巖石壁得黃帝陰符本題云魏道士寇謙之傳諸名山筌至驪山老母傳其說葉靜能

太上北帝靈文三卷李淳風注泰乾祕要三卷楊上器注太上玄元皇帝聖紀

十卷崔少元老子心鏡一卷皇天原太上老君現跡記一卷文明元年呂氏老

子昌言二卷王方慶神仙後傳十卷玄晉蘇元明太清石壁記三卷乾元中劍州司馬纂

失議化胡經狀一卷萬歲通天元年僧惠澄上言乞毀老子寧州寧真觀二十

七宿真形圖讚一卷記天寶中寧州羅川縣金華洞獲玉像道士令狐見堯正

一真人二十四治圖一卷貞元孫思邈馬陰二君內傳一卷又太清真人煉雲

母訣二卷攝生真錄一卷養生要錄一卷氣訣一卷燒煉祕訣一卷龍虎通元

訣一卷龍虎亂日篇一卷幽傳福壽論一卷枕中素書一卷會三教論一卷龍

虎篇一卷青羅子周希彭少室山人孺登同注朱少陽道引錄三卷浮山隱士張志和玄真子二

卷戴簡真教元符三卷楊嗣復九徵心戒一卷裴煜延壽赤書一卷紇干臬序

通解錄一卷字咸一大中中江西觀察使守真子秦鑑語一卷道士張仙庭三洞瓊綱三卷

段世貴演正一炁化圖三卷女子胡惜黃庭內景圖一卷道士司馬承禎坐忘

論一卷又修生養氣訣一卷洞元靈寶五岳名山朝儀經一卷賈參寥莊子通

真論三卷垂拱中隱武陵白履忠注黃庭內景經卷又三玄精辨論一卷吳筠神仙可

學論一卷又玄綱論三卷明真辨偽論二卷輔正除邪論一卷辨方正惑論一

卷道釋優劣論一卷心目論一卷復淳化論一卷著生論一卷形神可固論一

卷李廷章集鄭綽錄中元論一卷

太和人

施肩吾辨疑論一卷

睦州人元和進士第隱洪州西山

道士令狐見堯玉笥山記一卷道士李冲昭南岳小錄一卷沈汾續神仙傳三

卷道士胡慧超神仙內傳一卷晉洪州西山十二真君內傳一卷李渤真系傳

一卷李遵茅三君內傳一卷道士胡法超許遜修行傳一卷張說洪崖先生傳

一卷張氲先生唐初人

冲虚子胡慧超傳一卷

失名慧超高宗時道士

潘尊師傳一卷

正師蔡尊師

傳一卷

名南玉字叔寶宋同部尚書郭七世孫歷金部員外郎棄官入道大曆中卒

劉谷神葉法善傳二卷正元師

謫仙崔少元傳二卷陰日用傳仙宗行記一卷仙宗開元資陽道士謝良嗣吳天師內傳

一卷

温造瞿童述一卷

大曆中辰溪童子瞿柏庭昇仙造為朗州刺史追述其事

李堅東極真人傳一卷

果州謝自然

江積八仙傳一卷

大中後事

王仲丘攝生纂錄一卷高福攝生錄三卷郭霽

攝生經一卷上宮翼養生經一卷康仲熊服內元氣訣一卷氣經新舊服法三

卷康真人氣訣一卷太无先生炁訣一卷

失名大曆中遇羅浮王公傳氣術

菩提達磨胎息訣

一卷李林甫唐朝煉大丹感應頌一卷崔元真靈沙受氣用藥訣一卷又雲母

論二卷

天寶隱岷山

劉知古日月元樞一卷海蟾子元英還金篇一卷還陽子大還

丹金虎白龍論一卷隱士失姓名陳少微太洞鍊真寶經修伏丹砂妙訣一卷嚴靜

大丹至論一卷

凡釋氏二十五家四十部三百九十五卷

失姓名一家玄琬以下不著錄七十四家九百四十一卷

蕭子良淨注子二十卷

王融頌

僧僧祐法苑集十五卷又弘明集十四卷釋迦譜

十卷薩婆多師資傳四卷虞孝敬高僧傳六卷又內典博要三十卷僧賢明真

言要集十卷郭瑜修多羅法門二十卷駱子義經論纂要十卷顧歡夷夏論二

卷甄鸞笑道論三卷衛元嵩齊三教論七卷杜乂甄正論三卷李思慎心鏡論

十卷裴子野名僧錄十五卷僧寶昌名僧傳三十卷又比丘尼傳四卷僧惠皎

高僧傳十四卷僧道宗續高僧傳三十二卷陶弘景草堂法師傳一卷蕭回理

草堂法師傳一卷稠禪師傳一卷陽銜之洛陽伽藍記五卷費長房歷代三寶

記三卷

長房成都人隋翻經學士

僧彥琮崇正論六卷又集沙門不拜俗議六卷福田論二

卷道宣統略淨注子二卷又通惑決疑錄二卷廣弘明集三十卷集古今佛道

論衡四卷續高僧傳二十卷

起梁初盡貞觀十九年

後集續高僧傳十卷東夏三寶感通

錄三卷大唐貞觀內典錄十卷義淨大唐西域求法高僧傳二卷法琳辯正論

八卷陳子良注又破邪論二卷琳姓陳氏太史令傅奕請廢佛法琳諍之放死蜀中復禮十門辨惑論二卷永隆

二年答太子文學權無二釋典稽疑楊上善六趣論六卷又三教銓衡十卷僧玄琬佛教後代國

王賞罰三寶法一卷又安養蒼生論一卷三德論一卷姓楊氏新豐人貞觀十年上入道方

便門二卷衆經目錄五卷鏡論一卷無礙緣起一卷十種讀經儀一卷無盡

藏儀一卷發戒緣起二卷法界僧圖一卷十不論一卷懺悔罪法一卷禮佛儀

式二卷李師政內德論一卷上黨人貞觀門下典儀僧法雲辨量三教論三卷又十王正

業論十卷絳州人道宣又撰注戒本二卷疏記四卷注羯磨二卷疏記四卷行事

刪補律儀三卷或六卷釋門正行懺悔儀三卷釋門亡物輕重儀二卷釋門章服

儀二卷釋門歸敬儀二卷釋門護法儀二卷釋氏譜略二卷聖迹見在圖贊二

卷佛化東漸圖贊二卷釋迦方志二卷僧彥琮大唐京寺錄傳十卷又沙門不

敬錄六卷龍朔人并隋有二彥琮玄應大唐衆經音義二十五卷玄暉敬福論十卷又略

論二卷大小乘觀門十卷法苑珠林集一百卷四分律僧尼討要略五卷金剛

般若經集注三卷曰願文一卷玄暉本名道世玄範注金剛般若經一卷又注二帝三

藏聖教序一卷太宗高宗慧覺華嚴十地維摩續義章十三卷姓范氏武德人行友已知沙

門傳一卷僧海道岳三藏本疏二十二卷姓孟氏河陽人貞觀中道基雜心玄章并鈔

八卷又大乘章鈔八卷姓呂氏東平人貞觀時智正華嚴疏十卷姓白氏安喜人貞觀中慧淨雜心

玄文三十卷姓房隋國子博士徽遠從子又俱舍論文疏三十卷大莊嚴論文疏三十卷法

華經續述十卷那提大乘集議論四十卷釋疑論一卷注金剛般若經一卷諸

經講序一卷玄會義源文本四卷又時文釋鈔四卷涅槃義章句四卷字懷默姓席氏

安定人慧休雜心玄章鈔疏卷亡姓樂氏靈潤涅槃義疏十三卷又玄章三卷遍

攝大乘論義鈔十三卷玄章三卷姓梁氏虞鄉人辯相攝論疏五卷辯相居淨影寺玄奘大唐

西域記十二卷姓陳氏緱氏人辯機西域記十二卷清徹金陵塔寺記三十六卷師哲

前代國王修行記五卷盡中宗時大唐內典錄十卷西明寺僧撰毋斐開元內外經錄十

卷道釋書二千五百餘部九千五百餘卷智矩寶林傳十卷法常攝論義疏八卷又玄章五卷張

氏南陽人慧能金剛般若經口訣正義一卷姓盧氏曲江人僧灌頂私記天台智者詞

貞觀末

唐

書

卷五十九

藝文志

七

中華書局聚

旨一卷又義記一卷字法雲姓吳道綽淨土論二卷姓衛氏并州文水人道綽行圖一卷

智首五部區分鈔二十一卷姓皇甫氏法礪四分疏十卷又羯磨疏三卷捨懺儀一

卷輕重儀一卷姓李氏趙郡人慧滿四分律疏二十卷姓梁氏京兆長安人慧旻十誦私記十三

卷又僧尼行事三卷尼眾羯磨二卷菩薩戒義疏四卷字玄素河東人空藏大乘要句

三卷姓王氏新豐人道宗續高僧傳三十二卷玄宗注金剛般若經一卷道氤御注金

剛般若經疏宣演三卷高僧嬾殘傳一卷天寶人元偉真門聖胄集五卷僧法海

六祖法寶記一卷辛崇僧伽行狀一卷神楷維摩經疏六卷靈湍攝山棲霞寺

記一卷破胡集一卷會昌沙汰佛法詔敕法藏起信論疏二卷法琳別傳二卷大唐京師

寺錄卷亡玄覺永嘉集十卷慶州刺史魏靖編次懷海禪門規式一卷希運傳心法要一卷

裴休集玄疑甄正論三卷光瑤注僧肇論三卷李繁玄聖蘧廬一卷白居易入漸

通真議一卷七科義狀一卷雲南國使段立之問僧悟達答棲賢法雋一卷僧惠明與西川節度判官鄭愚漢州

刺史趙璘論佛書禪關八問一卷楊士達問唐宗美對僧一行釋氏系錄一卷宗密禪源諸詮集

一百一卷又起信論二卷起信論鈔三卷原人論一卷圓覺經大小疏鈔各一

卷楚南般若經品頌偈一卷又破邪論一卷大順中人希還參同契一卷良伯大乘

經要一卷又激勵道俗頌偈一卷光仁四大頌一卷又略華嚴長者論一卷無

殷垂誠十卷神清參元語錄十卷智月僧美三卷惠可達摩血脈一卷靖邁古

今譯經圖紀四卷智昇續古今譯經圖紀一卷又續大唐內典錄一卷續古今

佛道論衡一卷對寒山子詩七卷天台隱士台州刺史閻丘胤序僧道翹集寒山子隱唐興縣寒山巖於國清寺與隱者拾

得往龐蘊詩偈三卷字道玄衡州衡陽人貞元初人三百餘篇智閑偈頌一卷二百餘篇李吉甫一行傳

一卷王彥威內典目錄十二卷

右道家類一百三十七家七十四部一千二百四十卷失姓名三家玄宗以下不著錄一百五十

八家一千三百三十八卷總一百三十七家一百七十四部

管子十九卷管仲商君書五卷商鞅或作商子慎子十卷慎到撰滕輔注申子三卷申不害韓子二

十卷韓非晁氏新書七卷晁錯董仲舒春秋決獄十卷黃氏正崔氏政論六卷崔寔劉氏

政論五卷劉廙阮子政論五卷阮武劉氏法論十卷劉邵桓氏世要論十二卷桓範陳子

要言十四卷陳融李文博治道集十卷邯鄲綽五經析疑三十卷尹知章注管子

三十卷又注韓子亡杜佑管氏指略二卷李敬玄正論三卷

右法家類十五家十五部一百六十六卷尹知章以下不著錄三家三十五卷

鄧析子一卷尹文子一卷公孫龍子三卷陳嗣古注公孫龍子一卷劉邵人物

志三卷劉炳注人物志三卷姚信士緯十卷魏文帝士操一卷盧毓九州人士

論一卷范謚辨名苑十卷僧遠年兼名苑二十卷賈大隱注公孫龍子一卷趙

武孟河西人物志十卷杜周士廣人物志三卷宋璫吳興人物志十卷字勝之吳興烏

程人大中時

右名家類十二家十二部五十五卷趙武孟以下不著錄三家二十三卷

墨子十五卷翟隨巢子一卷胡非子一卷

右墨家類三家三部一十七卷

鬼谷子二卷蘇秦樂臺注鬼谷子三卷梁元帝補闕子十卷尹知章注鬼谷子三

卷

右縱橫家類四家四部一十五卷尹知章不著錄

尉繚子六卷尸子二十卷尸呂氏春秋二十六卷呂不韋撰許慎注淮南子二

十一卷淮南王高誘注淮南子二十一卷又淮南鴻烈音二卷嚴尤三將軍論

一卷王充論衡三十卷應邵風俗通義三十卷蔣子萬機論十卷蔣濟杜恕篤論

四卷鍾會芻蕘論五卷傅子一百二十卷傅張儼默記三卷又誓論三十卷裴

玄新言五卷蘇道立言十卷劉欽新義十八卷秦子三卷秦張明誓論二十卷

古訓十卷孔衍說林五卷抱朴子外篇二十卷葛洪楊偉時務論十二卷范泰古

今善言三十卷徐益壽記聞三卷何子五卷何楷劉子十卷劉梁元帝金樓子十

卷朱澹遠語麗十卷又語對十卷張公雜記一卷張華陸士衡要覽三卷郭義恭

廣志二卷崔豹古今注三卷伏侯古今注三卷江邃釋文十卷盧辯稱謂五卷

謝吳物始十卷任昉文章始一卷張績姚察續文章始一卷庾肩吾採璧三卷

韋道孫新略十卷徐陵名數十卷沈約袖中記二卷范謚典墳數集十卷侯夏

祥瑞圖八卷孟衆張掖郡玄石圖一卷高堂隆張掖郡玄石圖一卷孫柔之瑞

應圖記三卷熊理瑞應圖讚三卷顧野王符瑞圖十卷又祥瑞圖十卷王劭皇

隋靈感志十卷許善心皇隋瑞文十四卷何望之諫林十卷虞通之善諫二卷

孟儀子林二十卷沈約子鈔三十卷庾仲容子鈔三十卷殷仲堪論集九十六

卷崔宏帝王集要三十卷陸澄述正論十三卷又闕文十卷徐陵文府七卷宗道

寧注劉守敬四部言心十卷新舊傳四卷古今辨作錄三卷博覽十五卷部略十

五卷翰墨林十卷魏徵羣書治要五十卷麟閣詞英六十卷高宗時朱敬則十

代興亡論十卷薛克構子林三十卷虞世南帝王略論五卷劉伯莊羣書治要

音五卷張大素說林二十卷王方慶續世說新書十卷韓潭統載三十卷夏綏

度使貞元熊執易化統五百卷執易類九經為書三十年乃成未及上卒李文

成博雅志十三卷安國公元懷景屬文要義十卷崔玄暉行己要範十卷盧藏

用子書要略一卷馬總意林一卷魏氏手略二十卷魏辛之諤敘訓二卷開元

年上授博聞奇要二十卷開元武功縣人徐闡上詔周蒙續古今注三卷薛洪

古今精義十五卷趙蕤長短要術十卷字太寶梓州人開杜佑理道要訣十卷

賀蘭正元用人權衡十卷貞元十樊宗師魁紀公三十卷又樊子三十卷郭昭

度治書十卷朱朴致理書十卷蘇源治亂集三卷唐末張薦江左寓居錄卷張

楚金紳誠三卷馮伉諭蒙一卷庾敬休諭善錄七卷蕭佚牧宰政術二卷宋陽

魯人初公侯政術十卷魯人名初不著姓大中人李知保儉志三卷代宗信州司倉參軍王範續蒙求

三卷白延翰唐蒙求三卷廣明人李伉系蒙二卷盧景亮三足記二卷

右雜家類六十四家七十五部一千一百三卷失姓名六家虞世南以下不著錄三十四家六百一十八

卷

范子計然十五卷范蠡問計然答尹都尉書三卷汜勝之書二卷崔湜四人月令一卷

賈思協齊民要術十卷宗懌荆楚歲時記一卷杜公瞻荆楚歲時記二卷杜臺

卿玉燭寶典十二卷王氏四時錄十二卷戴凱之竹譜一卷顧烜錢譜一卷浮

丘公相鶴經一卷堯須跋鷺擊錄二十卷相馬經三卷伯樂相馬經一卷徐成

等相馬經二卷諸葛穎種植法七十七卷又相馬經六十卷甯戚相牛經一卷

范蠡養魚經一卷禁苑實錄一卷鷹經一卷蠶經一卷又二卷相貝經一卷武

后北人本業三卷王方慶園庭章木疏二十一卷孫氏千金月令三卷孫思邈李

淳風演齊人要術亡李邕金谷園記一卷薛登四時記二十卷裴澄乘輿月令

十二卷國子司業貞元十一年上王涯月令圖一軸李綽秦中歲時記一卷韋行規保生月

錄一卷韓鄂四時纂要五卷歲華紀麗二卷

右農家類十九家二十六部二百三十五卷失姓名六家王方慶以下不著錄十一家六十六卷

燕丹子一卷燕太子邯鄲淳笑林三卷裴子野類林三卷張華博物志十卷又列

異傳一卷賈泉注郭子三卷郭澄之劉義慶世說八卷又小說十卷劉孝標續世

說十卷殷芒小說十卷劉齊釋俗語八卷蕭賁辨林二十卷劉炫酒孝經一卷

庾元威坐右方三卷侯白啓顏錄十卷雜語五卷戴祚甄異傳三卷袁王壽古

異傳三卷祖冲之述異記十卷劉質近異錄二卷干寶搜神記三十卷劉之遴

神錄五卷梁元帝妍神記十卷祖台之志怪四卷孔氏志怪四卷荀氏靈鬼志

三卷謝氏鬼神列傳二卷劉義慶幽明錄三十卷東陽無疑齊諧記七卷吳筠

續齊諧記一卷王延秀感應傳八卷陸果繫應驗記一卷王琰冥祥記十卷王

曼穎續冥祥記十一卷劉泳因果記十卷顏之推冤魂志三卷又集靈記十卷

徵應集二卷侯君素旌異記十五卷唐臨冥報記二卷李恕誠子拾遺四卷開

元御集誠子書一卷王方慶王氏神通記十卷狄仁傑家範一卷盧公家範一

卷盧蘇瓌中樞龜鏡一卷姚元崇六誠一卷事始三卷劉孝孫劉審續事始三

卷元結猗犴子一卷趙自勔造化權輿六卷通微子十物志一卷吳筠兩同書

一卷李涪刊誤二卷李匡文資暇三卷炙轂子雜錄注解五卷王蘇鶻演義十

卷又杜陽雜編三卷字德祥光啓柳氏家學要錄二卷柳盧光啓初舉子一卷

字子忠劉訥言俳諧集十五卷陳翱卓異記一卷憲穆裴紫芝續卓異記一卷

薛用弱集異記三卷字中勝長慶李玫纂異記一卷大中李亢獨異志十卷谷

神子博異志三卷沈如筠異物志三卷古異記一卷劉鍊傳記三卷一作國牛

肅紀聞十卷陳鴻開元升平源一卷字大亮貞元張薦靈怪集二卷陸長源辨

疑志三卷李繁說纂四卷戴少平還魂記一卷貞元牛僧孺玄怪錄十卷李復

言續玄怪錄五卷陳翰異聞集十卷唐末屯田鄭遂洽聞記一卷鍾籛前定錄

一卷趙自勤定命論十卷天寶秘呂道生定命錄二卷太和中道生增温畬續

唐書卷五十九 藝文志 十一 中華書局聚

定命錄一卷胡璩譚賓錄十卷字子温文韋絢劉公嘉話錄一卷絢字文明

義武軍節度使戎幕閑談一卷趙璘因話錄六卷字澤章大中袁郊甘澤謠一

卷温廷筠乾驥子三卷又採茶錄一卷段成式西陽雜俎三十卷廬陵官下記

二卷康幹劇談錄三卷字駕言乾符進士第高彥休闕史三卷盧子史錄卷亡又逸史三卷

大中時人李隱大唐奇事記十卷咸通中人陳邵通幽記一卷范攄雲溪友議三卷咸通時自

稱五雲溪人李躍嵐齋集二十五卷尉遲樞南楚新聞三卷並唐末人張固幽閑鼓吹一

卷常侍言旨一卷柳理盧氏雜說一卷桂苑叢譚一卷馮翊子樹萱錄一卷會昌

解頤四卷松牕錄一卷芝田錄一卷玉泉子見聞真錄五卷張讀宣室志十卷

柳祥瀟湘錄十卷皇甫松醉鄉日月三卷何自然笑林三卷焦璐窮神祕苑十

卷裴劍傳奇三卷高駢從事劉軻牛羊日曆一卷牛僧孺楊虞卿事檀欒子皇甫松序補江總白猿傳

一卷郭良輔武孝經一卷陸羽茶經三卷張又新煎茶水記一卷封演續錢譜

一卷

右小說家類三十九家四十一部三百八卷失姓名二家李恕以下不著錄七十八家三百二十七卷

珍微宋版印

趙嬰注周髀一卷甄鸞注周髀一卷張衡靈憲圖一卷又渾天儀一卷王蕃渾

天象注一卷姚信昕天論一卷石氏星經簿讚一卷石虞喜安天論一卷甘氏

四七法一卷甘劉表荊州星占二卷劉叡荊州星占二十卷天文集占三卷祖

暉之天文錄三十卷韓楊天文要集四十卷高文洪天文橫圖一卷吳雲天文

雜占一卷陳卓四方星占一卷又五星占一卷天文集占七卷孫僧化等星占

三十三卷史崇十二次二十八宿星占十二卷庾季才靈臺祕苑一百二十卷

逢行珪玄機內事七卷論二十八宿度數一卷五星兵法一卷黃道路略星占一

卷孝經內記星圖一卷周易分野星圖一卷李淳風釋周髀二卷又乙巳占十

二卷天文占一卷大象元文一卷乾坤祕奧七卷法象志七卷太白會運逆北

通代記圖一卷淳風與袁武密古今通占鏡三十卷大唐開元占經一百一十

卷翟曇悉董和通乾論十五卷和本名純避憲宗名改善曆算裴長慶算五星

所在宿度圖一卷司天少黃冠子李播天文大象賦一卷李台王希明丹元子

步天歌一卷

唐

書

卷五十九

藝文志

十三

中華書局聚

右天文類二十家三十部三百六卷失姓名六家李淳風天文占以下不著錄六家一百七十五卷

劉向九章重差一卷徐岳九章算術九卷又算經要用百法一卷數術記遺一

卷甄鸞注甄鸞張丘建算經一卷注甄鸞董泉三等數一卷注甄鸞夏侯陽算經一卷注甄鸞

甄鸞九章算經九卷又五曹算經五卷七曜本起曆五卷七曜曆算二卷曆術

一卷韓延夏侯陽算經一卷又五曹算經五卷宋泉之九經術疏九卷劉徽海

島算經一卷又九章重差圖一卷劉祐九章雜算文二卷陰景愉七經算術通

義七卷信都芳器準三卷黃鍾算法四十卷劉歆三統曆一卷四分曆一卷推

漢書律曆志術一卷劉洪乾象曆術三卷闕澤注乾象曆三卷楊偉魏景初曆二

卷何承天宋元嘉曆二卷又刻漏經一卷虞胤梁大同曆一卷吳伯善陳七曜

曆五卷孫僧化後魏永安曆一卷李業興後魏甲子曆一卷後魏武定曆一卷

宋景業北齊天保曆一卷北齊甲子元曆一卷王琛周天象曆二卷馬顯周甲

寅元曆一卷周甲子元曆一卷劉孝孫隋開皇曆一卷又七曜雜術二卷李德

林隋開皇曆一卷張胄玄隋大業曆一卷又玄曆術一卷七曜曆疏三卷劉焯

皇極曆一卷趙斆河西壬辰元曆一卷河西甲寅元曆一卷劉智正曆四卷

薛夏

訓姜氏曆術三卷崔浩律曆術一卷曆日義統一卷曆日吉凶注一卷朱史刻

漏經一卷宋景刻漏經一卷李淳風注周髀算經二卷又注九章算術九卷注

九章算經要略一卷注五經算術二卷注張丘建算經三卷注海島算經一卷

注五曹孫子等算經二十卷注甄鸞孫子算經三卷釋祖沖之綴術五卷皇極

曆一卷傅仁均大唐戊寅曆一卷唐麟德曆一卷麟德曆出生記十卷王孝通

緝古算術四卷太史丞李淳風注算經表序一卷南宮說光宅曆草十卷瞿曇謙大唐

甲子元辰曆一卷大唐刻漏經一卷王勃千歲曆卷謝察微算經三卷江本一

位算法二卷陳從運得一算經七卷魯靖新集五曹時要術三卷邢和璞潁陽

書三卷隱潁陽石堂山僧一行開元大衍曆一卷又曆議十卷曆立成十二卷曆草二

十四卷七政長曆三卷心機算術括一卷黃栖巖注寶應五紀曆四十卷建中正元

曆二十八卷曹士蔦七曜符天曆一卷建中七曜符天人元曆三卷龍受算法

二卷貞元長慶宣明曆三十四卷長慶宣明曆要略一卷宣明曆超捷例要略

唐書卷五十九 藝文志 十三 中華書局聚

一卷邊岡景福崇玄曆四十卷岡稱處士大衍通元鑑新曆二卷貞元至大中大唐長曆

一卷都利聿斯經二卷貞元中自西天竺有據公者譯其文陳輔聿斯四門經一卷

右曆算類三十六家七十五部二百三十七卷失姓名五家王勃以下不著錄十九家一百二十六卷

黃帝問玄女法三卷黃帝用兵法訣一卷黃帝兵法孤虛推記一卷黃帝太一

兵曆一卷黃帝太公三宮法要訣一卷太公陰謀三卷又陰謀三十六用一卷

金匱二卷六韜六卷當敵一卷周書陰符九卷周呂書一卷田穰苴司馬法三

卷魏武帝注孫子三卷又續孫子兵法二卷兵書捷要七卷孫武孟氏解孫子二

卷沈友注孫子二卷賈誦注吳子兵法一卷吳起吳孫子三十二壘經一卷伍子

胥兵法一卷黃石公三略三卷又陰謀乘斗魁剛行軍祕一卷成氏三略訓三

卷張良經一卷張氏七篇七卷張良魏文帝兵書要略十卷宋高祖兵法要略一

卷司馬彪兵記十二卷孔衍兵林六卷葛洪兵法孤虛月時祕要法一卷梁武

帝兵法一卷梁元帝玉韜十卷劉祐金韜十卷蕭吉金海四十七卷陶弘景真

人水鏡十卷握鏡三卷王略武林一卷許子新書軍勝十卷樂產王佐祕書五

卷後周齊王憲兵書要略十卷隋高祖新撰兵書三十卷解忠鯁龍武玄兵圖

二卷新兵法二十四卷用兵要術一卷太一兵法一卷兵法要訣一卷承神兵

書八卷兵機十五卷兵書要略十卷周兵撮要二卷兵春秋一卷獸鬪亭亭一

卷玉帳經一卷三陰圖一卷兵法雲氣推占一卷武德圖五兵八陣法要一卷

李靖六軍鏡三卷員半千臨戎孝經二卷李淳風縣鏡十卷李筌注孫子二卷

又太白陰經十卷青囊括一卷杜牧注孫子三卷陳皞注孫子一卷賈林注孫

子一卷孫鑄注吳子一卷裴行儉安置軍營行陣等四十六訣一卷李嶠軍謀

前鑿十卷郭元振定遠安邊策三卷吳兢兵家正史九卷李處祐兵法開元中左衛中

即將奉詔鄭虔天寶軍防錄卷亡劉秩止戈記七卷至德新議十二卷董承祖至

德元寶玉函經十卷李光弼統軍靈轄祕策一卷一作武記裴守一軍誠三卷裴子

新令二卷裴緒韓滉天事序議一卷韋臯開復西南夷事狀十七卷范傳正西陲

要略三卷王公亮兵書十八卷長慶元年上行師類要七卷燕僧利正長慶人

事軍律三卷李渤禦戎新錄二十卷李德裕西南備邊錄十三卷杜希全新集

兵書要訣三卷張道古兵論一卷字子美景福進士第

右兵書類二十三家六十部三百一十九卷失姓名十四家李筮以下不著錄二十五家一百六十三卷

史蘇沈思經一卷焦氏周易林十六卷京氏周易四時候二卷又周易飛

候六卷周易混沌四卷周易錯卦八卷逆刺三卷費氏周易逆刺占災異十二

卷費直又周易林二卷崔氏周易林十六卷鄭玄注九宮行碁經三卷管輅周

易林四卷又鳥情逆占一卷張滿周易林七卷許氏周易雜占七卷許尚廣周

易雜占八卷武氏周易雜占八卷魏伯陽周易參同契二卷又周易五相類一

卷徐氏周易筮占二十四卷徐苗伏曼容周易集林十二卷伏氏周易集林一卷

杜氏新易林占三卷梁運周易雜占筮訣文二卷虞翻周易集林律曆一卷郭

璞周易洞林解三卷梁元帝連山三十卷又洞林三卷郭氏易腦一卷周易立

成占六卷易林十四卷周易新林一卷易律曆一卷周易服藥法一卷易三備

三卷又三卷易髓一卷周易問十卷周易雜圖序一卷周易八卦斗內圖一卷

又三卷周易內卦神筮法二卷周易雜筮占四卷老子神符易一卷孝經元辰

二卷椎元辰厄命一卷元辰章三卷元辰一卷雜元辰祿命二卷澁河祿命二
卷孫僧化六甲開天曆二卷翼奉風角要候一卷王琛風角六情訣一卷又推
產婦何時產法一卷九宮行碁立成一卷祿命書二卷遁甲開山圖一卷劉孝
恭風角鳥情二卷又祿命書二十卷鳥情占一卷風角十卷九宮經解三卷婚
嫁書二卷登壇經一卷太一太游曆二卷太游太一曆一卷曜靈經一卷七政
曆一卷六壬曆一卷六壬擇非經六卷靈寶登圖一卷梁王榮光明符十二卷
推二十四氣曆一卷太一曆一卷曹氏黃帝式經三十六用一卷玄女式經要
訣一卷董氏大龍首式經一卷桓公式經一卷宋琨式經一卷六壬式經雜占
九卷雷公式經一卷太一式經二卷太一式經雜占十卷黃帝式用常陽經一
卷黃帝龍首經二卷黃帝集靈三卷黃帝降國一卷黃帝斗曆一卷太史公萬
歲曆一卷司馬談萬歲曆祠二卷任氏十歲曆祠二卷舉百事要略一卷張衡黃
帝飛鳥曆一卷太一飛鳥曆一卷太一九宮雜占十卷九宮經三卷堪輿曆注
二卷殷紹黃帝四序堪輿一卷地節堪輿二卷伍子胥遁甲文一卷信都芳遁

甲經二卷葛洪三元遁甲圖三卷許昉三元遁甲六卷杜仲三元遁甲一卷榮氏遁甲開山圖二卷遁甲經十卷遁甲囊中經一卷遁甲推要一卷遁甲祕要一卷遁甲九星曆一卷遁甲萬一訣三卷三元遁甲立成圖二卷遁甲立成法三卷遁甲九宮八門圖一卷遁甲三奇三卷陽遁甲九卷陰遁甲九卷遁甲三元九甲立成一卷白澤圖一卷武王須臾二卷師曠占書一卷東方朔占書一卷淮南王萬畢術一卷樂產神樞靈轄十卷柳彥詢龜經三卷柳世隆龜經三卷劉寶真龜經一卷王弘禮龜經一卷莊道名龜經一卷蕭吉五行記五卷又五姓宅經二十卷葬經二卷王瓌新撰陰陽書三十卷青烏子三卷葬經八卷又十卷葬書地脈經一卷墓書五陰一卷雜墓圖一卷墓圖立成一卷六甲冢名雜忌要訣二卷郭氏五姓墓圖要訣五卷壇中伏尸一卷胡君玄女彈五音法相冢經一卷百怪書一卷祠竈經一卷解文一卷周宣占夢書三卷又二卷孫思邈龜經一卷又五兆算經一卷龜上五兆動搖經訣一卷福祿論三卷李淳風四民福祿論三卷又玄悟經三卷太一元鑑五卷占燈經一卷注鄭玄九

旗飛變一卷三元經一卷太一樞會賦一卷注崔知悌產圖一卷呂才陰陽

書五十三卷廣濟陰陽百忌曆一卷大唐地理經十卷貞觀中袁天綱相書七卷

要訣三卷陳恭釗天寶曆二卷天寶中趙同珍壇經一卷黎幹蓬瀛書二卷賈

耽唐七聖曆一卷李遠龍紀聖異曆一卷竇維鋈廣古今五行記三十卷濮陽

夏樵子五行志五卷祿命人元經三卷楊龍光推計祿命厄運詩一卷三希明

太一金鏡式經十卷開元中僧一行天一太一經一卷又遁甲十八局一卷太

一局遁甲經一卷五音地理經十五卷六壬明鏡連珠歌一卷六壬髓經二卷

馬先天寶太一靈應式記五卷李鼎祚連珠明鏡式經十卷開耀中蕭君靖遁

甲圖開元僕寺主簿司馬驤遁甲符寶萬歲經國曆一卷驤與弟曹士蔭金匱

經三卷馬雄絳囊經一卷雄稱李靖玉帳經一卷李筌六壬大玉帳歌十卷王

叔政推太歲行年吉凶厄一卷由吾公裕葬經三卷孫季邕葬範三卷盧重元

夢書四卷開元柳璨夢雋一卷

右五行類六十家一百六十部六百四十七卷失姓名六十五家袁天綱以下不著錄二十五家一百三

郝冲虞譚法投壺經一卷魏文帝皇博經一卷大小博法二卷大博經行碁戲
 法二卷鮑宏小博經一卷博塞經一卷雜博戲五卷隋煬帝二儀簿經一卷范
 汪等注碁品五卷梁武帝碁評一卷碁勢六卷圍碁後九品序錄一卷竹苑仙
 碁圖一卷周武帝象經一卷何妥象經一卷王褒象經一卷王裕注象經一卷
 今古術藝十五卷名手畫錄一卷李嗣真畫後品一卷禮圖等雜畫五十六卷
 漢王元昌畫漢賢王圖閣立德畫文成公主降蕃圖玉華宮圖鬪鷄圖閣立本
 畫秦府十八學士圖凌煙閣功臣二十四人圖范長壽畫風俗圖醉道士圖王
 定畫本草訓戒圖貞觀尙方令檀智敏畫游春戲藝圖振武校尉殷敷韋无忝畫皇朝九
 聖圖高祖及諸王圖太宗自定輦上圖開元十八學士圖開元人董萼畫盤車圖
開元人曹元廓畫周北齊梁陳隋武德貞觀永徽等朝臣圖高祖太宗諸子
字重照圖秦府學士圖凌煙圖武后左楊昇畫望賢宮圖安祿山真張萱畫伎女圖乳
 母將嬰兒圖按羯鼓圖鞞韞圖並開元館畫直談皎畫武惠妃舞圖佳麗寒食圖佳麗

伎樂圖韓幹畫龍朔功臣圖姚宋及安祿山圖相馬圖玄宗試馬圖寧王調馬

打球圖大梁人 大府寺丞陳宏畫安祿山圖玄宗馬射圖上黨十九瑞圖永王 府長史王象

畫鹵簿圖田琦畫洪崖子橘尤圖德平子 汝南太守竇師繪畫內庫瑞錦對雉鬪羊翔

鳳游麟圖字希言 太崇秦王 府諮議相 國錄事 參軍 封陵陽公章鷗畫天竺胡僧渡水放牧圖子周 助畫

撲蝶按箏楊真人墜真五星等圖各一卷字景張彥遠歷代名畫記十卷姚最

續畫品一卷裴孝源畫品錄一卷中書舍人 記貞觀 顯慶年 事顧況畫評一卷朱景玄唐畫

斷三卷會昌人竇蒙畫拾遺卷亡吳恬畫山水錄卷亡 恬一名玠 字建康 青州人王琚射經一卷張

守忠射記一卷任樸弓箭論一卷上官儀投壺經一卷王積薪金谷園九局圖

一卷開元 待詔韋珽碁圖一卷呂才大博經二卷董叔經博經一卷貞元 中上李邵骰子

選格三卷字仲玄 賀州刺史

右雜藝術類十一家二十部一百四十二卷失姓名 八家 張彥遠以下不著錄 一十六家 一百一十七卷

何承天并合皇覽一百二十二卷徐爰并合皇覽八十四卷劉孝標類苑一百

二十卷劉香壽光書苑二百卷徐勉華林遍略六百卷祖孝徵等修文殿御覽

三百六十卷虞綽長洲玉鏡二百三十八卷諸葛穎玄門寶海一百二十卷

張氏書圖泉海七十卷要錄六十卷檢事書一百六十卷帝王要覽二十卷文

思博要一千二百卷目十二卷右僕射高士廉左僕射房玄齡特進魏徵中書令楊師道兼中書侍郎岑文本禮部侍郎顏相

時國子司業朱子奢博士劉伯莊太學博士馬嘉運給事中許敬宗司文郎中

崔行功太常博士呂才秘書丞李淳風起居郎褚遂良晉王文姚思廉太子舍

人司馬宅相等奉詔許敬宗搖山玉彩五百卷孝敬皇帝令太子少師許敬宗

謨貞觀十五年上許敬宗等議龍朔元年上東殿新書二百卷許敬宗

董思恭等撰累璧四百卷又目錄四卷許敬宗等撰歐陽詢藝文類聚一百卷令狐德棻袁

奉詔於武德殿內修撰其書自史記至晉書刪其繁辭龍朔元年上高宗製序歐陽詢藝文類聚一百卷明趙弘智等

同虞世南北堂書鈔一百七十三卷張太素策府五百八十二卷武后玄覽一

百卷三教珠英一千三百卷目十三卷張昌宗李嶠崔混閻朝隱徐彥伯張說

曜等撰開成初改為海內珠英武后所改字並復舊孟利貞碧玉芳林四百五十卷玉藻瓊林一百卷王

義方筆海十卷玄宗事類一百三十卷又初學記三十卷張說類集要事以教

孫敬本張烜李銳施敬本張烜李銳是光又十九部書語類十卷開元末自秘書省正字上劉秩

政典三十五卷杜佑通典二百卷蘇冕會要四十卷續會要四十卷揚紹復裴

薛逢鄭言周膚敏薛延望陸贄備舉文言二十卷劉綺莊集類一百卷高丘詞

集類略三十卷陸羽警年十卷張仲素詞圃十卷字繪之元和翰林元氏類集

三百卷元稹白氏經史事類三十卷白居易一王氏千門四十卷王洛賓于立政類

林十卷郭道規事鑑五十卷馬幼昌穿楊集四卷判目盛均十三家帖均字之材泉州南安

人終昭州刺史以白氏六帖未備而廣之卷亡竇蒙青囊書十卷國子司業章稔瀛類十卷應用類對十卷

高測韻對十卷温庭筠學海三十卷王博古修文海十七卷李途記室新書三

十卷孫翰錦繡谷五卷張楚金翰苑七卷皮氏鹿門家鈔九十卷皮日休字襲美咸通太常

博士劉揚名戚苑纂要十卷戚苑英華十卷袁說重修

右類書類十七家二十四部七千二百八十八卷失姓名二家王義方以下不著錄三十一家一千二

百三十八卷

皇甫謐黃帝三部鍼經十二卷張子存赤烏神鍼經一卷黃帝鍼灸經十二卷

黃帝雜注鍼經一卷黃帝鍼經十卷玉匱鍼經十二卷龍銜素鍼經并孔穴蝦

蟆圖三卷徐叔嚮鍼灸要鈔一卷黃帝明堂經三卷黃帝明堂三卷楊玄注黃

帝明堂經三卷黃帝內經明堂十三卷黃帝十二經脈明堂五臟圖一卷曹氏
 黃帝十二經明堂偃側人圖十二卷秦承祖明堂圖三卷明堂孔穴五卷秦越
 人黃帝八十一難經二卷全元起注黃帝素問九卷靈寶注黃帝九靈經十二
 卷黃帝甲乙經十二卷黃帝流注脈經一卷三部四時五臟辨候診色脈經一
 卷脈經十卷又二卷徐氏脈經訣三卷王子顛脈經二卷岐伯灸經一卷雷氏
 灸經一卷五藏訣一卷五藏論一卷賈和光鈴和子十卷王冰注黃帝素問二
 十四卷釋文一卷冰號啓元子楊上善注黃帝內經明堂類成十三卷又黃帝內經
 太素三十卷甄權脈經一卷鍼經鈔三卷鍼方一卷明堂人形圖一卷米遂明
 堂論一卷

右明堂經脈類一十六家三十五部二百三十一卷

失姓名十六家甄權以下不著錄二家七卷

神農本草三卷雷公集謨神農本草四卷吳氏本草因六卷吳普李氏本草三卷

原平仲靈秀本草圖六卷殷子巖本草音義二卷本草用藥要妙九卷本草病

源合藥節度五卷本草要術三卷癩癰疽耳眼本草要妙五卷桐君藥錄二卷

徐之才雷公藥對二卷僧行智諸藥異名十卷藥類二卷藥目要用二卷四時

採取諸藥合和四卷各醫別錄三卷吳景諸病源候論五十卷巢氏諸病源候

論五十卷

巢元方

徐嗣伯雜病論一卷又徐氏落年方三卷彭祖養性經一卷張

湛養生要集十卷延年祕錄十二卷秦承祖藥方四十卷吳普集華氏藥方十

卷

華佗

葛洪肘後救卒方六卷梁武帝坐右方十卷如意方十卷陶弘景集注神

農本草七卷又效驗方十卷補肘後救卒備急方六卷太清玉石丹藥要集三

卷太清諸草木方集要三卷隋煬帝敕撰四海類聚單方十六卷王叔和張仲

景藥方十五卷又傷寒卒病論十卷阮河南方十六卷

阮炳

尹穆纂范東陽雜藥

方一百七十卷

范注

胡居士治百病要方三卷

胡治

徐叔嚮雜療方二十卷又體療

雜病方六卷脚弱方八卷解寒食方十五卷阮河南藥方十七卷褚澄雜藥方

十二卷陳山提雜藥方十卷謝泰黃素方二十五卷孝思雜湯丸散方五十七

卷謝上太刪繁方十二卷徐之才徐王八代效驗方十卷又家祕方三卷范世

英千金方三卷姚僧垣集驗方十卷陳延之小品方十二卷蘇游玄感傳屍方

一卷又太一鐵胤神丹方三卷俞氏治小兒方四卷俞寶小女節療方一卷僧
僧深集方三十卷僧鸞調氣方一卷龔慶宣劉涓子男方十卷甘濬之療癰疽
金瘡要方十四卷甘伯齊療癰疽金瘡要方十二卷雜藥方六卷雜丸方一卷
名醫集驗方三卷百病膏方十卷雜湯方八卷療目方五卷寒食散方并消息
節度二卷婦人方十卷又二十卷少女方十卷少女雜方二十卷類聚方二千
六百卷種芝經九卷芝草圖一卷諸葛穎淮南王食經一百三十卷音十三卷
食目十卷盧仁宗食經三卷崔浩食經九卷竺暄食經四卷又十卷趙武四時
食法一卷太官食法一卷太官食方十九卷四時御食經一卷抱朴子太清神
仙服食經五卷沖和子太清璿璣文七卷太清神丹中經三卷太清神仙服食
經五卷太清諸丹藥要錄四卷京里先生金匱仙藥錄三卷神仙服食經十二
卷神仙藥食經一卷神仙服食方十卷神仙服食藥方十卷服玉法并禁忌一
卷寒食散論二卷葛仙公錄狐子方金訣三卷狐子雜訣三卷明月公陵陽子
祕訣一卷黃公神臨藥祕經一卷黃白祕法一卷又二十卷葛氏房中祕術一

卷冲和子玉房秘訣十卷張鼎本草二十卷目錄一卷藥圖二十卷圖經七卷顯慶

四年英國公李勣太尉長孫無忌兼侍中辛茂將太子賓客弘文館學士許敬宗禮部郎中兼太子洗馬弘文館大學士孔志約尚藥奉御許孝崇胡子家蔣

季璋尚藥局直長蘭復珪許弘直侍御醫巢孝儉太子藥藏監蔣季瑜吳嗣宗丞蔣義方太醫令蔣季琬許弘丞蔣茂昌太常丞呂才賈文通太史令李淳風

潞王府參軍吳師哲禮部主事顏仁楚右監門府長史蘇敬等撰孔志約本草音義二十卷蘇敬新修本草二

十一卷又新修本草圖二十六卷本草音三卷本草圖經七卷甄立言一作本

草音義七卷又本草藥性三卷古今錄驗方五十卷孟詵食療本草三卷又補

養方三卷必効方十卷宋俠經心方十卷崔氏纂要方十卷崔行功崔知悌骨蒸

病灸方一卷王方慶新本草四十一卷又藥性要訣五卷袖中備急要方三卷

嶺南急要方二卷鍼灸服藥禁忌五卷李含光本草音義二卷陳藏器本草拾

遺十卷開元中人鄭虔胡本草七卷孫思邈千金方三十卷又千金髓方二十卷千

金翼方三十卷神枕方一卷醫家要妙五卷楊太僕醫方一卷失名天授二年上衛嵩

醫門金寶鑑三卷許詠六十四問一卷段元亮病源手鏡一卷伏氏醫苑一卷

伏甘伯宗名醫傳七卷王超仙人水鏡圖訣一卷貞觀吳兢五藏論應象一卷

適

裴璉五藏論一卷劉清海五藏類合賦五卷裴王廷五色傍通五藏圖一卷張

文懿藏府通元賦一卷段元亮五藏鏡源四卷喻義纂療癰疽要訣一卷瘡腫

論一卷沈泰之癰疽論二卷青溪子萬病拾遺三卷又消渴論一卷脚氣論三

卷李暄嶺南脚氣論一卷又方一卷脚氣論一卷蘇鑿徐玉等編集鄭景岫南中四時

攝生論一卷蘇游鐵粉論一卷陳元北京要術一卷元為太子原少尹司空輿發炤錄一

卷圖父大中時青羅子道光通元秘要術三卷失姓名乾寧晏先生制伏草石

論六卷晏封江承宗刪繁藥詠三卷鳳翔節度要籍玄宗開元廣濟方五卷劉貺真人肘

後方三卷王肅外臺秘要方四十卷又外臺要略十卷德宗貞元集要廣利方

五卷陸氏集驗方十五卷陸贊賈耽備急單方一卷薛弘慶兵部手集方三卷兵部

尚書李絳所傳方弘薛景晦古今集驗方十卷元和刑部郎中劉禹錫傳信方

二卷崔玄亮海上集驗方十卷楊氏產乳集驗方三卷楊歸厚元和自左拾遺鳳州司馬終號州

刺史方九鄭注藥方一卷韋氏集驗獨行方十二卷韋宙張文仲隨身備急方三

卷蘇越羣方秘要三卷李繼臯南行方三卷白仁敘唐興集驗方五卷包會應

驗方一卷許孝宗篋中方三卷梅崇獻方五卷姚和衆童子祕訣二卷又衆童
延齡至寶方十卷孫會嬰孺方十卷邵英俊口齒論一卷又排玉集二卷口齒方
李昭明嵩臺集三卷陽暉膳夫經手錄四卷巖龜食法十卷震之後鎮西軍節度使讓子也昭宗時宣慰

右醫術類六十四家一百二十部四千四十六卷失姓名三十八家王方慶

百八卷

唐書卷五十九

唐

書

卷五十九

藝文志

三
中華書局聚

卷之五十五

Blank lines for text, mostly empty or containing very faint bleed-through.

Blank lines for text, mostly empty or containing very faint bleed-through.

唐書卷六十

宋 翰 林 學 士 歐 陽 修 撰

藝文志第五十

丁部集錄其類三一日楚辭類二曰別集類三曰總集類凡著錄八百一十八家八百五十六部一萬一千九百二十三卷不著錄四百八家五千八百二十五卷

王逸注楚辭十六卷郭璞注楚辭十卷楊穆楚辭九悼十卷劉杳離騷草木蟲魚疏二卷孟奧楚辭音一卷徐邈楚辭音一卷僧道騫楚辭音一卷

右楚辭類七家七部三十二卷

趙荀況集二卷楚宋玉集二卷漢武帝集二卷淮南王安集二卷賈誼集二卷枚乘集一卷司馬遷集二卷東方朔集二卷董仲舒集二卷李陵集二卷司馬相如集二卷孔臧集二卷魏相集二卷張敞集二卷韋玄成集二卷劉向集五卷王褒集五卷谷永集五卷杜鄴集五卷師丹集五卷息夫躬集五卷劉歆集

五卷楊雄集五卷崔篆集一卷東平王蒼集二卷桓譚集二卷史岑集二卷王文山集二卷朱勃集二卷梁鴻集二卷黃香集二卷馮衍集五卷班彪集三卷杜篤集五卷傅毅集五卷班固集十卷崔駰集十卷賈逵集二卷劉騶駘集二卷崔瑗集五卷蘇順集二卷竇章集二卷胡廣集二卷高彪集二卷王逸集二卷桓麟集二卷邊韶集二卷皇甫規集五卷張奐集二卷朱穆集二卷趙壹集二卷張升集二卷侯瑾集二卷酈炎集二卷盧植集二卷劉珍集二卷楊厚集二卷張衡集十卷葛龔集五卷李固集十卷馬融集五卷崔琦集二卷延篤集二卷劉白集二卷荀爽集二卷劉梁集二卷鄭玄集二卷蔡邕集二十卷應劭集四卷士孫瑞集二卷張劭集五卷禰衡集二卷孔融集十卷潘勗集二卷阮瑀集五卷陳琳集十卷張紘集一卷繁欽集十卷楊修集二卷王粲集十卷魏武帝集三十卷文帝集十卷明帝集十卷高貴鄉公集二卷陳思王集二十卷又三十卷華歆集三十卷王朗集三十卷邯鄲淳集二卷袁渙集五卷應瑒集二卷徐幹集五卷劉楨集二卷路粹集二卷丁儀集二卷丁廙集二卷劉廙集

二卷吳質集五卷孟達集三卷陳羣集三卷王修集三卷管寧集二卷劉邵集
二卷麋元集五卷李康集二卷孫該集二卷卞蘭集二卷傅巽集二卷高堂隆
集十卷繆襲集五卷殷襄集二卷韋誕集三卷曹羲集五卷傅嘏集二卷桓範
集二卷夏侯霸集二卷鍾毓集五卷江奉集二卷夏侯惠集二卷毋丘儉集二
卷王弼集五卷呂安集二卷王昶集五卷王肅集五卷何晏集十卷應璩集十
卷杜摯集二卷夏侯玄集二卷程曉集二卷阮籍集五卷嵇康集十五卷鍾會
集十卷蜀許靖集二卷諸葛亮集二十四卷吳張溫集五卷士燮集五卷虞翻
集三卷駱統集十卷暨豔集二卷謝承集四卷姚信集十卷陸覲集五卷華覈
集五卷胡綜集二卷薛瑩集二卷薛綜集三卷張儼集二卷韋昭集二卷紀騭
集二卷晉宣帝集五卷文帝集二卷明帝集五卷簡文帝集五卷齊王攸集二
卷會稽王道子集八卷彭城王集八卷譙王集三卷王沈集五卷鄭袤集二卷
應貞集五卷嵇喜集二卷傅玄集五十卷成公綏集十卷裴秀集三卷何禎集
五卷袁準集二卷山濤集五卷向秀集二卷阮冲集二卷阮佃集五卷羊祜集

二卷賈充集二卷荀勗集二十卷杜預集二十卷王濬集二卷皇甫謐集二卷
程咸集二卷劉毅集二卷庾峻集三卷郗正集一卷楊泉集二卷陶潛集二卷
宣騁集三卷曹志集二卷鄒湛集四卷孫毓集五卷王渾集五卷王深集四卷
江偉集五卷閔鴻集二卷裴楷集二卷何劭集二卷劉寔集二卷裴頠集十卷
許孟集二卷王祐集三卷王濟集二卷華嶠集二卷庾儵集三卷謝衡集二卷
傅咸集三十卷棗據集二卷劉寶集三卷孫楚集十卷王讚集二卷夏侯湛集
十卷夏侯淳集十卷張敏集二卷劉許集二卷李黃集二卷樂廣集二卷阮渾
集二卷楊乂集三卷張華集十卷李虔集十卷石崇集五卷潘岳集十卷潘尼
集十卷歐陽建集二卷嵇紹集二卷衛展集十四卷盧播集二卷爨肇集五卷
應亨集二卷司馬彪集三卷杜育集二卷摯虞集十卷繆徵集二卷左思集五
卷夏侯靖集二卷鄭豐集二卷陳略集二卷張翰集二卷陸機集十五卷陸雲
集十卷陸冲集二卷孫極集二卷張載集二卷張協集二卷束皙集五卷華譚
集二卷曹攄集二卷江統集十卷胡濟集五卷卞粹集二卷閻丘冲集二卷庾

欽集二卷阮瞻集二卷阮修集二卷裴邈集二卷郭象集五卷嵇含集十卷孫
惠集十卷蔡洪集二卷牽秀集五卷蔡克集二卷索靖集二卷閻纂集二卷張
輔集二卷殷巨集二卷陶佐集五卷仲長敖集二卷虞浦集二卷吳商集五卷
劉弘集三卷山簡集二卷宗岱集三卷王曠集五卷王峻集二卷棗腆集二卷
棗嵩集二卷劉琨集十卷盧諶集十卷傅暢集五卷顧榮集五卷荀組集一卷
周顓集二卷周嵩集三卷王導集十卷荀邃集二卷王敦集五卷謝琨集二卷
張抗集三卷賈霖集三卷劉隗集三卷應詹集五卷陶侃集二卷王洽集三卷
張闓集三卷卞壺集二卷劉超集二卷楊方集二卷傅純集二卷郟鑿集十卷
溫嶠集十卷孔坦集五卷王濤集五卷王篋集五卷甄述集五卷王嶠集二卷
戴邈集五卷賀循集二十卷張峻集二卷應碩集二卷陸沈集二卷曾瓌集五
卷熊遠集五卷郭璞集十卷王鑿集五卷庾亮集二十卷虞預集十卷顧和集
五卷范宣集十卷張虞集五卷庾冰集二十卷庾翼集二十卷何充集五卷諸
葛恢集五卷祖台之集十五卷李充集十四卷蔡謨集十卷謝艾集八卷范汪

集八卷范甯集十五卷阮放集五卷王廙集十卷王彪之集二十卷謝安集五
卷謝方集十卷王羲之集五卷千寶集四卷殷融集十卷劉遐集五卷殷浩集
五卷劉惔集二卷王濛集五卷謝尚集五卷張憑集五卷張望集三卷韓康伯
集五卷王胡之集五卷江霖集五卷范宣集五卷江惇集五卷王述集五卷郝
默集五卷黃整集十卷王浹集二卷王度集五卷劉系之集五卷劉恢集五卷
范起集五卷殷康集五卷孫嗣集三卷王坦之集五卷桓温集二十卷郗超集
十五卷謝朗集五卷謝玄集十卷王珣集十卷許詢集三卷孫統集五卷孫綽
集十五卷孔巖集五卷江道集五卷車灌集五卷丁纂集二卷曹毗集十五卷
蔡系集二卷李顥集十卷顧夷集五卷袁喬集五卷謝沈集五卷庾闡集十卷
王隱集十卷殷允集十卷徐邈集八卷殷仲堪集十卷殷叔獻集三卷伏滔集
五卷桓嗣集五卷習鑿齒集五卷鈕滔集五卷邵毅集五卷孫盛集十卷袁質
集二卷袁宏集二十卷袁邵集三卷羅含集三卷孫放集十五卷辛昞集四卷
庾統集二卷郭愔集五卷滕輔集五卷庾龢集二卷庾軌集二卷庾禧集二卷

庾肅之集十卷王修集二卷戴逵集十卷桓玄集二十卷殷仲文集七卷卞湛
集五卷蘇彥集十卷袁豹集十卷王謚集十卷周祗集十卷梅陶集十卷湛方
生集十卷劉瑾集八卷羊徽集一卷卞裕集十四卷王愨期集十卷孔璠之集
二卷王茂略集四卷薄肅之集十卷滕演集一卷宋武帝集二十卷文帝集十
卷長沙王義欣集十卷臨川王義慶集八卷衡陽王義季集十卷江夏王義恭
集十五卷南平王鑠集五卷建平王宏集十卷又小集六卷新渝侯義宗集十
二卷謝瞻集二卷孔琳之集十卷王叔之集十卷徐廣集十五卷孔寤子集十
五卷蔡廓集十卷傅亮集十卷孫康集十卷鄭鮮之集二十卷陶潛集二十卷
又集五卷范泰集二十卷王弘集二十卷謝惠連集五卷謝靈運集十五卷荀
昶集十四卷孔欣集十卷卞伯玉集五卷王曇首集二卷謝弘微集二卷王韶
之集二十卷沈林子集七卷姚漕之集二十卷賀道養集十卷衛令元集八卷
褚詮之集八卷荀欽明集六卷殷淳集三卷劉瑀集十卷劉緄集五卷雷次宗
集三十卷宗炳集十五卷伍緝之集十一卷荀雍集十卷袁淑集十卷顏延之

集三十卷王微集十卷王僧達集十卷張暢集十四卷何偃集八卷沈懷文集
十三卷江智淵集十卷謝莊集十五卷殷琰集八卷顏竣集十三卷何承天集
二十卷裴松之集三十卷卞瑾集十卷丘淵之集六卷顏測集十一卷湯惠休
集三卷沈勃集十五卷徐爰集十卷鮑照集十卷庾蔚之集十一卷虞通之集
五卷劉惔集十卷孫緬集十卷袁伯文集十卷袁粲集十卷齊竟陵王集三十
卷褚淵集十五卷王儉集六十卷周顒集二十卷徐孝嗣集十二卷王融集十
卷謝朓集十卷孔稚珪集十卷陸厥集十卷虞羲集十一卷宗躬集十二卷江
奐集十一卷張融玉海集六十卷梁文帝集十八卷武帝集十卷簡文帝集八
十卷元帝集五十卷又小集十卷昭明太子集二十卷邵陵王綸集四卷武陵
王紀集八卷范雲集十二卷江淹前集十卷後集十卷任昉集三十四卷宗夫
集十卷王暕集二十卷魏道微集三卷司馬綬集九卷沈約集一百卷又集略
三十卷傅昭集十卷袁昂集二十卷徐勉前集三十五卷後集十六卷陶弘景
集三十卷周捨集二十卷何遜集八卷謝朏集五卷謝郁集五卷王僧孺集三

十卷張率集三十卷楊眺集十卷鮑幾集八卷周興嗣集十卷蕭洽集二卷裴子野集十四卷庾曇隆集十卷陸倕集二十卷劉之遴前集十一卷後集三十卷虞曠集六卷王罔集三卷劉孝綽集十二卷劉孝儀集二十卷劉孝威前集十卷後集十卷丘遲集十卷王錫集七卷蕭子範集三卷蕭子雲集二十卷蕭子暉集十一卷江革集十卷吳均集二十卷庾肩吾集十卷王筠洗馬集十卷又中庶子集十卷左右集十卷臨海集十卷中書集十卷尚書集十一卷鮑泉集一卷謝瑱集十卷任孝恭集十卷張纘集十卷陸雲公集四卷張綰集十卷甄玄成集十卷蕭欣集十卷沈君攸集十二卷後梁明帝集一卷後魏文帝集四十卷高允集二十卷宗欽集二卷李諧集十卷韓宗集五卷袁躍集九卷薛孝通集六卷溫子昇集三十五卷盧元明集六卷陽固集三卷魏孝景集一卷北齊陽休之集三十卷邢邵集三十卷魏收集七十卷劉逖集四十卷後周明帝集五十卷趙平王集十卷滕蘭王集十二卷宗懌集十卷王褒集二十卷蕭撝集十卷庾信集二十卷王衡集三卷陳後主集五十五卷沈炯前集六卷後

集十三卷周弘正集二十卷周弘讓集十八卷徐陵集三十卷張正見集四卷
陸珍集五卷陸瑜集十卷沈不害集十卷張式集十三卷褚介集十卷顧越集
二卷顧覽集五卷姚察集二十卷隋煬帝集五十卷盧忠道集二十卷李元操
集二十二卷辛德源集三十卷李德林集十卷牛弘集十二卷薛道衡集三十
卷何妥集十卷柳顧言集十卷江總集二十卷殷英童集三十卷蕭愨集九卷
魏澹集四卷尹式集五卷諸葛穎集十四卷王冑集十卷虞茂世集五卷劉興
宗集三卷李播集三卷道士江旻集三十卷僧曇諦集六卷惠遠集十五卷支
遁集十卷惠琳集五卷曇瑗集六卷靈裕集二卷亡名集十卷曹大家集二卷
鍾夫人集二卷劉臻妻陳氏集五卷左九嬪集一卷臨安公主集三卷范靖妻
沈滿願集三卷徐悱妻劉氏集六卷太宗集四十卷高宗集八十六卷中宗集
四十卷睿宗集十卷武后垂拱集一百卷又金輪集十卷陳叔達集十五卷竇
威集十卷褚亮集二十卷虞世南集三十卷蕭瑀集一卷沈齊家集十卷薛收
集十卷楊師道集十卷庾抱集十卷孔穎達集五卷王績集五卷郎楚之集三

卷魏徵集二十卷許敬宗集八十卷于志寧集四十卷上官儀集二十卷李義
府集四十卷顏師古集六十卷岑文本集六十卷劉子翼集二十卷殷聞禮集
一卷陸士季集十卷劉孝孫集三十卷鄭世翼集八卷崔君實集十卷李百藥
集三十卷孔紹安集五十卷高季輔集二十卷溫彥博集二十卷李玄道集十
卷謝偃集十卷沈叔安集二十卷陸楷集十卷曹憲集三十卷蕭德言集二十
卷潘求仁集三卷殷芊集三卷蕭鈞集三十卷袁朗集十四卷楊續集十卷王
約集一卷任希古集十卷凌敬集十四卷王德儉集十卷徐孝德集十卷杜之
松集十卷宋令文集十卷陳子良集十卷顏顓集十卷劉穎集十卷司馬僉集
十卷鄭秀集十二卷耿義襄集七卷楊元亨集五卷劉綱集三卷王歸一集十
卷馬周集十卷薛元超集三十卷高智周集五卷褚遂良集二十卷劉禕之集
七十卷郝處俊集十卷崔知悌集五卷李安期集二十卷唐覲集五卷張太素
集十五卷鄧玄挺集十卷劉允濟集二十卷駱賓王集十卷盧照鄰集二十卷
又幽憂子三卷楊炯盈川集三十卷王勃集三十卷狄仁傑集十卷李懷遠集

八卷盧受采集二十卷蘇味道集十五卷薛曜集二十卷郎餘慶集十卷盧光
容集二十卷崔融集六十卷閻鏡機集十卷李嶠集五十卷喬備集六卷陳子
昂集十卷元希聲集十卷李適集十卷沈佺期集十卷徐彥伯前集十卷後集
十卷宋之問集十卷杜審言集十卷谷倚集十卷富嘉謨集十卷吳少微集十
卷劉希夷集十卷張柬之集十卷桓彥範集三卷韋承慶集六十卷閻丘均集
二十卷郭元振集二十卷魏知古集二十卷閻朝隱集五卷蘇瓌集十卷員半
千集十卷李乂集五卷姚崇集十卷丘悅集十卷劉子玄集三十卷盧藏用集
三十卷玄宗集德宗集卷亡濮王泰集二十卷上官昭容集二十卷令狐德棻集
三十卷褚亮集二十卷許彥伯集十卷劉洎集十卷來濟集三十卷杜正倫集
十卷李敬玄集三十卷裴行儉集二十卷崔行功集六十卷張文琮集二十卷
麴崇裕集二十卷劉憲集三十卷薛稷集三十卷宋璟集十卷蔣儼集五卷趙
弘智集二十卷賀德仁集二十卷許子儒集十卷蔡允恭集二十卷張昌齡集
二十卷杜易簡集二十卷顏元孫集三十卷姚璿集七卷杜元志集十卷

元考功郎中 杭州刺史 楊仲昌集十五卷 崔液集十卷 裴耀 張說集三十卷 徐堅集三十

卷元海集十卷 字休則開元臨河尉 李邕集七十卷 王澣集十卷 張九齡集二十卷 康國

安集十卷 以明經高第直國子監教授三館進士授右典戎衛錄事 孫逖集二

十卷 趙冬曦集 卷亡 苑咸集 卷亡 京北人開元末上書拜司經校書中書舍 毛欽

一集三卷 字傑荆州長林人 王助雕蟲集一卷 王維集十卷 康希銳集二十卷 字南金開元中

台州刺史 張均集二十卷 權若訥集十卷 開元刺史 白履忠集十卷 鮮于向集十卷 康

玄辯集十卷 字通理開元瀘州刺史 嚴從集三卷 從卒詔求其稿 陶翰集 卷亡潤州人開元禮部員外郎

崔國輔集 卷亡應縣令舉授杵昌令集賢直學士禮部員外郎 高適集二十卷 賈至集二

十卷 別十五卷 蘇冕編 張孝嵩集十卷 字仲山南陽人開元河東節度使南陽郡公 儲光羲集七十卷

蘇源明前集三十卷 李白草堂集二十卷 李陽冰錄 杜甫集六十卷 小集六卷 涇州刺史

樊冕 岑參集十卷 盧象集十二卷 字緯卿左拾遺膳部員外郎授安祿山僞蕭官貶永州司戶參軍起為主客員外郎

穎士游梁新集三卷 文集十卷 李華前集十卷 中集二十卷 李翰前集三十卷

王昌齡集五卷 元結文編十卷 邵說集十卷 裴倩集五卷 又湓城集五卷 均之

劉彙集三卷樊澤集十卷崔良佐集十卷湯賈集十五卷字叔潤州丹陽人貞元宋州刺史劉

迴集五卷武就集五卷元衡父王休烈集十卷元載集十卷張薦集三十卷劉長

卿集十卷字文房至德監察御史以檢校祠部員外郎為轉運使判官知淮西鄂岳轉運留後鄂岳觀察使吳仲孺誣奏貶潘州南巴尉會有為辨

之者除睦州司戎昱集五卷衛伯玉鎮荆南從事後崔祐甫集三十卷常袞集

馬終隋州刺史為辰州虔州二刺史十卷又詔集六十卷楊炎集十卷又制集十卷蘇弁編顏真卿吳興集十卷又廬

集十卷臨川集十卷歸崇敬集二十卷劉太真集三十卷于邵集四十卷梁肅

集二十卷獨孤及毗陵集二十卷竇叔向集七卷字遺直與常袞善袞為相用為左拾遺內供奉及貶亦出

溧水丘為集卷亡蘇州嘉興人事繼母孝嘗有靈芝生堂下累官太子右庶子令時年八十餘而母無恙給俸祿之半及居憂觀察使韓滉以致仕

官給祿所以惠養老臣不可在喪為異惟罷春秋羊酒初還鄉縣令謁之為候門磬折令坐乃拜里胥立庭下既出乃敢坐經縣署降馬而趨卒年九十六

柳渾集十卷李泌集二十卷張建封集二百三十篇顧況集二十卷鮑溶集五

卷齊抗集二十卷鄭餘慶集五十卷崔元翰集三十卷楊凝集二十卷歐陽詹

集十卷李觀集三卷陸希聲纂呂溫集十卷穆員集十卷竇常集十八卷鄭綯集三

十卷符載集十四卷鄒純集六十卷戴叔倫述藁十卷張登集六卷貞元漳州刺史陸

迅集十卷德宗時監察御史裏行柳冕集卷亡姚南仲集十卷李吉甫集二十卷武元衡集

十卷權德輿童蒙集十卷又集五十卷制集五十卷韓愈集四十卷柳宗元集

三十卷韋貫之集三十卷李絳集二十卷令狐楚漆園集一百三十卷又梁苑

文類三卷表奏集十卷自稱白雲孺子表奏集韋武集十五卷皇甫鏞集十八卷樊宗師

集二百九十一卷武孺衡集二十五卷又制集二十卷李道古文輿三十卷董

佺武陵集卷亡佺字庶中元和荆南從事劉禹錫集四十卷元氏長慶集一百卷又小集十卷

稹白氏長慶集七十五卷白居易白行簡集二十卷張仲方集三十卷鄭澣集三

十卷馮宿集四十卷劉伯芻集三十卷段文昌集三十卷又詔詰二十卷韋處

厚集七十卷劉栖楚集二十卷李翱集十卷温造集八十卷滕珣集卷亡珣東陽人歷茂

王傳太和初以右庶子致仕四品給券還鄉自珣始王起集一百二十卷崔咸集二十卷太和皇甫湜集

三卷舒元興集一卷李德裕會昌一品集二十卷又姑臧集五卷窮愁志三卷

雜賦二卷杜牧樊川集二十卷沈亞之集九卷羅讓集三十卷王涯集十卷魏

謨集十卷秣陵子集一卷來擇字無擇寶曆應賢良科柳仲郢集二十卷陳商集十七卷歐

陽哀集二卷袁福州閩縣人 歷侍御史 温庭筠握蘭集三卷又金筌集十卷詩集五卷漢南

真豪十卷陳陶文錄十卷劉蛻文泉子十卷字復愚咸通中書舍人 鄭畋玉堂集五卷又

鳳池橐草三十卷續鳳池橐草三十卷孫樵經緯集三卷字可之大中進士第 周慎辭寧

蘇集五卷字若訥咸通進士第 皮日休集十卷又胥臺集七卷文藪十卷詩一卷陸龜蒙

笠澤叢書三卷又詩編十卷賦六卷楊夔集五卷又冗書十卷冗餘集一卷沈

栖遠景臺編十卷字子鸞咸通進士第 鄭誠集卷亡字申虞福州閩縣人大中國子司空

圖一鳴集三十卷陸辰集七卷秦韜玉投知小錄三卷字中明田令孜神策判官工部侍郎 鄭寶

集十卷字貢華乾符進士第 袁皓碧池書三十卷袁州宜春人龍紀集賢殿圖書使自稱碧池處士 鄭氏貽孫集

四卷養素先生遺榮集三卷皆唐末人 張玄晏集二卷字寅節昭宗翰林學士 齊夔集一卷黃

璞霧居子十卷譚正夫集一卷丘光庭集三卷張安石涪江集一卷張友正雜

編一卷沈光集五卷題曰雲夢子 程晏集七卷字晏然乾寧進士第 沈顏聲書十卷李善夷江

南集十卷劉綺莊集十卷王秉集五卷孫子文纂四十卷又孫氏小集三卷孫郃

寧進士第 陳黯集三卷字希孺泉州南寧進士第 羅袞集二卷字子制天祐起居郎 李嶠雜詠詩十

卷

二卷劉希夷詩集四卷崔顥詩一卷去之者三四歷司勳員外郎即綦毋潛詩

一卷賢院待制遷右拾遺終著作郎祖詠詩一卷李頎詩一卷並開元孟浩然

詩集三卷弟洗然宜誠王士源所次包融詩一卷潤州延陵人歷大理司直二

幼嗣大曆起居舍人融與儲光羲皆延陵人曲阿有餘杭尉丁仙芝緱氏主簿

常選周瑀長州尉談戴句容有忠王府倉曹參軍殷遙破石主簿樊光橫陽主

簿沈如筠江寧有右拾遺孫處玄處士徐延壽丹徒有江都主簿馬挺武進尉

申堂構十八人皆有詩名殷皇甫冉詩集三卷集茂政潤州丹陽人秘書少監

錫尉避難居陽羨後為左金吾衛兵曹參軍左補闕與弟嚴維詩一卷越州人

會齊名會字孝常歷侍御史坐事貶徙舒州司馬陽翟令嚴維詩一卷州人

秘書張繼詩一卷字懿孫襄州人大曆未檢校祠李嘉祐詩一卷州人

刺史郎士元詩一卷字君胄戶山寶應元年選畿縣官詔張南史詩一卷字幽

州人揚子再召之未赴卒揚暢當詩二卷鄭常詩一卷蘇渙詩一卷渙少喜剽盜

蜀商人苦之號白躡以比莊嶠後折節讀書進士及第朱灣詩集四卷李勉承

吉中孚詩一卷楚州人始為道士後官校書郎登宏辭諫議朱放詩一卷字長

州人隱居剡溪嗣曹王臯鎮江西辟劉方平詩一卷河南人與元常建詩一卷

節度參謀貞元初召為拾遺不就

唐書卷六十一藝文志九中華書局聚

肅代時人 麴信陵詩一卷章八元詩一卷睦州人 歷進士第 秦系詩一卷 陳詡詩集十卷字載

初福州閩縣人 貞元 戶部郎中知制誥 錢起詩一卷 李端詩集三卷 韓翃詩集五卷 司空曙詩集

二卷 盧綸詩集十卷 耿漳詩集二卷 崔峒詩一卷 韋應物詩集十卷 許經邦詩

集一卷 建中左武衛曹參軍 韋渠牟詩集十卷 諫議大夫 劉商詩集十卷 貞元比部郎中 王建集

十卷 太和陝州司馬 張碧諤行集二卷 貞元人 雍裕之詩一卷 楊巨源詩一卷 字景山 太和少

尹 孟郊詩集十卷 張籍詩集七卷 李涉詩一卷 李賀集五卷 李紳追昔遊詩三

卷又批答一卷 章孝標詩一卷 殷堯藩詩一卷 元和進士第 李敬方詩一卷 字中虔 太和歙

州刺史 玉川子詩一卷 盧全 裴夷直詩一卷 施肩吾詩集十卷 姚合詩集十卷 韓琮

詩一卷 字成封 大中湖南觀察使 李商隱樊南中集二十卷 乙集二十卷 玉溪生詩三卷 又

賦一卷 文一卷 賈島長江集十卷 又小集三卷 張祜詩一卷 字承吉 為處士 大中中卒 許渾

丁卯集二卷 字用晦 郢州刺史 李遠詩集一卷 字求古 大中建州刺史 雍陶詩集十卷

字國鈞 大中八年自國子出為簡州刺史 朱慶詩一卷 名可久 以字行 寶曆進士第 喻鳧詩一卷 開成進士

馬戴詩一卷 字虞臣 會昌進士第 李羣玉詩三卷 後集五卷 字文山 澧州人 裴休觀察 湖南厚延致之 及為相 以詩論

薦授校書郎 崔櫓無機集四卷 郁渾百篇集一卷 渾常應百篇舉壽州刺史李紳命百題試之 姚鵠詩一

卷 字居雲會昌進士第 項斯詩一卷 字子遷江東會昌丹徒尉 孟遲詩一卷 字遲之會昌進士第 顧非熊詩一卷

況之子大中盱眙簿棄官隱茅山 章碣詩一卷 趙嘏渭南集三卷 又編年詩二卷 字承祐大中渭南尉 薛

逢詩集十卷 又別紙十三卷 賦集十四卷 于武陵詩一卷 李頻詩一卷 李郢詩

一卷 字楚望大中進士第侍御史 曹鄴詩三卷 字鄴之大中進士第洋州刺史 劉滄詩一卷 字蘊 崔珣詩一

卷 字夢之並大中進士第 劉得仁詩一卷 高蟾詩一卷 乾寧御史中丞 高駘詩一卷 薛能詩集十

卷 又繁城集一卷 陸希聲頤山詩一卷 鄭嵎津陽門詩一卷 于瀆詩一卷 字子

許棠詩一卷 字文 公乘億詩一卷 字壽山並咸通進士第 聶夷中詩二卷 字坦之咸通華陰尉 于鄴

詩一卷 于鵠詩一卷 鄭谷雲臺編三卷 又宜陽集三卷 字守愚袁州人爲右拾遺乾寧中以都官郎中

卒于家 朱朴詩四卷 又雜表一卷 玄英先生詩集十卷 字方 李洞詩一卷 吳融詩集

四卷 又制誥一卷 韓偓詩一卷 又香奩集一卷 曹唐詩三卷 字堯 周賀詩一卷

劉干詩一卷 崔塗詩一卷 字禮山光啓進士第 唐彥謙詩集三卷 張喬詩集二卷 王駕詩

集六卷 字大 吳仁璧詩一卷 字廷實並大順進士第 王貞白詩一卷 字有道 張蠙詩集二卷

字象 翁承贊詩一卷字文堯 褚載詩三卷字厚之並乾寧進士第 王毅詩集三卷字虛中乾寧進士第

致仕即官 曹松詩集三卷字夢徵天復進士第校書郎 羅鄴詩一卷 趙搏歌詩二卷 周朴詩二卷朴稱處士

朱景元詩一卷 崔道融申唐詩三卷 陳光詩一卷 王德輿詩一卷 湯緒潛陽雜題詩三卷 韋靄詩一卷 張為詩一卷 羅浩然詩一卷 薛瑩洞庭詩集一卷

謝蟠隱雜感詩二卷 譚藏用詩一卷 劉言史諷詩六卷 黃滔集十五卷字文江光化四

門博 鄭良士白巖集十卷字君夢昭宗時獻詩五百篇授補闕 嚴郾詩二卷 劉威詩一卷 鄭雲叟詩集三卷 來鵬詩一卷 陸元皓詠劉子詩三卷 任翻詩一卷 李山甫詩一卷 道

士吳筠集十卷 僧惠蹟集八卷姓李江陵人 僧玄範集二十卷 僧法琳集三十卷 僧

靈徹詩集十卷姓湯字源澄越州人 皎然詩集十卷字清書姓謝湖州人靈運十世孫居杼山顏真卿為刺史集文士課韻海

院取源預其論著貞元中集賢御書 盧獻卿愍征賦一卷 謝觀賦八卷 盧肇海潮賦一卷 又通屈賦一卷 注林絢大統賦二卷字子發袁州人咸通歙州刺史 高邁賦一卷 皇甫

松大隱賦一卷 崔葆數賦十卷乾寧進士王克昭注 宋言賦一卷字表 陳汀賦一卷字用濟並

大中進 樂朋龜綸閣集十卷 又德門集五卷 賦一卷字光吉僖宗翰林學士太子少保致仕 蔣凝

士第

賦三卷字仲山咸公乘億賦集十二卷林嵩賦一卷字降臣乾王翊賦一卷字雄

飛大順進士第賈嵩賦三卷李山甫賦二卷陸贄議論表疏集十二卷又翰苑集十卷

厚處王仲舒制集十卷李虞仲制集四卷封敖翰臺八卷崔嘏制誥集十卷字

錫邢州刺史會劉積反歸朝授考功郎中書舍人李德裕之謫殿草制不盡書其過貶端州刺史獨孤霖玉堂集二十卷劉崇

望中和制集十卷李璣制集四卷錢珣舟中錄二十卷薛延珪鳳閣書詞十卷

郭元振九諫書一卷李絳論事集二卷蔣僭李璣表疏一卷張濬表狀一卷臨

淮尺題二卷武元衡西李程表狀一卷劉三復表狀十卷問遺雜錄三卷趙璘

表狀集一卷張次宗集六卷呂述東平小集三卷段全緯集二十卷劉鄴甘棠

集三卷王虬集十卷字希龍泉州南安人崔致遠四六一卷又桂苑筆耕二十

卷高麗人寶貢及第顧氏編遺十卷茗川總載十卷纂新文苑十卷啟事一卷

賦二卷集遺具錄十卷顧雲字垂象池州人虞鄭準渚宮集一卷字不欺乾李

巨川四六集二卷韓建華胡曾安定集十卷陳蟠隱集五卷張澤飲河集十五

卷黃台江西表狀二卷鍾傳太宗凌煙閣功臣讚一卷崔融寶圖讚一卷王起

盧鋌武成王廟十哲讚一卷李靖霸國箴一卷魏徵時務策五卷郭元振安邦

策一卷劉蕡策一卷王勃舟中纂序五卷才命論一卷張鷟撰郝昂注一作張說撰潘詢注杜元

穎五題一卷李甘文一卷南卓文一卷劉軻文一卷陸鸞文一卷字離祥咸吳通進士第

武陵書一卷夏侯韞大中年與涼州書一卷駱賓王百道判集一卷張文成龍

筋鳳髓十卷崔銳判一卷大曆人鄭寬百道判一卷元和拔萃

右別集類七百三十六家七百五十部七千六百六十八卷失名姓一家玄宗以下不著錄

一百六家五千一百一十五卷

摯虞文章流別集三十卷杜預善文四十九卷謝沈名文集四十卷孔逵文苑

一百卷梁昭明太子文選三十卷又古今詩苑英華二十卷蕭該文選音十卷

僧道淹文選音義十卷小辭林五十三卷集古今帝王正位文章九十卷蕭圓

文海集三十六卷康明貞辭苑麗則二十卷庾自直類文三百七十七卷宋明

帝賦集四十卷皇帝瑞應頌集十卷五都賦五卷卞鑠獻賦集十卷司馬相如

上林賦一卷曹大家注班固幽通賦一卷項岱注幽通賦一卷張衡二京賦二

卷薛綜二京賦音二卷三都賦三卷左太冲齊都賦一卷李軌齊都賦音一卷
 褚令之百賦音一卷郭微之賦音二卷綦毋邃三京賦音一卷木連理頌二卷
 李暘靖恭堂頌一卷諸郡碑一百六十六卷雜碑文集二十卷殷仲堪雜論九
 十五卷劉楷設論集三卷謝靈運設論集五卷又連珠集五卷梁武帝制旨連
 珠四卷陸緬注制旨連珠十一卷謝莊讚集五卷張湛古今箴銘集十三卷衆
 賢誠集十五卷雜誠箴二十四卷李德林霸朝雜集五卷王履書集八十卷夏
 赤松書林六卷山濤啓事十卷梁中書表集二百五十卷薦文集七卷宋元嘉
 策五卷又元嘉宴會游山詩集五卷宋伯宜策集六卷卞氏七林集十二卷顏
 之推七悟集一卷袁淑俳諧文十五卷顏竣婦人詩集二卷殷淳婦人集三十
 卷江邃文釋十卷干寶百志詩集五卷崔光百國詩集二十九卷應璩百一詩
 八卷李夔百一詩集二卷晉元正宴會詩集四卷伏滔袁豹謝靈運集顏延之元嘉西池
 宴會詩集三卷清溪集三十卷齊武帝敕撰齊釋奠會詩集二十卷徐伯陽文會詩
 集四卷文林詩府六卷北齊後主作蕭淑西府新文十卷新文要集十卷宋明帝詩

集新撰三十卷詩集二十卷謝靈運詩集五十卷又詩集鈔十卷詩英十卷回

文詩集一卷七集十卷劉和詩集二十卷顏竣詩集一百卷許凌六代詩集鈔

四卷詩林英選十一卷虞綽等類集一百一十三卷詩續十二卷詩錄二十卷

文苑詞英八卷徐陵六代詩集鈔四卷又玉臺新詠十卷謝混集苑六十卷宋

臨川王義慶集林二百卷丘遲集鈔四十卷李善注文選六十卷公孫羅注文

選六十卷又音義十卷劉允濟金門待詔集十卷文館辭林一千卷許敬宗劉伯莊等撰

麗正文苑二十卷芳林要覽三百卷許敬宗顧胤許國師上官儀楊思儉孟利貞姚璿寶德玄郭瑜董思恭元思敬集

僧惠淨續古今詩苑英華集二十卷劉孝孫古今類聚詩苑三十卷郭瑜古今

詩類聚七十九卷歌錄集八卷李淳風注顏之推稽聖賦一卷張庭芳注庾信

哀江南賦一卷崔令欽注一卷竇嚴東漢文類三十卷李善文選辨惑十卷五

臣注文選三十卷衢州常山尉呂延濟都水使者劉承祖男良處士張銑呂向李周翰注開元六年工部侍郎呂延祚上之曹憲文

選音義卷亡康國安注駁文選異義二十卷許淹文選音十卷孟利貞續文選十

三卷崔玄暉訓注文館辭林策二十卷康顯辭苑麗則三十卷又海藏連珠三

十卷希銑之兄卜長福續文選二十卷開元十七年授富陽尉卜隱之擬文選三十卷開元

處朝英集三卷開元中張孝嵩出塞張九齡韓休崔張楚金翰苑三十卷王方

慶王氏神道銘二十卷徐堅文府二十卷開元中詔張說括文選外文章乃命

堅乃先集詩賦二韻為文裴潏太和通選三十卷李康玉臺後集十卷元思敬

詩人秀句二卷孫季良正聲集三卷珠英學士集五卷崔融集武后時修三教

詩搜玉集十卷曹恩起子集五卷大曆元結篋中集一卷奇章集四卷劉明素

麗文集五卷興元中集李吉甫古今文集略二十卷又國朝哀策文四卷梁大同古

銘記一卷麗則集五卷類表五十卷亦名表柳宗直西漢文類四十卷柳玄司

題集十卷竇常南薰集三卷殷璠丹陽集一卷又河岳英靈集二卷王起文場

秀句一卷姚合極玄集一卷高仲武中興間氣集二卷李戡唐詩三卷顧陶唐

詩類選二十卷大中校劉餗樂府古題解一卷李氏花萼集二十卷李又尚章

氏兄弟集二十卷韋會第弼竇氏聯珠集五卷竇羣常牟集賢院壁記詩二卷翰林歌

辭一卷大曆年浙東聯倡集二卷斷金集一卷李逢吉和元白繼和集一卷元稹

白居易 三州倡和集一卷 元稹白居易 劉白倡和集三卷 劉禹錫白居易 汝洛集一卷 裴度劉禹

和 錫倡 洛中集七卷 彭陽倡和集三卷 令狐楚劉禹錫 吳蜀集一卷 劉禹錫李德裕倡和 裴均壽陽

倡詠集十卷 又渚宮倡和集二十卷 峴山倡詠集八卷 荆潭倡和集一卷 盛山

倡和集一卷 荆夔倡和集一卷 僧廣宣與令狐楚倡和 一卷 名公倡和集二十

三卷 漢上題襟集十卷 段成式温庭筠余知古 袁皓集 道林寺詩二卷 松陵集十卷 皮日休陸

龜蒙 廖氏家集一卷 廖光圖唐末人 盧瓌杼情集二卷 孟啓本事詩一卷 劉松宜陽集

六卷 松字密美袁州人集其州天寶以後詩四百七十篇 蔡省風 瑤池新詠二卷 集婦詩 僧靈徹酬倡集十

卷 大曆至元和中名人 吳兢唐名臣奏十卷 馬總奏議集三十卷 臧嘉猷羽書三卷 處士沈

常總戎集三十卷 唐稟貞觀新書三十卷 稟袁州萍鄉人集貞觀以前文章 黃滔泉山秀句集

三十卷 締閩人詩目武德盡天祐末 周仁滔古今類聚策苑十四卷 五子策林十卷 集許南容而下

策問 元和制策三卷 元稹獨孤郁白居易 李太華掌記略十五卷 新掌記略九卷 林逢續

掌記略十卷

凡文史類四家四部十八卷 劉子玄以下不著錄二十九卷家二十三部一百七十九卷

李充翰林論三卷劉勰文心雕龍十卷顏竣詩例錄二卷鍾嶸詩評三卷劉子

玄史通二十卷柳氏釋史十卷柳璨一作史通析微劉鍊史例三卷沂公史例十卷田弘正客

譚裴傑史漢異義二卷河南人開元十七年上授臨濮尉李嗣真詩品一卷元兢宋約詩格一

卷王昌齡詩格二卷晝公詩式五卷詩評三卷僧皎然王起大中新行詩格一卷

姚合詩例一卷賈島詩格一卷炙轂子詩格一卷元兢古今詩人秀句二卷李

洞集賈島句圖一卷張仲素賦樞三卷范傳正賦訣一卷浩虛舟賦門一卷倪

宥文章龜鑑一卷劉濩應求類二卷孫郃文格二卷

右總集類七十五家九十九部四千二百二十三卷李淳風以下不著錄七十八家八百一十三卷

總七十九家一百七部

唐書卷六十

三州... 卷一

晉書卷之六十一... 卷二

晉書卷之六十二... 卷三

晉書卷之六十三... 卷四

晉書卷之六十四... 卷五

晉書卷之六十五... 卷六

晉書卷之六十六... 卷七

晉書卷之六十七... 卷八

晉書卷之六十八... 卷九

晉書卷之六十九... 卷十

晉書卷之七十... 卷十一

晉書卷之七十一... 卷十二

晉書卷之七十二... 卷十三

唐書卷六十考證

藝文志四丁部後周明帝集五十卷○舊書作十卷沈炳震曰按隋書作九卷

唐書卷六十考證

唐

書

卷六十考證

中華書局聚

卷六十一

卷六十二

卷六十三

唐書卷六十一

宋 翰 林 學 士 歐 陽 修 撰

表第一

宰相表上

唐因隋舊以三省長官為宰相已而又以他官參議而稱號不一出於臨時最
後乃有同品平章之名然其為職業則一也作宰相表

宰相

三師三公

武 德

戊 寅

元 年

六月甲戌趙國公世民為尚書令相國長史裴寂拜尚
書右僕射知政事相國司馬劉文靜為納言隋民部尚
書宋國公蕭瑀相國司錄參軍竇威並為內史令庚辰
世民封秦王

癸未世民為西討元帥壬辰為雍州牧 辛丑威薨將
作大匠襲陳國公竇抗本官兼納言黃門侍郎陳叔達
判納言

八月己丑世民為西討行軍元帥

戊申文靜除名

十月抗罷為左武侯大將軍

十二月
壬申秦
王世民
為太尉
陝東道
行臺尚
書令

唐

書

卷六十一

宰相表上

中華書局聚

二年 年 卯己

正月甲子叔達兼納言
十月己亥黃門侍郎涼州總管楊恭仁遙領納言

三年 年 辰庚

二月甲戌中書侍郎封德彝兼中書令

四年 年 巳辛

正月德彝判吏部尚書
四月癸酉寂為左僕射

五年 年 午壬

六年 年 未癸

四月癸酉德彝為中書令恭仁入為吏部尚書兼中書令檢校涼州諸軍事瑀為尚書右僕射寂為左僕射

七年 年 申甲

十二月庚午太子詹事裴矩檢校侍中

八年 年 酉乙

十二月辛卯矩罷判黃門侍郎 庚子天策府司馬宇文士及權檢校侍中兼太子詹事 癸卯世民加中書令元吉加侍中

四月甲寅
世民為益
州道行臺
尚書令

十月己丑
齊王元吉
為司空世
民加司徒
天策上將

十月甲子
世民領左
右十二衛
大將軍

九

年

丙戌

六月癸亥世民為皇太子

七月辛卯太子右庶子高士廉為侍中左庶子房玄齡

為中書令蕭瑀為尚書左僕射恭仁罷

癸巳士及為中書令德彝為尚書右僕射

十月庚辰叔達瑀坐事免

六月辛丑德彝薨

壬辰太子少師蕭瑀為尚書左僕射

七月壬子吏部尚書長孫无忌為尚書右僕射

八月士及檢校涼州都督

戊戌士廉貶為安州大都督

九月辛酉御史大夫杜淹檢校吏部尚書參豫朝政士

及罷為殿中監
十二月壬午瑀罷

貞元

丁亥

年

二

年

戊子

正月辛亥兵部尚書杜如晦檢校侍中攝吏部尚書仍
總監東宮兵馬事无忌罷

庚午刑部尚書李靖檢校中書令

三月壬戌靖為關內道行軍大總管

七月戊申玄齡兼太子少詹事

十月庚辰淹薨

十二月壬辰黃門侍郎王珪守侍中

正月甲寅
裴寂為司
空二月庚
申元吉為
司徒六月
庚申元吉
誅

三

年

己丑

二月戊寅房玄齡為尚書左僕射杜如晦為右僕射尚書右丞魏徵為秘書監參豫朝政靖為兵部尚書

八月靖為定襄道行軍大總管

十二月癸未如晦罷

正月辛未寂免

四

年

庚寅

二月甲寅珪為侍中太常卿蕭瑀為御史大夫參議朝政御史大夫溫彥博為中書令民部尚書戴胄檢校吏部尚書參豫朝政

八月甲寅靖為尚書右僕射

十一月壬戌右衛大將軍侯君集為兵部尚書參豫朝政

五

年

辛卯

三月君集以喪罷

五月徵檢校侍中

十一月君集起復

六

年

壬辰

三月戊子珪罷為同州刺史

庚寅徵為侍中

六月辛亥胄薨

十一月壬辰開府儀同三司長孫无忌為司空

七

年

癸巳

八

年

甲午

十月丙寅詔靖三兩日一至門下中書平章政事

十一月辛未靖罷為特進

十二月辛丑君集為積石道行軍總管

九年 未乙

七月辛巳恭仁罷為雍州牧
十一月壬戌特進蕭瑀參豫朝政

二月无忌
以母喪罷
五月起復

十年 申丙

六月壬申彥博為尚書右僕射太常卿揚師道為侍中
參豫朝政魏徵罷為特進知門下省事朝章國典參議
得失
十二月瑀罷為岐州刺史

十一年 酉丁

六月甲寅彥博薨

十二年 戌戊

七月癸酉吏部尚書高士廉為尚書右僕射
八月戊寅君集為吏部尚書 壬寅為當彌道行軍大
總管

十三年 亥己

正月玄齡為太子少師
十一月辛亥師道為中書令
戊辰尚書左丞劉洎為黃門侍郎參知政事
十二月壬申君集為交河道行軍大總管

十四年 子庚

十二月君集還

十五年 巳辛

唐

書

卷六十一

宰相表上

三 中華書局聚

十六年

壬寅

正月辛未中書舍人兼侍郎岑文本為中書侍郎專典機密
九月丁巳徵罷為太子太師

七月戊午
無忌為司
徒玄齡為
司空

十七年

癸卯

四月乙酉君集誅丁亥師道罷為吏部尚書己丑特進蕭瑀為太子太保兵部尚書李世勳為特進太子詹事並同中書門下三品
六月丁酉士廉為開府儀同三司同中書門下三品平章政事
七月丁酉玄齡以母喪罷
八月庚戌工部尚書張亮為刑部尚書參豫朝政
十月丁巳玄齡起復

七月丁酉玄齡
以母喪
罷十月
丁巳起
復

十八年

甲辰

八月丁卯洎為侍中文本為中書令中書侍郎馬周守中書令
九月黃門侍郎褚遂良參豫朝政
十一月甲子世勳周為遼東道行軍大總管

十九年

乙巳

二月乙卯士廉攝太子太傅劉洎馬周太子左庶子許敬宗右庶子高季輔少詹事張行成同掌機務
三月壬辰楊師道攝中書令無忌攝侍中
四月丁丑文本薨
十一月丁亥師道貶為工部尚書
十二月庚申洎賜死

五月
二月

二十年 丙午

二月丁丑亮誅
四月甲子瑀罷太子太保
十月貶商州刺史

二十一年 丁未

正月壬辰士廉薨
三月戊子世勳為遼東道行軍大總管
十月癸丑遂良以父喪罷

二十二年 戊申

正月庚寅周蕤
己亥中書舍人崔仁師為中書侍郎參知機務
丙午无忌檢校中書令知尚書門下三省事
二月遂良起復己卯仁師除名流于連州
九月己亥遂良為中書令

二十三年 己酉

五月戊午勳貶疊州都督
庚午行成兼侍中檢校刑部尚書季輔兼中書令禮部尚書于志寧為侍中
癸巳檢校洛州刺史李勣為開府儀同三司同中書門下參掌機密
九月乙卯李勣為尚書左僕射同中書門下三品

永徽元年 庚戌

正月丙午行成為侍中
十月戊辰勳罷僕射
十一月遂良貶同州刺史

七月癸卯玄齡薨

六月癸未无忌為太尉
九月甲寅荆王元景為司徒吳王恪為司空

二年

亥 辛

正月乙巳黃門侍郎宇文節中書侍郎柳奭並同中書門下三品

八月己巳張行成爲尚書右僕射同中書門下三品高季輔爲侍中志寧爲尚書左僕射同中書門下三品

正月己巳褚遂良爲吏部尚書同中書門下三品

三月辛巳節爲侍中奭守中書令兵部侍郎韓瑗守黃門侍郎同中書門下三品

七月乙丑行成兼太子少傅季輔兼太子少保志寧兼太子少師節兼太子詹事

九月守中書侍郎來濟同中書門下三品

三月乙酉節流桂州

九月甲戌遂良爲尚書左僕射同中書門下三品仍知選事 壬戌行成薨

十一月癸丑兵部尚書崔敦禮爲侍中

丁巳奭爲中書令

十二月庚子季輔薨

二月甲申荆王元景吳王恪賜死己亥開府儀同三司同中書門下三品勳爲司空徐王元禮爲司徒

四年

丑 癸

五年

寅 甲

六月癸亥奭罷爲吏部尚書

六

年

卯乙

五月壬辰瑗為侍中濟為中書令
七月乙酉敦禮為中書令中書舍人李義府守中書侍
郎參知政事

九月庚午遂良貶潭州都督

十月癸丑敦禮檢校太子詹事

正月甲申志寧為太子太傅瑗濟並罷太子賓客

三月丙戌戶部侍郎杜正倫為黃門侍郎同中書門下
三品

七月癸未敦禮為太子少師同中書門下三品

八月丙申敦禮薨

三月癸丑義府兼中書令兼檢校御史大夫仍太子賓
客正倫兼度支尚書

八月丁卯瑗貶振州刺史濟貶台州刺史 辛未衛尉

卿許敬宗為侍中

九月庚寅正倫兼中書令

十一月乙酉正倫貶橫州刺史義府貶普州刺史

戊子敬宗權檢校中書令

戊戌敬宗為中書令大理卿辛茂將兼侍中

四月丙辰志寧為太子太師同中書門下三品

乙丑守黃門侍郎許圜師兼檢校左庶子同中書門下
三品

戊辰志寧免

五月己卯圜師為中書侍郎同三品

丙申兵部尚書任雅相同中書門下三品度支尚書盧

元

顯

年

年

辰丙

二

年

巳丁

三

年

午戊

四

己

唐

書

卷六十一

宰相表上

五

中華書局聚

四月戊

辰無忌

年 未

承慶參知政事

八月壬子義府兼吏部尚書同中書門下三品

九月癸卯茂將兼左庶子

十月甲辰圍師兼右庶子

十一月丙午圍師為左散騎常侍檢校侍中

戊午茂將薨

癸亥承慶同中書門下三品

為揚州

都督黔

州安置

五年 庚申

七月丁卯承慶免

龍朔元年 辛酉

四月庚辰雅相為涇江道行軍總管

二月甲戌雅相薨

丙戌敬宗為右相圍師為左侍極檢校左相

七月戊戌義府以母喪罷

八月壬寅敬宗為太子少師同東西臺三品仍知西臺事

九月丁丑義府起復

十月庚戌西臺侍郎上官儀同東西臺三品

十一月辛未圍師貶為虔州刺史

正月乙丑義府為右相

四月戊子義府流于嶺州

珍做宋版印

麟

德

甲子

元

年

八月丁亥司列太常伯劉祥道兼右相大司憲竇德玄為司元太常伯檢校左相
十二月丙戌儀被殺
戊子祥道罷為司禮太常伯太子右中護樂彥璋檢校西臺侍郎西臺侍郎孫處約並同知軍國政事尋同東西臺二品

二

年

乙丑

三月甲寅司戎太常伯姜恪同東西臺二品
四月戊辰彥璋處約並罷左侍極陸敦信檢校右相
十月壬戌帶方州刺史劉仁軌為大司憲兼知政事檢校太子左中護

乾元

封年

丙寅

四月庚戌敦信罷為大司成
七月庚午仁軌兼右相檢校右中護
八月辛丑德玄薨
十二月癸酉勳為遼東道行軍大總管

二

年

丁卯

六月乙卯西臺侍郎楊武戴至德東臺侍御李安期司列少常伯趙仁本並同東西臺二品東臺舍人張文瓘參知政事
八月辛亥安期罷為荊州大都督長史

總

章

戊辰

正月壬子仁軌為遼東道行軍副總管兼安撫大使涇江道行軍總管
四月辛巳武薨

元

年

辰

十二月甲戌恪檢校左相司平太常伯闍立本守右相是歲勳加太子太師

二年 己巳

二月辛酉文瓘為東臺侍郎右肅機李敬玄為西臺侍郎並同東西臺三品
三月丙戌東臺侍郎郝處俊同東西臺三品

十二月戊申勤薨

咸亨

正月丁丑仁軌以金紫光祿大夫致仕
三月壬辰敬宗以特進致仕

庚午

四月己酉敬玄以喪免
七月戊子敬玄起復

元年

閏九月甲寅恪為涼州道行軍大總管
十月乙未仁本罷為左肅機

二年 辛未

恪為侍中立本為中書令

九月丙申徐王元禮薨

三年 壬申

二月己卯恪薨
十月文瓘為大理卿
乙亥至德為戶部尚書敬玄吏部侍郎處俊中書侍郎
十二月劉仁軌為太子左庶子同中書門下三品

四年 癸酉

十月壬午立本薨

上元元年 甲戌

二月壬午仁軌為雞林道行軍大總管

二年 亥乙

八月庚子文瓘為侍中處俊為中書令並同中書門下三品仁軌為尚書左僕射至德為右僕射敬玄為吏部尚書

儀鳳 丙

三月癸卯黃門侍郎來恆中書侍郎薛元超並同中書門下三品

元年 子

四月甲寅中書侍郎李義琰同中書門下三品
六月癸亥黃門侍郎高智周並同中書門下三品
十一月庚寅敬立為中書令

二年 丑丁

十二月丙午恆為河南道大使元超河北道大使
三月癸亥處俊智周為太子左庶子義琰為右庶子
四月太子左庶子張大安同中書門下三品
八月辛亥仁軌為洮河軍鎮守使

三年 戌

正月丙子敬玄為洮河道行軍大總管兼安撫大使檢校鄯州都督
九月癸亥文瓘薨
十一月壬子恆薨

調露元年 己卯

正月庚戌至德薨
四月辛酉處俊為侍中元超檢校太子左庶子
十一月戊寅智周罷為御史大夫

永隆 庚辰

四月戊辰中書侍郎王德真黃門侍郎裴炎崔知溫並同中書門下三品
八月丁巳敬玄貶衡州刺史

元年 辰

己巳大安貶普州刺史
九月甲申德真罷為相王府長史

唐

書

卷六十一

宰相表上

七

中華書局聚

開耀元年 辛巳

三月辛卯仁軌兼太子少傅處俊罷為太子少保
七月甲午仁軌罷左僕射以太子少傅同中書門下三
品

閏七月丁未元超知温並守中書令炎為侍中

四月丙寅仁軌為京副留守元超炎留輔皇太子

丁亥黃門侍郎郭待舉兵部侍郎岑長倩秘書員外少
監郭正一吏部侍郎魏玄同並與中書門下同承受進
止平章事

永淳元年 壬午

十月丙寅黃門侍郎劉景先同中書門下平章事

三月庚子義琰以銀青光祿大夫致仕 癸丑知温薨

四月壬申待舉檢校太子右庶子正一為中書侍郎並
同中書門下平章事

七月甲辰元超罷

十一月戊申炎正一景先兼於東宮平章事

弘道元年 癸未

十二月甲戌仁軌罷為左僕射京師留守炎為中書令
戊寅景先守侍中長倩兵部尚書待舉左散騎常侍玄
同黃門侍郎並同中書門下三品

癸未正一罷為國子祭酒

正月癸巳左散騎常侍章弘敏為太府卿同中書門下
三品

二月丁丑檢校豫王府長史太常卿王德真為侍中中
書侍郎豫王府司馬劉禕之為中書侍郎同中書門下
三品

光宅 甲

閏五月甲子禮部尚書武承嗣為太常卿同中書門下
三品

閏五月甲子禮部尚書武承嗣為太常卿同中書門下
三品

十二月庚

午韓王元

嘉為太尉

霍王元軌

為司徒舒

王元名為

司空

三品

八月丙午承嗣罷為禮部尚書

十月丁亥鳳閣舍人李景謨同鳳閣鸞臺平章事左肅政臺御史大夫蕭味道檢校內史同鳳閣鸞臺三品

丙申炎被殺

丁酉景先貶辰州刺史弘敏貶汾州刺史景謨罷守司賓少卿守右史沈君諒著作郎崔營並為正諫大夫同鳳閣鸞臺平章事

十一月丁卯待舉罷為左庶子鸞臺侍郎章方質守鳳閣侍郎同鳳閣鸞臺平章事

正月戊辰仁軌薨

庚戌味道守內史同三品

二月乙巳承嗣同鳳閣鸞臺三品君諒罷右肅政臺御史大夫韋思謙秋官尚書裴居道並同鳳閣鸞臺三品

三月辛酉承嗣罷管使河北罷

四月丙子味道貶青州刺史

五月丙午居道為內史

丁未德真罷為同州刺史其日流象州

己酉冬官尚書蘇良嗣守納言

壬申方質同鳳閣鸞臺三品

六月天官尚書韋待價同鳳閣鸞臺三品

七月己酉玄同自文昌左丞遷鸞臺侍郎

十一月癸卯待價為燕然道行軍大總管

元

年

申

垂

拱

乙

元

年

西

十一月

丙辰元

嘉自殺

元軌流

黔州

唐

書

卷六十一

宰相表上

八

中華書局聚

二年 丙戌

三月丙辰玄同為地官尚書
四月庚辰長倩為內史
五月丙午居道為納言
六月辛未夏嗣守文昌左相同鳳閣鸞臺三品待價守文昌右相
己卯思謙守納言

三月乙丑思謙以太中大夫致仕

四月壬戌居道為納言

五月丙寅夏官侍郎張光輔為鳳閣侍郎同鳳閣鸞臺平章事

庚午禕之被殺

八月壬子玄同兼檢校納言

十二月壬辰待價為安息道行軍大總管

九月丁卯左肅政臺御史大夫騫味道夏官侍郎王本立並同鳳閣鸞臺平章事

丙辰光輔為諸軍節度長倩為後軍大總管討越王貞

十二月己亥味道被殺

二月甲寅方質守地官尚書

三月甲寅本立守左肅政臺御史大夫

甲子光輔守納言

癸酉天官尚書武承嗣為納言光輔守內史

五月丙辰待價為安息道行軍總管

七月丙子待價流繡州

戊寅本立同鳳閣鸞臺三品

載初 己申

四年 戊子

三年 丁亥

正月丁巳元名為司徒

元 年 丑

八月甲申光輔被殺
閏九月甲午玄同被殺

十月丁卯春官尚書范履冰鳳閣侍郎邢文偉並同鳳閣鸞臺平章事

天 授

二月戊子承嗣為文昌左相長倩為文昌右相並同鳳閣鸞臺三品良嗣為特進本立罷為地官尚書文偉守內史鳳閣侍郎武攸寧納言居道為太子少保
甲午方質流于儋州

三月丁亥良嗣薨

四月丁巳履冰被殺

元 年 寅 庚

八月甲寅居道下獄死
九月丙戌給事中傅游藝為鸞臺侍郎同鳳閣鸞臺平章事司賓卿史務滋守納言鳳閣侍郎宗秦客檢校納言

十月甲子秦客貶遵化尉
辛未文尉貶珍州刺史

正月庚子務滋自殺

五月丁亥長倩為武威道行軍大總管

六月庚戌鸞臺侍郎樂思晦鳳閣侍郎任知古左肅政臺御史大夫格輔元為地官尚書並同鳳閣鸞臺平章事

二 辛

癸卯長倩為輔國大將軍

八月戊申攸寧罷為左羽林衛大將軍夏官尚書歐陽通為司禮卿兼判納言事

七月辛

巳元名

流和州

唐

書

卷六十一

宰相表上

九

中華書局聚

年 卯

長壽

壬辰

元

壬辰

二

癸巳

延載

九月壬辰游藝自殺

癸巳攸寧守納言冬官侍郎裴行本洛州司馬狄仁傑

守地官侍郎並同鳳閣鸞臺平章事

十月己酉長倩輔元通被殺 壬戌思晦被殺

正月戊辰夏官尚書楊執柔同鳳閣鸞臺平章事

庚午知古貶江夏令行本流嶺南仁傑貶彭澤令

庚辰司刑卿李游道為冬官尚書同鳳閣鸞臺平章事

二月戊午秋官尚書袁智弘同鳳閣鸞臺平章事

八月戊寅承嗣罷為特進攸寧能為冬官尚書執柔罷

守地官尚書司賓卿崔神基秋官侍郎崔元綜夏官侍郎

李昭德權檢校天官侍郎姚璿守容州都督檢校地

官侍郎李元素並同鳳閣鸞臺平章事

辛巳營繕大匠王璿守夏官尚書同鳳閣鸞臺平章事

九月辛丑璿罷為司賓少卿

癸丑游道智弘神基元素璿並流嶺南

二月庚子夏官侍郎婁師德同鳳閣鸞臺平章事

乙卯昭德為夏官侍郎

九月癸丑文昌右丞章巨源秋官侍郎陸元方為鸞臺

侍郎並同鳳閣鸞臺平章事司賓卿豆盧欽望守內史

二月甲午師德為秋官尚書充河源積石懷遠等軍營

田大使
三月甲申昭德為檢校內史鳳閣舍人蘇味道為鳳閣
侍郎同鳳閣鸞臺平章事昭德為朔方道行軍長史味

道為司馬

四月壬戌夏官尚書武威道大總管王孝傑同鳳閣鸞

臺三品

七月癸未嵩岳山人武什方為正諫大夫同鳳閣鸞臺

平章事

八月什方乞歸山遣之

戊辰孝傑為瀚海道行軍總管

己巳姚璿守納言左肅政臺御史大夫楊再思為鸞臺

侍郎洛州司馬杜景佺檢校鳳閣侍郎並同鳳閣鸞臺

平章事

戊寅元綜流于振州

九月壬寅昭德貶南賓尉

十月壬申文昌右丞李元素守鳳閣侍郎右肅政臺御

史中丞周允元檢校鳳閣侍郎並同鳳閣鸞臺平章事

正月戊子欽望貶趙州刺史巨源鄜州刺史景佺濠州

刺史味道集州刺史元方綏州刺史

丙午孝傑為朔方道行軍總管

二月丙辰允元薨

七月辛酉孝傑為肅邊道行軍大總管

二月甲寅師德為左肅政臺御史大夫肅邊道行軍總

管
三月壬寅孝傑免
四月癸酉檢校夏官侍郎孫元亨同鳳閣鸞臺平章事

庚子師德貶原州司馬

元 年

甲 午

萬歲登乙
封元年未

萬歲通

丙

唐

書 卷六十一

宰相表上

十一中華書局聚

天元年 申

七月辛亥璿為榆關道安撫副大使
九月庚申并州長史王方慶為鸞臺侍郎殿中監李道廣並同鳳閣鸞臺平章事

十月己卯方慶為鳳閣侍郎

正月壬戌元素元亨被殺

甲子師德守鳳閣侍郎同鳳閣鸞臺平章事

四月癸酉前益州大都督府長史王及善為內史

五月癸卯師德為清邊道行軍副大總管

六月己卯尚方少監宗楚客檢校夏官侍郎同鳳閣鸞臺平章事 戊子承嗣春官尚書武三思並同鳳閣鸞

臺三品道廣兼檢校洛州長史 辛卯師德安撫河北

七月丁酉承嗣三思並罷

八月丙戌璿罷為益州長史

庚子仁傑兼納言三思檢校內史欽望自太子宮尹為

文昌右相同鳳閣鸞臺三品

九月甲子攸寧同鳳閣鸞臺三品

戊寅仁傑為河北道副元帥檢校納言

庚戌師德守納言

十月癸卯仁傑為河北道安撫大使

閏十月甲寅仁傑為鸞臺侍郎景佺為鳳閣侍郎並同

鳳閣鸞臺平章事

正月丙寅楚客罷為文昌左相

丁亥道廣罷為汴州刺史

二月乙未欽望罷為太子賓客

神功

丁

元年

聖曆

元年

二年

戊戌

己亥

三月甲戌師德罷為納言

四月辛丑師德為隴右諸軍大使仍檢校河西營田事

七月辛未景佺罷為秋官尚書

八月甲午方慶罷為麟臺監修國史

庚子三思檢校內史仁傑兼納言

九月甲子夏官尚書武攸寧同鳳閣鸞臺三品

戊寅仁傑為河北道行軍副元帥檢校納言

辛巳試天官侍郎蘇味道為鳳閣侍郎同鳳閣鸞臺平章事

十月癸卯狄仁傑為河北道安撫大使夏官侍郎姚元

崇麟臺少監監脩國史知鳳閣侍郎李嶠同鳳閣鸞臺

平章事

臘月戊子檢校左肅政臺御史中丞吉頊為天官侍郎

右臺魏元忠為鳳閣侍郎並同鳳閣鸞臺平章事

二月庚申武攸寧罷為冬官尚書

三月甲戌師德為納言

四月壬辰魏元忠檢校并州大都督府長史天兵軍大

總管師德副之

壬寅師德充隴右諸軍大使

八月庚子再思罷為左肅政臺御史大夫及善為文昌

左相同鳳閣鸞臺平章事太子官尹欽望為文昌右相

同鳳閣鸞臺三品

丁未師德薨試天官侍郎陸元方為鸞臺侍郎同鳳閣

鸞臺平章事

天祐年

戊申三思為內史
九月庚辰及善嘉

久視

正月戊午頊貶琰川尉
壬申三思罷為特進太子少保
丁酉狄仁傑為內史
庚子文昌左相韋巨源為納言
二月乙未欽望罷為太子賓客
三月癸丑元忠兼洛州長史
辛未嶠守鸞臺侍郎兼修國史

元

庚子

甲戌頊加左控鶴內供奉
六月丁亥元忠為左肅政臺御史大夫
閏七月己丑嶠罷為成均祭酒守天官侍郎張錫為鳳閣侍郎同鳳閣鸞臺平章事
八月庚戌元忠為隴右諸軍州大總管
九月辛丑仁傑薨

元

十月辛亥元忠為肅關道行軍大總管

丁巳巨源罷為地官尚書文昌右丞韋安石守鸞臺侍郎同鳳閣鸞臺平章事

二月己酉鸞臺侍郎李懷遠同鳳閣鸞臺平章事
三月己卯元崇為鳳閣侍郎

長安

丙申錫流循州

四月癸丑元崇往并州以北檢校諸軍州兵馬
五月丁丑元忠為靈武道行軍大總管

元年

辛丑

丙申天官侍郎顧琮同鳳閣鸞臺平章事

六月庚申元崇兼知夏官尚書事夏官侍郎右奉宸內
供奉李迥秀同鳳閣鸞臺平章事

七月壬午味道充使往幽平等州按察兵馬

甲申懷遠罷為秋官尚書

十月丙寅元忠同鳳閣鸞臺三品兼羣牧大使

十一月壬申三思罷為特進太子少保

甲午元崇加相王府長史安石加檢校太子左庶子

三月丙戌迥秀充使山東諸州安置軍馬并檢校武騎
兵

五月元忠為安北道行軍副元帥尋授并州道行軍大

總管兼宣勞使左肅政臺御史大夫同鳳閣鸞臺三品

兼知并州事

十月甲辰琮薨

甲寅元崇同鳳閣鸞臺平章事味道迥秀安石並同鳳

閣鸞臺三品

十二月甲午元忠為安東道安撫使

閏四月庚午嶠兼左丞同鳳閣鸞臺平章事

丁丑安石為神都留守判天官秋官二尚書事

己卯嶠知納言事

五月戊戌元忠兼左庶子

七月壬寅正諫大夫朱敬則同鳳閣鸞臺平章事

庚戌檢校涼州都督唐休瓌為夏官尚書同鳳閣鸞臺
平章事

二年

壬寅

十一月

甲子相

王旦為

司徒

四月庚

子相王

旦罷

三年

癸卯

唐

書

卷六十一

宰相表上

十一中華書局聚

九月丁酉元忠貶高要尉

正月壬子天官侍郎章嗣立為鳳閣侍郎同鳳閣鸞臺

三品

二月癸亥迴秀貶廬州刺史 壬申敬則致仕

三月己丑嗣立檢校汴州刺史 己亥貶味道坊州刺

史夏官侍郎宗楚客同鳳閣鸞臺平章事休璟行右庶

子 四月壬戌安石知納言事嶠知內史事

六月辛酉元崇罷為相王府長史一事以上並同三品

乙丑天官侍郎崔玄暉為鸞臺侍郎同鳳閣鸞臺平章

事嗣立追赴官所

丁丑嶠為成均祭酒同鳳閣鸞臺三品 壬午元崇兼

知夏官尚書同鳳閣鸞臺三品

七月丙戌左肅政臺御史大夫楊再思守內史 甲午

禁客貶原州都督

八月甲寅安石兼檢校揚州長史 庚申休璟兼幽營

二州都督安東都護 辛酉元崇兼知春官尚書 庚

辰元崇為司僕卿

九月壬子元之知羣牧使兼攝右肅政臺御史大夫靈

武道行軍大總管

十月辛酉元之為靈武道安撫大使權檢校左臺大夫

甲戌判秋官侍郎張柬之同鳳閣鸞臺平章事 乙亥

嗣立檢校魏州刺史 壬午懷州長史房融為正諫大

珍做宋版印

日曆

千

四月

同封

王旦

甲午

十一月

辛

神

龍

元

乙 巳

十一月丁亥天官侍郎韋承慶行鳳閣侍郎同鳳閣鸞臺平章事東之守鳳閣侍郎 癸卯嶠罷為地官尚書監修國史 丁未玄暉兼檢校太子右庶子 十二月丙辰嗣立罷為成均祭酒

正月甲辰司刑少卿袁恕己為鳳閣侍郎同鳳閣鸞臺平章事

丙午安國相王為太尉同鳳閣鸞臺平章事

庚戌玄暉守內史左羽林將軍散暉檢校左羽林將軍桓彥範並為納言東之為天官尚書恕己為鳳閣侍郎並同鳳閣鸞臺三品

二月甲寅三思為戶部尚書同中書門下三品元之罷為豪州刺史韋承慶貶高要尉融除名流高州

甲戌太子少詹事祝欽明同中書門下三品安石罷為守刑部尚書

三月己丑恕己守中書令

四月辛亥恕己為中書令彥範為侍中東之為天官尚書

丁卯元忠為衛尉卿同中書門下平章事

辛未暉為侍郎

甲戌元忠為兵部尚書安石為吏部尚書懷遠為左散騎常侍休璟自涼州入為輔國大將軍並同中書門下三品再思檢校揚州大都督玄暉為特進檢校益州大都督府長史同中書門下三品欽明守刑部尚書

乙亥東之為中書令同中書門下三品

五月甲午安石兼檢校中書令玄暉罷為博陵郡王東

正月丙

午安國

相王為

太尉

二月丙

寅梁王

武三思

為司空

同中書

門下三

品

丁卯右

散騎常

侍武攸

暨為司

徒

辛未安

天

年

二

年

丙 午

之罷為漢陽郡王恕已罷為南陽郡王暉罷為平陽郡

王彥範罷為扶陽郡王元忠兼侍中

庚子懷遠為左散騎常侍

甲辰休瓌為尚書左僕射欽望自特進為右僕射同中

書門下平章事

六月癸亥欽望軍國重事中書門下平章事安石為中

書令元忠為侍中再思檢校中書令

七月辛巳太子賓客章巨源同中書門下三品

八月欽望兼檢校安國相王府長史

九月癸巳巨源罷為禮部尚書

十月丁未休瓌為京留守仍判尚書省事

辛未元忠為中書令再思行侍中

正月戊戌守吏部尚書李嶠同中書門下三品中書侍

郎于惟謙同中書門下平章事

二月乙未禮部尚書章巨源守刑部尚書同中書門下

三品

三月甲辰安石罷為戶部尚書戶部尚書蘇瓌守侍中

戊申休瓌致仕

四月己丑懷遠致仕

六月戊寅貶暉為崖州司馬彥範龍州司馬恕已贛州

司馬玄暉白州司馬宋之新州司馬

七月丙寅元忠為尚書右僕射兼中書令仍知兵部事

嶠守中書令

辛未懷遠復為同中書門下三品流暉于嘉州彥範于

瀘州恕已于瓊州玄暉于古州宋之于瀘州

珍傲宋版印

國相王

讓太尉

同三品

丁丑三

思攸暨

罷

門下三

同中書

元忠

元忠

元忠

元忠

元忠

元忠

元忠

元忠

元忠

元忠

元忠

元忠

元忠

元忠

元忠

元忠

元忠

元忠

八月丙子欽明貶申州刺史

九月戊午懷遠薨

十月癸巳瓌為侍中

十二月丙申欽望為開府儀同三司依舊平章軍國重

事元忠為尚書左僕射

七月壬戌嶠為中書令巨源為吏部尚書元忠加特進

八月丙戌元忠以特進致仕

九月丁酉惟謙罷為國子祭酒行兵部尚書宗楚客左

衛將軍兼太府卿紀處訥為太僕卿吏部侍郎肅至忠

為黃門侍郎並同中書門下三品

丙辰至忠行中書侍郎

辛亥再思為中書令巨源處訥為侍中瓌罷為行吏部

尚書

七月癸巳左屯衛大將軍朔方道行軍大總管張仁亶

同中書門下三品

二月壬寅巨源為尚書左僕射再思為右僕射同中書

門下三品

三月戊午楚客為中書令至忠守侍中太府卿韋嗣立

守兵部尚書同中書門下三品中書侍郎兼檢校吏部

侍郎崔湜守兵部侍郎趙彥昭為中書侍郎並同中書

門下平章事

戊寅禮部尚書韋溫為太子少保同中書門下三品太

常少卿鄭愔守吏部侍郎同中書門下平章事

景元

龍

丁

元

未

二

年

戊申

三

己

唐

書 卷六十一

宰相表上

西 中華書局聚

大... 龍... 景... 元... 二... 三... 己... 丁... 未... 戊... 申...

西

年

景

雲

庚

五月丙戌提貶襄州刺史愷貶江州司馬
六月癸巳再思薨

八月乙酉嶠守兵部尚書同中書門下三品安石自特
進為侍中至忠為中書令

九月巨源為都留守

戊辰瓌為右僕射同中書門下三品

十一月甲戌欽望薨

十二月壬辰前右僕射同三品宋國公致仕唐休瓌為
太子少師同中書門下三品

六月壬午工部尚書張錫刑部尚書裴談並同中書門
下三品吏部侍郎崔湜中書侍郎岑羲吏部尚書張嘉

福並同中書門下平章事温總知內外兵馬

甲申相王參謀政事

壬辰嘉福持節河北道巡撫義持節河南道巡撫處訥
持節關內道巡撫

庚子巨源誅

辛丑朝邑尉劉幽求為中書舍人苑總監鍾紹京為中
書侍郎並參豫機務

壬寅紹京黃門侍郎李日知殿中監平王隆基並同中
書門下三品至忠貶許州刺史嗣立宋州刺史彥昭絳

州刺史湜華州刺史處訥楚客温誅

癸卯隆基同中書門下三品紹京行中書令嘉福誅

乙巳紹京罷為戶部尚書

丙午太常少卿薛稷為黃門侍郎參豫機務

六月甲申安國相王罷參謀政事加太尉十一月己巳宋王成器為司徒兼揚州大都督

戊

丁未隆基為皇太子

戊申許州刺史姚元之為兵部尚書同中書門下三品

嗣立至忠為中書令彥昭為中書侍郎湜為吏部侍郎

同中書門下平章事
七月癸丑兵部尚書崔日用行黃門侍郎參知機務稷

為中書侍郎
丁巳洛州長史朱璟檢校吏部尚書同中書門下三品

元之兼太子左庶子璟兼右庶子義罷為右散騎常侍

壬戌湜罷為尚書左丞錫貶絳州刺史至忠為晉州刺

史彥昭為宋州刺史嗣立為許州刺史
丙寅元之兼中書令璟為尚書左僕射嶠貶為懷州刺

史
丁卯休璟致仕仁亶罷為左衛大將軍 己巳日用罷

為雍州刺史稷罷為左散騎常侍
八月癸巳談罷為蒲州刺史

十一月戊申元崇為中書令兼兵部尚書

壬子安石罷為太子少保環罷為少傅宋王成器為尚

書左僕射
正月己未太僕卿郭元振中書侍郎張說並同中書門

下平章事
二月甲申環貶楚州刺史元之申州刺史

丙戌章安石為侍中幽求罷為戶部尚書

四月甲申安石為中書令
辛卯日知守侍中

元 年 二

唐

書 卷六十一

宰相表上

五 中華書局聚

四月甲

申宋王

辛亥

二年

先天壬子
元年

庚戌安石加開府儀同三司

壬戌殿中監竇懷貞為左臺御史大夫同中書門下平章事

八月庚午安石為尚書左僕射同中書門下三品

九月乙亥懷貞守侍中

十月甲辰日知罷為戶部尚書元振罷為吏部尚書說罷為尚書左丞懷貞罷為左臺御史大夫安石罷為特進中書侍郎陸象先同中書門下平章事吏部尚書劉

幽求為侍中右散騎常侍魏知古太子詹事崔湜為中書侍郎並同中書門下三品

正月壬辰象先同中書門下三品

乙未竇懷貞戶部尚書岑羲並同中書門下三品

六月癸丑羲為侍中壬戌知古為戶部尚書同中書門下三品

七月乙亥懷貞為尚書右僕射軍國重事宜共平章

八月庚戌湜檢校中書令幽求守尚書右僕射懷貞守

左僕射並同三品知古守侍中

戊午幽求流于封州

憲讓司

徒為太

子賓客

八月己

酉宋王

成器為

司空

唐書卷六十一考證

宰相表上武德元年八月戊申文靜除名○臣西按舊書本紀作壬申八月無

戊申表誤

四年四月癸酉寂為王僕射○臣西按通鑑六年四月癸酉寂左轉蓋六年蕭

瑀拜右故寂轉左也四年四月無癸酉表誤

貞觀九年七月辛巳恭仁罷為雍州牧○沈炳震曰恭仁武德九年七月辛卯

已罷矣此蓋因九年之文而誤也

龍朔二年十一月辛未圜師貶為虔州刺史○舊書本紀十一月下獄三年三

月貶表誤

長壽元年九月辛丑璿罷○本紀作二年九月辛丑沈炳震曰按是年九月無

辛丑且據傳當從紀

神功元年八月庚子三思檢校○臣西按舊書此即下聖曆元年八月庚子之

拜重出

欽望自太子宮尹為文昌右相○臣西按舊書此即下聖曆二年八月庚子之

新拜重出

聖曆元年二月乙未欽望罷○臣西按舊書本紀此即下久視元年二月乙未

之免重出

三月甲戌師德罷為納言○臣西按罷字衍文蓋師德以神功元年九月守納

言至是而正拜為納言也又按舊書本紀此即下二年三月甲戌之拜重出

臘月○沈炳震曰按自載初建子之後以十二月為臘月在春一月之前為次

年文表屬聖曆元年誤

唐書卷六十一考證

李許姜士進卷示甲八民史中文補刻各○臣西按舊書本紀於壬申八民

唐書卷六十一校勘